

Литература Дагъистан

16+

Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



5/2017
сентябрь - октябрь

РЕСПУБЛИКА
ТАТАРСТАН



РЕСПУБЛИКА
БАШКОРТОСТАН

РЕСПУБЛИКА
ЧУВАШИЯ



Москвализб жузала ярмарка



Гъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬ - БЕКІ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
Х. Къурбанов (журналла редактор)
Къ. Мигърабов
Т.СягИлов

ЖАМИГІЯТЛА СОВЕТ
А. Гъабдулманапова
М. ХІяжиев
И. Ибрагимов
Ш. МихІаммадов
Х. Хіябірова
Х. Юсупов
И. МихІаммадов

5
—
2017

сентябрь - октябрь

Кіел базли гъачам
дурабулхъан

Выходит один раз в два месяца

1952 ибил дуслизиб
акІахъубси саби

Журнал основан в 1952 году

Государственное бюджетное учреждение
Республики Дагестан "Редакция республиканских литературных
журналов "Соколенок" и "Литературный Дагестан".

ПОЭЗИЯ

Аминат ГЯБДУЛМАНАПОВА. *Назмурти* 3

ПРОЗА

Къасум-Бег МИГЪРАБОВ. Шахли дигубти къар.....	6
Ильяс ХІУСЕЙНОВЛИС – 85 дус.....	18.
Мяхіммад ГЯБДУЛМУТІАЛИМОВ. Адамличи дигили вицЛібси.....	19
Ильяс ХІУСЕЙНОВ. Гиникълаб къайк.....	20
Хадижат ХІЯБИБОВА. Дигай – гІяжаибы цакъ.....	28
Мяхіммад КЬУРБАНОВ. Мурул-хъунул. (<i>Повесть</i>).....	39

ЖУРНАЛИСТЛА БЕЛКІАНИ

Патімат ВЯХІИДОВА. Жагаси чебаэс балес..... 51

ПРОЗА

Тавсултан СЯГИДОВ. Саят-абара НЛО-ра..... 65

НУШАЧИВ ГІАХІЛАДЛИ

Глябдуселим ИСМЯГІЛОВЛИС – 70 дус. Хабурти..... 74

ПОЭЗИЯ

Хіяпиз АБАКАРОВ. *Назмурти*..... 80

ХІЯБИБ НАВРУЗОВЛИС – 85 ДУС

Пагъмукар артист ва пергер адам	85
Хіябіб НАВРУЗОВ. УмцJули левалра.	89

КРИТИКА

Хіяпиз НУРМЯХІЯММАДОВ. Хебалуси гъуникал сен дашутирав?..... 93.

Регистрационный номер ПИ №ТУ05-00369 от 23.12.2016 г.
Выданный управлением Роскомнадзора по Республике Дагестан.

Типография: Издательский дом “Дагестан”.
Адрес типографии: 367018, РД, г. Махачкала, пр. Насрутдинова, 61

ГЪАЛМАГЪДЕШ №5 2017 г.

На даргинском языке

Выход в свет 19.09. 2017 г. Тираж 341 экз.

Заказ № 0905 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”. Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:
litdag@mail.ru

Поэзия

Дагъиста халкъла поэт
Аминат ГЯБДУЛМАНАПОВА



ЖАГТЬСА ДЕЗА

Цалис ца г'ях'деш барес
Абзлизи кадулхъулра
Бег'ла г'ях'си дев бурес
Урк'базир умутира.

Хунк'лизирти т'улбиван
Къасанас ч'уматира,
Дуц' хъярхъти айгъиртиван
Гъунарти сархантира.

Х'улбани чебаиси
Някъбани бирантара,
Дудешуна дег'унти
Хъуми духъахъантира.

Г'ядатла г'ямрулизир
Игъбарла адамтира,

Бургъантала хъямиван
Ах'ер Ват'айс мартира.

Сахълира, сахъли диэс
Нушазиб леб ахърира,
Ват'ан ч'умали бих'ес
Жан дедес х'ядуртира.

Верх'дех' зубрала г'ела
Урцахъех'е далайра,
Дунъяла гъарил шайчир
Лагдилзан зурх'ябтира.

Нушарагу, нушара
Дунъя г'айбарибири,
Зубри заб маркаливан
Баракат бурт'антира.

ДУНЬЯЛА ДАВЛА

Г'яг'иниси ах'ен гъанна
Нушаб царх'ил алжана,
Нуша цах'инар ди'нира
Саби дунъяла давла.

Х'ела х'ерлизир сари
Берх'ила нуранира,
Х'ела г'айлизир сари
Дигайла мяг'дунтира.

Карц'айла булбултала
Иргъулира т'амара,

Дунъяличир ак'убла
Х'лергъиби гъачамалра.

Иш дунъя бузахъуси
Саби илди х'яланы,
Х'едра набра х'еблизиб
Г'айбирех'е дунъяра.

Ишди дигайла къуват
Се г'айли бурусира?
Карц'айла ц'акълизибгу
Зубартала барчигра.

ДИГАЙЛА ТІАМА

ЛехІахъи, бурулра хабар дигайла
Ахъбарили тіама, бучас далайра,
Хіуни гъигъириуси гъава аурли
Гъав аэс дигулра хіела гіамрула.

Хіеризи, тилади, манзил тіашаа,
Галга аэс диги анхълизир хіела,
Дигайла ціедешли хіу укахъули,
Карурхус хіед гіамру гіеркъадибули.

Дила хіерла берхіи хіед саб гъар бархіи
Чарвяхъи, ахіерси, алкирал севан,
Дигайла дарайла къалтин бершили,
Хіу вашул дякъличи убушес диги.

Урунжла дяргіб шин шараб арахъис,
Гъарилра кіантілизи карціай картіили,
Ну релгъас, шарабли хіу ужахъули,
Гіамрула кеп хіези халбирахъули.

АГЬ, ДИГАЙ

Дунъяла шалаличи
Дигайличил хіеръира,
Зайбухъун дунъякадли
Дай уркіила далайра.

Хіечи дигай хіехъили
Гіамру аркъутиvara?
Дила дигайла ціали
Ціакъидиру вулкантира.

Мусни-зубри диціари
Лер дуціарти карціира,
Лералцадхіи миціирли
Мурадли хіейтира.

Ахъасри ишди дигай
Мургыила берхіи булхъи,
Карціайла мурад барес
Верхіел бархіи кадулхъи.

Агъ, дигай, дила дигай,
Чизи дард буришара?
Далайрикіни ахіенси
Я дарман хіебургулра.

Дунъяла шала лерай
Дилшти ахіен дигай,
Ясирра гъанна чула
Набчира баили пай.

ВАЛАДАЯВ ИЛГЬУНА?

Алапа агара, хIянчи агара
Ахир замана саб бакIибси гъанна,
ВикIули, хъунулла къиян букули
Кайилри гIяхIялван хIу вегIси хъули.

Авара агара хIед берхIилара,
ХIерейчи баалра кавлад бурушлав.
Урези ва хIая чинара хIела?
Илбисла макрули вицIилри хIура.

Чармагъуна кани хIяршкабарили,
Бумгуси къял къайда шайчи геркавхъи,
Мурул сайра или пахрубирули,
Хъунулла хъябличи мурдакайили.

Замунти зуздарес къайгъна иркъули,
Илкъайда деркIибти гIямру сейрут?
Бунагъунала мах декIибикIахъули,
ГIямру аркъниличи пикри хIейкIултив?

Пурсливан уктемли кабуцили бекI,
Шайчи чебяхъили бухари къапIа,
ШутIини-къунби дучес вашуд гумайла.
ГIяйирли хIулбира урхIла рурсбагIир.

Садакъаван дуртIу абдал дигайра,
Жагъаннабла цIали, балас, игудра.
Чинара урези, чинара хIая?
Илбисла макрура хIезир къунбира.

ГIяхIял сайри гъанна хIу вегIси хъулив
Палакатли саби хIела кулпетра,
Гъар бархIи хъунуйчил сар къалмакъарра
Байтарман, бегIасра хIу балагъ сайри.



Проза



Къасум-Бег МИГЬРАБОВ

ШАХЛИ ДИГУБТИ КЪАР

(Хъарахъуд)

ОВООТ ХИЕРКІЛА ДУБЛАБ АРГЬИБСИ
ХАБАРЛА АХИР

Гур гъяхъад замана арбякъун...

Дунгармара Алтангэрэлра цахынабикниличила набчи хабар баихъели, ну чина вирхарусири, хъялта аргъайзивад улхъули хилхи калунра. Наб илца-дра децагиб, илцадра хлейгибизур, чумал бархы къац-шинничи иштихъ бетахъиб, къакъярлаб гъянд барцбикиб, михъирлар ца сарри. Амма ил бархъ-дешли уббухъун.

Ил разиагарли набчи хееризур, гур, ахъли кабуцили бекі, иб:

— Сен хъарбиулри? Дархдикес гъягъинидеш актубхъели, дархдикира.

Илала жавабличи ну гъатира уркъухъунра.

Илискун ил бекіліл хлейгахъи. Нура суненири иличи гъимичевварибси. Суненири цудара уркъила вегъла уршира илгъуна ветарули сай ибси. Гъан-на хъра житараован саби. Бержибси илала вяв алавчартани иргъули сари. Жаланира...

Се жалани? Иргъути чянкъили хамси Алтангэрэлла вяв сари, Дунгармала тъамара иргъули ахъен. Чянкъили савли демдурти хулбачил арилзули сари ил. Цацахъели дяхъличир хъанцоидиубти дамгънира дагъардирули сари.

Хееръибхъели, жагадешличил ва кагъебдешличил ил цархилтазирад декаррулхъули ахъен. Амма илизир нукъсандешунира жагъалтира ага-ра, ил гъядатла, хъалицъалис лергъер ралрикеси, пергер неш ретаэси сари. Риштъахъели гъинталала гежбачи ва барткелла къачачи мешуси рурси гъанна пурсличи мешулири. Ну гъясили хеерикъулри иличи, амма илала хамдеш ар-гъес вирули ахъенри, ва ил агили дила деці гъатирилра имцабибулри.

Алтангэрэлла кийкъяранбикиси халаси бекіли, хаслира бугали бакъиб-си муцурли, дяхъ гъярцоидибулри, гъанбикеслии илди кіел декарти адамла касили чедишибти сари или. Урчиличив мурталра къунзикъули виъни сабабли илди гамслира сари.

Набчил къяркъли ва лехИли вири, салам лугаллира, някъ гъакИбири, яра, салам ца или гІядатлис гили, сунела гъуни бурцулри. Илала куц-кабиз дикІуттиванри: наб чилра гІягІнили ахІен, я ну – числарта. Амма мурталра лехИли хІейри ил. ГъимукІиси яра чичи биалра гІясивиубси манзил илала мухИли-ли дурести дали. Илгъуна агиличив биалли ил мурталра вирусири аслира хатІа ахІен. Хъулиб илала юлдашуни – вачрукъяби цалабикихІели, илала вяв дураг иргъули дири. Чизирадрил аргъибти пикруми дурули, ил ахъли гІякикІи, хаслира ил агиличив вири илдачил чярдуба виркъухІели.

ВахъхИи къунзхІевхъунси ну, гуявлизибад сасили илала къяшми кункси юргъя, ургубализи дуравхъунра. Овоотла дуб буцили ну гъала-гъала лаг аря-къунра, гІур чумал музя, къякъ ахъили, гІелавяхІ чарухъунра.

Муртрил дурхъаси урунж парчбикІуси мерличивяхІ гъамиубра. Илабси, адамтани дузахъути гІядатунас пайдаладируги гІягІниахълумала бекІала шулгІир, гъамли кабухъунси СеленгаличибяхІ хІербикІуси адамла къаралди нуни гъараҳъли левалли чебаира. Ил чебаиси дила урчира, дингаили лихІби, пурхбухъи, ташбизур. Ил Дунгарма сарри. Ну урчиличивад кацІира, гъараҳъ архІябукухъес или, къяшум даршили, иличи гъамиубра. Илала хІулби демдурлири.

– Иша ракІилригу, Дунгарма? – ира нуни. Илини селра хІеиб. Изай къакъарабибхІеливан, къябшдуцили дяхІ, ил цархІил шайчи ласряхъиб.

Ну иличи гъатІира гъамиубра.

– Сен сарри, Дунгарма?

– ГІяхІилра...

– Арадеш сен саби?

– ГІяхІил саби...

– Бура, хІед се биублил? НуникІун чериулри...

– Селра биубли ахІен... ХІед гъанбиркулив ишабси аршан?..

– ГъанхІебиркуру, гъайгъайра, гъанбиркур, чІянкІли ил Жунайли... гъм. Се кайсуси ил сунени биуруси хІебалусилизибад?..

– ХІебалули виалли, ил селра ахІен. Вайси адамли, балу-балули дахъал балагъуни лерку... ил сай урехила.

– Хъубешличила илкъаяда гъайрикІуси ил нуни гІеруцес пикрибарра:

– Алтангэрэлра сунела дудешличи мешуси сай. Вахъ хамлира виарнру...

– Илизибад се кайсуси, багъуди агарси адамлизибад? Ил, хІушаван, ба-гъудира касили бяркъличира викес, учІхІевчи. Жузала гІилму хІядяркъур... Иличила, набчил гІямру дуркІуси вархъя адамличила, се рикІусира ну... гъар секІал, гъайгъайра, вайси адамлизирад сари...

– ГІе, сари, – иличили къабулицира ну. Ихтилат бетарули ахІенри. ГІяхІ-цадхІи кІелра лехІакъира. Иша вакІниличира пашманиубра.

Аршанна шулгІиси секІултала ва дяйрала бекІа пашакъурлири, илди гъар шайчи тІинтІкадарилри. Муртрил дарма шин парчличил дурадулхъуси ванзала гІянжи беръублири.

– ХІябилра барскабиубли леб къалли иш мер. Хъалта-къарли буцили... – ира нуни.

ГІе, саби. их беръубси гІянжилизири къел нуни дарибти сари, гъанбикіб, гІе гІянжи буркъасли, шин дурадулхъан или, амма... Умут тамай бетахъиб дила... – пашмай гъинчІризур ил ва шалкІубад тІелиличилси куруш-кІа дурасиб.

– Се барес къаса хIела? – уркIухъи, хъарбаира нуни.

– Гъяму гIяхIтихIели ракIили ахIенра иша... Гъанна чумал дус изули саби дила дулекI. Иш дуслизиб къалли гъар бархIи ил изули саби. Дугели русес рибули ахIенра, духIнар хъячI-къиз камхIедибули. Тухтуртани дарма шинна Гинзурби маслигIятдарили сари, дахъал дармунтира делкIун, амма наб дигули ахIенра илди дужес... Илдани маслигIятдарила гIергъи гIяхIцад заманара бикили саби.

Жявли сарри илдачи дугъаризурси... Чиналра дурагуихъесра бетарули ахIен. Веңал дусра-сера чиналра дурагуихъес риубли ахIенра.

– Иш аршанни дулекI сагъириусив гъатIи?

– БикIули бираргу дулекIлис, гъимилис ва къякIа канилис гIяхIтири или. Бухънаби къалли хатIахIебиркур. Изути нушала адамти чиналра башулира хIебири. Дурабад иша биалли башули бири.

– Муруйчил гъайкарухъен, илини тухтуртачи аркури.

– Ил сейкIуси ишав? Ну къашмачир риасли, хIебиалли ара-сагъли сарра.

– Сен биалра, Дунгарма, хъарбаэс дигулра: секъайда разирикибири хIу Алтангэрэйс рукъес?

Ил набчи, бекI къалабали пялхъярбарили, ласряхъиб.

– ЧевдукаркIултив? Гым... УркIецIидухъун, гIяшикIриубра, гIур биалли къабулрикира. Аргъирив? – къиячил иб илини.

Ил лергIер васвасрикIули риъни багъеслири.

– Биха гъари ца сигарета, – иб илини. Касили ца, илини абалкун, чуйнанрил пIагъбариб, гIур хъехIлизи гIеларикиб.

– Илдигъунти сари гIямру... ГIямру, чула вегIебш, – чIумаси тIамаличил или, лехIкахъиб ил.

– Гъар секIайчила гъанбушили адамтази вегIла гIямруличила къалли бурес хIейрап. Амма хIези риус. ХIези нуни илдачила чараагарли бурес ГIягIнили саби. ХIялта селра тамашабизеси дила гIямрулизиб агара биалра. Амма цацахIели, уркIиличил улукъуси чизи-биалра бурадли, гъамадбули бирар.

Ил хIеркIличиряхI ласряхъиб ва мурхъли гъигъбушиб, селичирад рехIрихъусил пикририкIули рииши. Карибси мерличир ил рал-ралриуб, гъачам гъатIи Селенгала шайчибахI хIеръили, рехIрихъиб:

– ХIуни балулив школалис гIергъи ну ишар кални, хала неш сарицунратес хIейгули? Овоотла шулгIир. ХIу арякы гIергъи, кIел кагъар делкIунри. ГIергъила дус хIела хъалибарг ишабад гечиуб. Ургабси бархбас беткахъиб, хIушачила селра иргъуси аги. Гым... Гъамадлив дурхIядешлизив хIериэс? Ну пикрумазирри. Дугелира хIерелира. Наб гъанбирки, ца бархIи хIу Овоотла ургубализив дакIуулхъад или. Мурталра хIеррикIули рираси хIу гIелай-кибси хъябагъриличи... Амма хIу вагъархIеайди.

ХIябал дус дикили хала неш хIярихъира. Ил пакъирли хIу мурталра гъануршади, хIечила гъайрикIи... Пайчибала управлениелизирад нуни мазакира... ГIур...

... Агъ, вегIебш, сен къркътил гIямру... Чилра хIекIиб Овоотла хъябагъриличивад. Гъарил адамлизиб лебси саби хъалибарглизив хIериэс дигуси гъуцI, талихI баргес хъалицIализиб ва хъалибарглизиб. Жагъдешра хIерли дуули ахIен. Илди сабурагарти сари... цацахIели хIу къацIурцуливан урцу-

ти аги-къайдара алкIули дирап... гъайла къантIа... ца гIядатла гIянручIла сягIятлизир ну Алтангэрэла шулгIир рагъарриубра... Ва ил сегъуна виалра, Овоотла къядлизир ну цунни ратурли архIявкъун... ГIур дурхIни акIуб. Гъала-гъала, къяна сен буруси, ил вайси хIейри. ХIуникIун балулри иличила дила сегъуна пикри бирил ва нушала ургала севан бижгурли бирил... ИлкIун ит, арцантала пукъни дуунси ва илдала гидгури ганздарибси Алтангэрэл сай... Мурталра нушаб зарулта виркъуси... Наб вайбаркълисс багъандан, дила мукъарла хIули сукъурбарибси...

Гъанна нуни балулра, ил итхIелира хIехара, секIал къиматлабарес хIебалуси хъяша хIейъни. БикIаргу, адам виштIахIейчивад, чи ветараарал чейуси сай или. Илинира гIур сунела тIабигIят чебаахъиб. ВехIихъиб вявикиес, уртъес, ахирра-ахир – вирхъес...

Эгер ну набчиле аварализирси риасри, жявлил, ватурли ил, ишарад ре-тихъира... Амма хIериубра, риули ахIенра... ДурхIни багъандан. Илди цIуръабарес хIейгули, ил најасла мякълаб сабицун батес хIериула.

Ахирра-ахир, иш дулекIра изесбяхIиб... ГIе, гIямрули ца гIяхIил инжитрарра ну. Илбагъандан илала зулмурти чекасес пикрибара. Илкъайда хIерриулра... чум дус гъанна ил децI бихIулра нуни дила уркIилизиз? Чум дус...

Набчиле ил урхIилизиз гапикIули сай, пахрума виркъур, ну ишгъуна хъунул риъни сабабли. Илди гъай аргъасли нура къантIирикIули рирус. Камси бержаллира илди гап дехIдирхъу. Наб цIахбилзули бираг, гъайгъайра, амма уркIила бухIнабси гъими бацIили, иличи уркIецIи бирес рехIрирхъулра.

Амма сунени набчи уркIецIи хIебиру. ХIуни иргъултив, ил пахрумаир-кули сай ну сунела риъни багъандан, амма дигахъес ва уркIецIибарес балули ахIен... Ил секIал хIези секъайда иргъахъусил нуни балули ахIенра.

ЦацахIели набчи лехIихъули вираг, илхIели уркIи разибурули бираг, пи-криухъен, пайчибала управлениелизирадти, жамигIятла ишдицад мицIираг секъайда хIердирути кумек агарли? Сен виалра, варх хIериули сай

къалли, ца къумурлизирад дукулра, рапхи хIянчилизи ахъалли, чяли бал-барес яра урцуул хIядурдарес, вявикиес вехIирхъур, тIашхIейзурли ургъар. Ахирра-ахир пикрирулхъулри: «Ишичи хъарбаресличиб, даршнали гIяхIил саби вегIли баралли...»

Гъайгъайра, цаупусланти ва управлениела хIякимти шакбиркули ахIен ил аги биъниличи. Илала дураадра, ну чизилра гIярзикIулрав гъатIи? ХIе-рикIулра къалли. Наб хIела рузилира гуявлара кумекбирнули саби, хIялалди-аб чусну.

Гъала-гъала наб дигуси ахIенри илис рукеес. Набцун ахIенну, чисалра хIейгули. Жунай хIявкъунси мер кахIелун, хIятта Хялганатлизи ва Тээль-лизи валли ваиб. ЖавхIейчибад дудешличилара уршиличилара тIинтIибу-си вайси хабар гъарахълира баили буили...

ИлхIели ну пикрирухъунра, пакъир Алтангэрэлра нушагъуна сайгу, бе-лики хъаллавиубхIели варсиес... цархIил адам ветаэс. НушакIун ца дякъкад дашулра, ца урунжла ши дужулра, ца гъава гъигъибуулра... Белики, Жунай-гъуна ветхIеэс. Къабулприира.

Гъанна ил, сунела дудешла гIяхIдешли ну ралхулра ва хIерриулра или уркъубяхъуна угъули сай. Бархъли буралли, илала ишар диули ахIен, – иб

илини бекІлизи түл къутІбурули. – Ца гъатІи секІал... Ишар хІерриэс дигули лералра ну, иш ну акІубси, халараиси улуслизир, ишди дубуртала ва хІуркІбала мякълар!..

... Ил секІал хІуни, дигули виадли, иргъид.

Алтангэрэлли Гаснала ца катруглизиси абзур чирх кабяхъес пикрибайхІели, сагаси чали барес багъандан, нуни ил секІал хІебараахъира. Дудешли батурси ца бухъна тупангли сецац балагъуны Гердиахъулри! Чум жанивар кадушибал иличил илини. Илди илала авара анцІдукъи, ну ца чедивси хІякимлизи ГярзрухъунхІели, хІилхІи калунра каруршули. ХІилхІи рерцира.

Ишав ца адам лев, ил мешебей сай – вацІа балтахъан. Амма ил уцун саби. Илини саби ил хІебалтуси. Гъар бархІи вирцули сай. Вашар нушачи ва бужули кабиръур, тяп хъябла адаайчи.

Камси замана лехІкахъили ил Гүурра даимриуб:

– Наб гъанбиркули саби дунъяличиб чебяхІси океан леб или, закличи ибкъизурси дубурара бургар или. Амма наб бегІла чихъси саби Дурхъаси Гасна, бегІла мурхъси саби неш-Селенг! Иш дунъяличил дархдаси сари дила Гямру. РиштІахІели пикририкІира шинна рурси сарра или. Гъанбирки ил – дубуртала, шинна ва хІуркІбала вегІбекI сари или. Гъаннара баребиубси агара, амма ну сукъурли рирхуси ахІенра. БелчІес ГягІниси – бучІас, багъес ГягІниси – балас... рирхесиличи рирхулра. Икрамбарес ГягІнисилис – бирулра...

Ца галга ахъбиалли, разилира, адам акІубли или. Дубуртазиб шури тІякъбухъалли, ну рисулра, мурул адам висикайиб или. Монголти илкъяйда бикІар. Иличибра ГяхІси сабаб лебу адам дигахъес ва уркІецІибires, дигахъес ванза ва илди цабарес?

Севан чебяхІибрасил нуни иш мерличибси урунж! Гъанна ил беръубли саби.

Илала хІерзира кали ахІен.

Гъанна дила чарх децІлизиси саби ва ил изули саби. Чекасес ахъри агарли изули саби. Гергъиси замана урехила пикруми дашули сари. ЛергІер вайти...

Сабур каберхурси ил рисирииб.

Диубти, гъанна лерти зугІлуми гъандиркахъули ихтилатдикІути нуша хъули садаибхІели, берхІи дубуртачи Гяшбиублири.

Гуясли набзи буриб Алтангэрэллис, бучили баҳъал ГяхІли, халаси сяхІбат барес дигули сай или. Илбагъандан илини чумал галга хъули хилри, ГяхІти кумис дарес. Газни-ургарт лерри дирзахъес бурсидарибири, илкъяйдали – бушинхІедарибири.

Гъар бархІи Дунгарма яраврикІулри, илала дяхІра чІукъалири. Гъалабла кункдеш бетахъилри. Ванза, уди аркъусиван, ил малхІямли кайцІули къяш ражулри. ЦацахІели, къямризури, кіелра някъли кани бурцуулри.

Гъалар гъачамалра хІедирзиби, тахъти газнани Дунгарма инжитириулри. Гъар бархІи илини илди кІийна-хІайна дирзес ГягІнилири. Дирзитазирадли айраг дирулри. Илала дураг, илис маза-масличи ва цархІилти хІайван-къячаличи хІеруди барес ГягІнилири. ГягІнилири ний ружердирес ва илдазирад дарибити берк-берж деражъес. ДурхІачи хІеруди бирес. ЦархІил-

ти хъа хІянчира камлив гъатІи хъалиціализир? Газни дирзес дила рузилира кумекбирулри. Нунира се-біалра бирулри, масала, тайри газназирад къябда-рили, ниъ гъаргдарибхІели декІарли дилгъес.

Ца бархІира ил хІянчи даймбарили дузулри. Алтангэрэл илдигъунти хІянчилизи бекІлил гъудурхІейри. Гъаннара илкъаяда сайри. Ябни дилгъу-си мерличир шелріл-урегалрил газа тІашлири. Юртализирадли бакІибти гІяхІала тІамри чедихулри, урга-ургади далайра зайдулхъулри. ГІякгІякла тІамрани цацахІели юртала чиятир зерзербулхъахъулри.

ТашхІебизурли, дуги-хІери хІеили держибти айрагли замана-замана юр-талабад хІунтІендиубти дяхІла бегІти мурул адамти дурабулхъулри ва, «ур-чиличи хІербизес» юртала гІела арбашулри, хІяжатдеш ахъили, шайчибад-ли тІулбачил гъарзати духъяна хІевни гІердуцили, юртализи чарбулхъулри.

— Ағағъай, ишдани дужути, чина кадурцуили хІебалас, — ира нуни, яргаличилси гІяхІял «урчиличи хІеризес» дуравхъунхІели.

— Сеңад хІянчи дарибал илдани наб...

Айраг гІяркыиличил гъудурдирули сари илдани... АцІи хІура, — иб Дун-гармали.

— Илданицад держес хІейрус нуни.

— Се лебсив илди держес? ОтпускаличивхІели асубирап. Илала дураба-дра, хІукІун илдиван шадиб-гъундурагІив, батури хъалибарг, хІянчи, къай-цІли ахІенри.

Ил замана лебгІеб тахъси цУба газа зигарбухъун, гъала-гъала къуйрукъ ита-иша ва лаг пяхъбариб, гІур, къяшми лардарили, бадира бяхІкаур. Дун-гарма, тІама дурабушили, къакъличи карикиб.

Рузира нура илис кумекбарес гъуцідухъунра, Дунгарма, къацІрики кІентІличи, ахъриуб.

— ВайтІа чегибу? Сенри хІу?

— Селра, селра, — иб илини, цулби къярждухъахъи. Изияльни багъеслири, амма ил, нуша къакъахІедакІахъес багъандан, чумали каризурлири.

Нуни балулри илала изуси дулекІлис газала бяхъ урехила бъини. Рузи, хъулиряхІ, Алтангэрэл живарес дуцірухъун, ну, ил гІерруцили, мякълав ка-лунра.

— Юрталабад цалис гІергъи ца чумал мурул адам дурабухъун. Бахъал адамти цалабикибхІели, Дунгарма урузиубли каризур. Къияйчил аризур, газала къяшли белсаҳунси бадира ахъбуциб ва, гІягІнисиван кабихъиб, амма ил гІурра кабикиб. Илала лутІи къямчІбизурлири. Илала хІулбазирад тІашхІедилзули нургъби гердикІулри.

— Гъу, гъу, марисуд. БекІсигъуна мицирлири. Панабиаб бадира! Илди асес вируси сайну... иб Алтангэрэлли, иличи хІерикІули.

ХалгІятла гъарзати сурмази вархили, чуйнарил дапарухъи, Алтангэрэл гІелавяхІ ласухъес вализур. «Панабиаб бадира, — викІар. Халаси — уркІеци хІебиалли бируси иш жалладли» — гІяшли шипІирбатурра набзи нуни.

Халаси хІунтІена къянкъла вегІ, чумал тІярхъи лерси варгъила чекабиран хъянтІала цуцІбатурси ца вабзали иб:

— Гъар секІал гІяхІил диалли, дашира гІеладяхІ, юртализи. Марли селра хІябячив ишала?

— Ишала дулекІ изуси саби. Ишди бурхІназиб ил сагали вяшбухъи биэс, ил зигаррикІули лерри, — аргъахъиб гІяхІайзи Алтангэрэлли.

Чуйнарил хъяб шайчибад шайчи т҃якъярбухъахьи, г'елабяхI игъубли бекI ва г'еладуцили някъби, ил юртализи ганзухъун. Илис г'елабад батбихъиб г'яхIира.

Чялила х'яри буцили Дунгарма декIли рисулри, рузира нура, се бируси, сегъуна кумек бирусил х'ебалули, илала мякълар т'ашлири. Дубурла удидад илала дурхIани мазала х'енкь хъулибахI г'айбарири.

Дунгарма симкърикIес даймриублири...

Абзикили х'ябкубта бучIути г'яхIала далуйтала т'амри г'ятIира ахъдиуб, илдала х'яз г'янна хекъли bemжурлири, г'ира имцIабикIулри.

— ... Дашули калаб сари! — Ахир агарли... Буца лихIи, батмайд... — далуйтала цацадехI тугъи азбарлизира чедихулри, г'ур дукелцIи гурдулхъулри...

Ил бархIиличирад Дунгарма аризес х'ериуб. Алтангэрэл Овоот къядла г'ела, юлдашуначи арякъун. Чумал бархIи кеп-чеклизив кали, къяшма-чи кайзес х'ейрули чарухъун, ца бархIи хъуна мякълав калун. Ил бархIи Дунгарма лергIер вайтIарикиб, илбагъандан халал урши тухтур живара-хъес центрлизи вархъиб. Ну ацIибхIели, дигайли дицIибти х'улби нургъбазир куртIицIахъули, набчи малхIямли х'ерризур. Дила х'ерра илалайчил цааур. Нуни г'ячихъли аргъира ил манзил дила уркIи бисни. Илала — х'улби дила — уркIи... дяхI лергIер ч'укъалири, деръубти к'унтIи т'якъкадухъири.

— Цунси п'ялп'ялагла аршан кягIибси х'ебиалри, ну иш агиличир х'еририра, — иб илини беръубси т'амаличиил.

— Сен или рикIулри? Х'ед дила вебкIибси дудешла лигуби зигардарес саби калунси?! — иличи Алтангэрэл чевхъун.

Дунгармани селра х'еиб.

К'елра ургабти илала уршбани ч'ухнира уцIалабира хили унзала г'ала кадихъиб. Илди к'елра илини имцIали лявбирули рири, дугъаризурхIели ар-цантала ва мицIирагла уми айхъули.

Иш г'якIис илини бекI ахъбуциб, илдани хибтачи к'ияйчил х'ерризур:

— Илди се сари г'яри хибти? — иб илини, чатли дясунти, арцантала пяхIи г'удурти ч'ухначи х'еррикIули. — Чили х'ярбариба ихди няс хъули хахъес?

— Дудешли! Дудешли! — цахIнаб иб узбани.

— Нуни сеира х'ушази? — иб илини.

Уршиби лехIакахъиб.

— Кадиира иша!

Дулгъубази някъби кадуркIули, илини цулби ч'умадариб, г'ур г'янайчи-ряхI ритакIили, кроватыла къяшличи къакъяхъили, мурхъси г'игъбуши. Камси замана кали, багъали аризур.

— Се бирулри х'уни? Х'укIун ремжурлири... АсухIебиарну, карихъен! — ира нуни

— Селра х'ебиар, арилзас! — иб илини ва, шайчири х'якала хъапIини илгIи, дебадариб.

Пижла г'ала, кабикибси кигъаван кайхъунси Алтангэрэл «Се саби иши-дигуси?» бикIуси х'ерличил иличи вякъизурлири.

Дунгармани, г'ала сурбухъунси чури, г'елабахI игъуб.

— Се дигулри? — ира нуни илала някъ бурцули. Ил цIа адалкунсиван бу-цIарлири. Чарх руцIар-ружерлизири. Пашманти х'улбачил уршбачи х'ер-

ризурли, илини цАбилькъла чедирти хурграчи някъ абатур ва, къухIдизахъ-урли нудби, цИваили хIулби, илабад жярла гъярцIа мурчI касиб.

– УркIеци хIедухъуну? Агарав хIушазирра уркIеци?! – иб илини ва уршби чуйнарил мурчIлизи хъябруцбуцахъиб.

Дила уркIи цухбизур.

– Диубти ил секIал барес?! Сеира нуни хIушази!.. Хъумартурлирав? ХIуша арцантачир вайтирав? Сен илди дуунрав?.. Набчила пикридикIули? Ишди къялуби хъула хъирхънани кIел жумягI дузули хибитигу!

Чейгулил, чехIейгулил хIерхIерикIули, ил, шятIбикIахъули Гъярчумагван, илини мурчI илдачи изихIеэсли, малхIямли игахъни наб якынбиуб. Илгъуна саби гъарил нешла, дурхIиначи къакъаси някъла бяхъ.

ЧянкIли дурхIнас къадархIебиралри ил някъ агнила децI бержес. Ил сахаватси, уркIецичебси ва къяркъси танбихI бируси ва чеббурхуси някъ.

Адам лукъулив гъатIи, саби ахир агарсиван билзузи, сахаватси талихIли? Чилилра ибу, ну талихIли великъира, анцIбуку саби или? Гъязабазив виалра адам, илини цЯбли ахирличиб, Гъязабла бурхIни чердиркIули ахIенара? Ди-гули сай адамлис берхIила шала. Сецад ванза ахIерли биалра, илизи арукъес диги агара.

АЗирна чебберхни тиладибирилихъалли ва нуша Гур децIдикIулихъалли, се ГъяхIдеша, нушала къугънани ва зулмуртани неш-тIабигIят инжит-барили панашибурили биалли? ХIятта ил сагъбиубли хъалли? ХIянби къалли кавлули дургар.

Илди гъай шипIирдириулира шинна рурсили, яра цархIилти дугъби дурулив? Рахли нушани мутрил бехIбихъибси кагъар таманбирили хIериалли?

Илра дила Гъяйибличибли таманхIебиубли калун къалли. Се ГъяхIдеша, ил агархIели, нуницун таманбарнилизибад?

Ил секIал барес ихтияр – декIар лебу набзиб?..

Дунгарма гъярцIа къяшмачир руржули, хIулбазирад нургъби тIашбизагарли каркулри, кIунтIби тярхIдашулри. УркIи битIикIуси мяштIбируси жагадешла лишанти детахъилри. Ил нуни я лявириули ахIенри я кахIерикахъес руцили. Илизиб гъарли-марси тамашала цАкъ дакIубиублири, илбагъандан ил агиличирси илис дила кумек хIяжатхIебирки. Алкунти рухIла цАлис ил хIяжатхIебиркур.

Алтангэрэла хIулби, дурадикес дигутиван, халадаилри. Ил мицIирлира сайри, мицIирлира ахIенри. Къаркъакаурлири. БегI гъалав Гъямурулизив уркIи-уркIилавад уркIухъири ил. УркIухъни къалли, бикIутиван, секIал иргънила бехIбихъуд саби. Шинна рурсила михъирлаб алкунси цА дишеси, хIятта ил тяхIубареси ца кIантIличира разилири дила рухI.

– Гъанна иш!.. Арцантала пукъя! Гур нушачиб назиктала дунъяра илди сабира хIебалтадав? Бурая!..

Чус наслули Гъебисусив ил бяргIибси уркIециагарси уркIи?! ГъяндиркухIеливан илини мурхъси гъигъбатур, Гур паргъатриубли, багълали, амма чIумали дaimриуб:

– Хъуммартидая хIушала нешла ишди Гъасидеш!.. Мурталра хъуммартидая!.. Овоотла дублаб муртрил дарма шинна аршан бири... Ил хIушаб чеба-эс хIебикиб. Хала неш рикIи, – «адамла, дубуртала, шинна ца неш сари...» Дила леври узи, ЧяртIа галгаван зантси ва жагаси, галгаван улкIуси... Гъари

бурис хүшази ца хабар, таманхieberиубси хабар... Илала дяхIла ранг детахъ-
иб, тIама багъла-багълали бишун ва някълизибад жярла гIярца мурчI каби-
киб.

– Хъуммартидая, вари... – шипIбатур илини, гъаргси мухIли гъавалигIиб
хъямбикIахъули ва, мурчIван, чIябарличиряхI гъакIрухъун. Амма нуни ил
хапрарили руцира ва кроватьличи илала чIукъаси жаназа кабихъира.

Илала хIулби гъарглири, кIунтIбачиб бара багъарси гъинчI сабри.

Ахъли агъиили ну илавад дурайкира ва таманхieberиубси хабар акIахъуб-
си ургубакад дуцIухъунра...

... Ишдуги нуни, гъайгъайра хъулиб беркIес хIейрус, – бикIулри набзи
чиларил тIама. – Юх, ил тIама ахIенри, я уркIила бухIнабси ихтилат ахIен-
ри. Гъар шайчирад хIердикIути ургубала мицIир жан, галга-къада, вава-къар,
хаслира Дурхъати дубурти ва ЧебяхIси неш – хIеркI набчи цараван хIер-
дикIули или гъанарулри наб. Илдала лехIдешла дугъбала цАкъра имкантира
ПяхIил далас. ХIебалас даласал, чили бала? Белики ил набзиси хатIала пи-
кри биэсра асувиар. Набчи ну вирхудешли чуйна хатIаикахъира ну? Чуйна
къардухъунра...

Илбагъандан ахIенрав гъатIи ну ишдугира, аязбарибси анцIилван, ургу-
бализив къайцIикиуси?

«Кагъар къанбарилихъалли селра хIебиар, ил къалли набчи гъимхIеур-
кIар, дила шинна рурси...» хIейкIираф гъатIи Улан-Баторла шалати къакъур-
бикад кIунзикIули? Ил биалли, зягIипси хала нешличил, хIеруди барес гIягI-
нити мазаличил ва къугънаиркъуси унраличивси Алтангэрэлличил сесад
Гядаблирил илис...

Авал дус... Авал, ил халаси луги ахIен. АвцIану гехIара илцад халаси
къадарла лугIи ахIен. Илдиaval дусла бузразирти бурхIни гъатIи – азир-
лим авдаршлим шуцIанну урчIемра бархIи, ил лугIи лебгIеб халаси саби.
Се-дигара бетаэс биарар илди бурхInазиб. Ил се-дигара бетаэс бирниличира
вирхули ахIенри ну...

БиубхIели гъатIи, ва ил биубсилучила хабар набчи баибхIели, ну уркIи
гъуцIикиуси мерличи, дила риганай лерси ургубализи къалабахIейкирану,
гъараҳъси улуслизи, илдала хIаявенти арадирес арякъунра...

Висира, ургъира, улгира, амма гъараҳъли хIериубра. Сен виубрал хIеба-
лас!?

Сен?..

Секъайда хIериусира гъаннала гIергъи ну? Секъайда ганзикIусира или-
ни датурти дукъбикад, майдунтиkad ва севан гъинтбала гежбуначил. Ну-
никIун илди мезра хIедалас...

Илала, жан кадерхурхIелира набчи атIунси хIер вирусив хъумартес? ГIя-
датла хIерра ахIенри къалли ил! Агь бахъ ахIенригу...

Илала гъарил дев, гъар кайцIуси бегI эргъиси ганз вяв сабригу. Нургъби
дархси, амма лебгIеб чебсаргъибси вяв...

Яра илини наб бариси танбихI сабрив ил? МурчIличил «малхIямли»
уршиби битни – илкIун мурхъси мягIна бухIнабуцибси баркъудицун ахIен-
рину, наб бариси танбихIра сабри. «Пукъни дуэс асухIебиар хIеирав? Хъ-
ирхъали ил къали жумягIли пукъализи баахъни хIебагъуррив?..» Илди суал-
ти-декIар хъардашибти уршбази саррира?

Нунира буунрагу хъали. ЦалахІядяхъили – дуунра. Лерил гІамру хІерлири ил секІайчи, ну биалли къаниубра. Дивайчицун бекІиубра... Наб барибси къяркъси дивайчи...

ХІера, севан хъярхъли бишунал, пирхикІла такъаличи чІалаливан, батури къел... Жярла мурчІличира мешубикиб ил наб.

Агъ, вегІебш, хІабилра гІядабли лерилра гІамрула бурхІни деркІеси къисмат биар гъаннала эргъи дила...

Азирна набзи нуни дурибти, амма Дунгармани хІергъибти дугъбачил се бариша? Илди къалли нуни чараагарли дурес гІягІнили саби. ХІейрус ну илди уркІиларли вашес...

... ХІейрус...

ХІебиалли илис бегІла дигуси, сунела гІамрула бурхІнира сунечил дарх-дасахъунси Цунси галгалиуб мицІирти шин парчдикІуси аршайзи бурис. Сеннира илизи... Илала, шин дашули калунти, гъанна чумал дус закличи деръубли хІердикІуты сурс-къакъарлизи дурасли къалли, илди сеннира иличи диур. Илди, Цунси Піялпіялагла хІячмани илала хІябличи диахъу. Илди лерилра къалли деръубли хІедургарт? «Дила ахІерси, бегІла наб дигуси Дунгарма... Дила бегІла малхІямси риганай... БегІла духуси ва пасихІси шинна рурси... Иш бегІ хІед дигуси мерличи вакІили, Цунси галгала ар биуси мерличи – илала хъитІаличи кайили хІези тиладибиулра: черрерхи!.. Къаниубра ну ва хатІаикира...

Чинар дургиса нуни илди хІезирти умудешра хІялалдешра?.. Виишара, барибси хатІала дазурби далухІели паргъятли хІериэ? Гайгъайра, хІейрус. Амма ил набчи лайикъси танбихІ саби. Дила хайндешлис. Дигайла гъала батакъисир барес асухІебирар къалли. Нуни биалли барира...

Амма гъар секіл цараван диэс дири къалли!.. Агъ, севан дирил. Дирутіри, гелешмеш вавнала халми цала цали букІрачи кадихъили, Селенгала дубқадли къунздухъес...

Севан жагали дирил хІечир мекъла палтар! ІцицІимкайчи мешули риради хІу. Гур биалли нуша, гъядяхъили урчи, ургубализи аркыра, барх каси-ли нушала дигайла урга.

Ил чебии гъараҳъилибадра гъункъябанира букІунанира. Чебаили, гъараҳъилибад шулумбулхъи, нушала дигайла хІяз хІебехъес. Дигайла ил бурушлис гъараҳъбикес.

Сегъунти дугъби дурирал хІези нуни ил бурушличир, севан лявдикІил хІези дигайла күнгілбі ва дуцІарты хъутри. Нушала чедир урци чІянкІли нушала арцанти, илди хІясаддеш, халисдеш агарти пергер жан?

Илди диэс дири... Дири... Амма хІедиуб. Гелешмешли вавнала мява бекІличи кахІебихъиб хІела. Ургара кахІетІун ургубализиб. Іцикурила жа-гати палтар чехъес хІебикиб.

Илди диуб...

Дила гъайличибли... Гіе, ил секІал бетаур. Бетаурсира дила гІайибличибли саби...

Илбагъандан, черрерхи. Нуни тиладибиулра иш аршанна къаклизи, дила гъай хІечи даахъес.

Балулрив, набзиб гъанна ца тамашала пикри акІуб: эгер ит урунж, сунела дарма шинничил, мицІирбиялли, хІебиалли дила гъай хІечи даили, хІу наб-чирад черрерхурлири...

Цараван биалли – черхІерерхурлири.

АхІерси аршан, Дурхъаси галга, тилади саби хІушази, гъала-гъала хІуша мицІирдиая, Гур дила тилади Дунгармачи баахъя!..

Нуни хабар таманбираис, г̄еркъах̄ебарили, амма гъар- сек̄ал шинна рурсилис г̄ях̄идизесли, набчи къабулриесли.

Нуни ит хабарличи чебалтас: «Г̄ядатла бег̄итала уршилис шинна рурсиличивад гъараҳъикес чебуркъиб. Сарилцун калун ил ургубализир рургъули цудара урк̄ибала бег̄итачил, дайм х̄еррик̄иули юлдаш бег̄ила г̄ергъи г̄елаикибси хъябагъриличи х̄еррик̄иули. Амма ил чарулхъули ах̄енри.

Цудара урк̄ибартани ил ахирра ясирууциб. Даҳъал зуг̄луми чекадикиб иличи. Амма ил мут̄иг̄иҳериуб. Ил – Монголияла золушка...

Чекасиб илини зулмурти, къиянти, х̄янчи... Илди, сеңад къиянни хъалли хъарапахъи. Илис г̄ядаббильзуси ца сек̄ал сабри – юлдашли хъумартни.

Ил ахирра вак̄иб. Амма вахъ къанни... Вахъ къаниубли.

Нешла рурси буунси аршанничи, Ҷунси галгаличи ва сунела галгаван цях̄итиунси узичи аррукъес х̄ядуррик̄иули.

Ил аррякъун...

Аррякъун... Амма сунечила пергер хабар, шинна рурсила ула чеди ца гъати ил у халкълизи бихъаҳъести г̄ямру дерк̄или.

Пасих̄иси неш...

Ил хабар кавлан ца адамли итиллзи, ца улусли итил улуслизи, цабехи жамиг̄иятли итил жамиг̄иятлизи бурули...

Урунжра сагали мицирибууб. Галгала хъитиала мякълиубад гъала х̄ебли-зиз пъялпъялагла цилхъа гъаббак̄или дунъяличи сунела назикти хъутри гъа-датур.

Аршанис Дунгармала у бихъиб.

Г̄ядатла бег̄итала уршили, сепайда, цалра барх̄и паргъатли, гъачамалра х̄улби нургъбази х̄едирцаҳъили х̄еберк̄иб.

Амма илини, х̄ийвантала тухтурла х̄янчи, халкълис г̄ях̄идеш бирес ба-гъандан бузахъули хъалли, царх̄иил саниг̄ият чеббик̄иб: ил писатель ветаур. Илини лебилра дунъялизи балаҳъа ил рагъам.

Буру илини дигайлис вершавиубсилис лерил г̄ямрулизив цумик̄ес чев-къниличила...

Илгъуна саби Овоотла дублаб кабикибси пашманси хабарла ахир...

* * *

Яргаличилси ихтилатлис г̄ергъи Хатирли Сиблихайчи кагъар белк̄ес пикрибариб. Ихтилатлизиб бетарули ах̄енри чебетаили аргъаҳъес, се-нахъенну устадешличил ца хабарличилик, итилличивад гъатирица царх̄иилличи шурулхъули, илини балулри х̄иу «усаахъес». Даҳъал гъай дури-ли ихтилат мурадличи х̄ебаахъили, урк̄илизи умут хъурабарес.

Сунела асар бирулри, гъайгъайра, гъунибаънили chir чараагарли дужу-ти г̄яркъилира. Духуси ихтилатлис дебали багаладируги кумекчиби сари илди, г̄яг̄иниси манзил «сукъур-г̄янц̄иварес» багаладируги. Чуйна илкъяйда биуба? Чуйна умут ак̄ахъубли, г̄иур гъар сек̄ал ург̄иерли детаахъура? Ахир-ра, хаслира Сабирличилси ихтилатлис г̄ергъира ил тикрарбиубх̄ели, илала сабур каберхур. Илини, к̄апи касиб ва, пикрира х̄евхъи, лук̄ес вех̄ихъиб:

«Ассаламу г̄ялайкум, Сиблихан Сиблиевич! Нуни ца сек̄ал аргъира, умутчевли балулра, писатель сайливан, иличила х̄унира бални, писательла бузери царх̄иилти лерилра бузерибачи мешуси х̄ебильни. Илини мурталра валтх̄елтари х̄иу паргъатли. Гъайгъайра илини пашманра ирури х̄иу, се-нахъенну цацах̄ели белк̄ани вег̄лис дигуливан детарули х̄едирарну, вег̄ила

пикри-къасаназирван. Чуйнара гъясиируд, уркИиагарируд, делкIунти гъярудули ва цIали игули вируд. Амма паргъатиубхIели, гъатIира иштяхIиубли ва гъирачевли лукIес кайрулри, сенахIенну творчестволичиб тIагIям кайсахъуси гIур селра агара – литературала ва искуствола произведение алкIахъ-ниличиб. Ил тIагIямла бузерили сай художник сунени сай тасдикъиуси ва халкъла уркIбазив кавлахъуси, гъарбизалли, даймдешла шухIярилизивра тасдикъиуси. Ил къисмат дигахъуси саби гъарил художниклис.

ТIагIямла хъул саби. Къиянсира.

Амма ургIеблира бирап. Сецаад делкIаддира, се алкIахъаддира – чехIебиули. АгархIели чебаэси ва къабулбареси. ГIе, илгъуна къяркъси саби къисмат художника. Се биру? Лебилра бургъули калунтани Рейхстагла тIулрачиб ва луцрачиб «Ну иша вайра» ибси белкI батес къадарбиуси ахIен.

Ари гъанни яра арц гъанни ахIен гъарли-марси художник узусира, адамтази буреси лебхIели сай. Ва сунес паргъатдеш хIейгули.

Къуллукъла кIантIиси утали ил тIагIям хIебужахъя, Сиблихан Сиблиевич. Къабулирив? Иличи, кIантIиси уталичи кайбисири, гъайгъайра, кайсу тIагIям, амма ил тIагIям цархIил шухIярлизиб саби. Илини хIебиру чедиб гъанбушибисигъуна белкI…

Илбагъандан, гъанналаур дакIудариби къайгъни гъанни уркIи-уркIила-вад хIед баркалла икIулра ва, къуллукъла хIекълизири гъай набчил гIур хIедарили дигулра.

Саламтачил, хIела хIурматбиуси Хатир».

БелкIунси белчIра хIебелчIи илини секретарьлизи бедиб ва Сиблиха устIулличи кабихъахъес тиладибариб.

Чариубли ил устIулла ГIела кайиб ва, чумал бархIи узули ахирра шурбатес бекIиубси, Вакил ГIялиевичла «Дерхъаб» бикIуси назмуличилти кIапIри касили, учIес вехIихъиб. Амма ил шурбатахъес илизи тиладибарибси сунени, Вакил ГIялиевичли ахIени, гъамли 75 дус вируси ил ГIахIцадхIи зягIиплири, амма халкъла ГIамруличила, республикализибси бижгурси агиличи-ла сеннира хъумхIертули, газетабазив, телевизорлизивад дайм дугъайлзулри ва бараалра имкан акIалри, адамти цАкъси хIаязбикесли гъунибаънибачив гъайулхъули. Ил хъарбарь театрла сабри, суненира поэтла хIурматлис поэзияла спектакль кабихъес пикрибарибси.

Ил баҳълис дигулри, камли ахIенри хIейгутира, амма иличи авара агарли хIерикIуси варгес хIейри.

Назму сунес Хатирлисра гIяхIбилзулри, илизир устадешличил авторли даргилри дубурланна ГIамруличи, илала тIабигIятличи хости лишанти гъарг-дирути мешубуцуни ва суратуни. Халкъла пагъумурти ва илала ГIамрула ле-рилра шалуби мекелли ГIахIил дални багъеслири ил белчIунхIели. Хаслира дигиличил ва, чилалрайчиб чебетаахъили, хабарла дугъбачил ахIи, поэзияла ГIягIинахълумачил гъаргбарили авторли дарган дев. ГIе, ил гъарил даргайс дурхъаси саби. МягIна ил дурхъадешлизибра ахIен, иличи хIаяжатдешлизиб саби. Ил гъанна дурхъабилзусира даргантасцун ахIен. Илини диги лергIер гъараҳти мераначирра сархилри. Ил даршани дусмазиб ургарти бархбасу-ни гъатIира уржахъули, пагъумучевси ва пасихIиси даршукъянован ва дипло-матван бузули саби…

(Хъараҳъуд гIурла номерлизиб бирап)

Ильяс Хусейновлис - 85 дүс

АДАМЛИЧИ ДИГИЛИ ВИЦИБСИ

Ильяс Хусейнов дила шанцун ахIенрину, уркIили къабулварибси гъалмара сайри. Ил дила учительра сайри. Амма иличив школализив учIулицун ахIенну, лерилра Гъямулизив насхIят бурахъес дугъайлзули калунра. Илини ну лукIахъес бурсиварира викIасра къяна бетхIерар, сенкIун илини маслигIятбарили Гергъи сайри ну «Ленинна байрахъ» («Замана») газетализи декIар-декIарти белкIани дурхъес вехIихъисира. Ильясли дила дудешла хабуртала «ГъядулмутIалимла хабурти» бикIуси жузра цалабяхъиб ва дураиб.



ШалгIеббухъунси даршдусла 70- иби дусми даргала литература къалабали гъалабяхI башули калунси манзиллизира халбарес виарар. И. Хусейновли сайри ну Дагъиста халкыла писатель ГияхIамадхан Абу-Бакарличил тянишварибсира. Итди дусмазиб даргала имцIатигъунти писательти ва поэтуни «Замана» газетализиб ва «Гъалмагъедеш» журналлизиб бузули бири. Редакциялизив сайри ну Амир-Гъазичил,

Гъазим-Бег БяхIяндовличил, Ражаб Адамазиевличил, ХIябиб Наврузовличил тянишиубсира.

Ильясли гьарил сунела дурабухъунси жуз наб къулбасра кабатурли, пешкешибурули вири. ЦархIилти писательтанияра поэтунанира наб, чула жузи савгъатдариб, илди нуни мяхIкамли хъулир дихIулра ва дучIули вирус.

Гъяму къалабали дарсдикIули сари. БарсбикIули саби адамтира гъанна нуни балути даргала писательтазибад ва поэтуназибад бахъалгъунти мицIирли агара. Илдала лугIилизив дила учитель ва гъалмагъ Ильяс Хусейновра. Ильяс Хусейнов пергер журналистра сайри. ВеџIани дусми ил «Замана» газетала редакциялизив жавабла секретарьлы узули калун. ГIурра ил сабухъчебли бузути писательтазивадра ца сайри. Газетализир илала дахъал очеркуни дурадулхъули дири. Кадирхъи хабуртира. БучIанта халаси разидешличил къабулбарисири Дагъиста жузала издательстволи 1975 ибил дуслизиб дураибси хабуртала «Къайк» бикIуси жуз. Сунезиб писательдешла пагъму лебни багъахъурси цаибил жуз сабри Ильяс Хусейновла ил. Ил жузлизирти «ХIили бясунси дис», «БатхIеиси кагъар», «Муслимла галга»,

«БилтІкІан гІайибкар ахІен» бикІути ва цархІилти хабурти бучІантас дебали гІяхІдизур. Критикалира илди ункъли къабулдаритири.

Даргала бучІантас гІахІбизурсири 1978 ибил дуслизиб «Дагъучпедгизли» дураиби «Лами ва вавни» бикІуси хабуртала жузра.

И. Хусейновлис хаслира дигахъи дурхІнас хасдариби хабурти лукІес. Ил адамтачи дигили бицІибси уркІила вегІ адам сайри. ХIера се лукІулил ГІяхІмадхан Абу-Бакарли «Чаррухъенгу неш» бикІуси Ильяс Хусейновла дурхІнас белкІунси жузлизирти гъалагъайлизиб: «Дубурлантала ва илдала дурхІнала ГІямру гІахІил далуси илис имканбикІули саби адамтала къисматунала тамашала суратуни акІахъес, гІячикъи саркъиби ва давлачертинг мезличи чекалзули, ил дев гъалли сунела мерличиб биахъес къайгънаиркъули, халаси сабурличил ва устадешличил темара чеббикІес балули сай».

Ильясли гІахІцад повестунира делкІун ва дураиб. Илди делчIунтанира повестунала черкад гІахІти пикруми дурутири. Бахълис гІахІбизур илала декІарли жузлизибра дурабухъунси ва илис гъалаб «Гъалмагъдеш» журналлизира кабихъибси «Марипат» бикІуси повесть. ЧебяхІси ВатІа дергъла дусмазирти дубурла шимала халкъла гІямруличила буруси лирикала повесть саби ил. Илкъядали набра нугъунти цархІилтасра дебали гІахІбизурсири ил повестыличил барх кабихъибси «Дила Асай, дила цаибил далай...» бикІуси пергер хабарра.

И. Хусейновли халаси устадешличил сипатбирули вири вацІа-хІярла тIабигІят. Жагати мераначила лукІес ва табигІят сипатбирес гІелаулхъули вири, ил дила пикрили, чІянкІли ХІябид ГІялиевлисцен. Нуни гъаман дучІули ва халаси тIагІям кайсули вирус «Заблис гІергъи» бикІуси 2001 ибил дуслизиб дураиби жузлизи кадерхахъурти «СихІрукъя ветарули ахІенрара», «Ургубала тIем», «ХIеб черсаргъибхIели», «ХІябдяргъи» бикІути хабурти.

И. Хусейнов умцІлаби дурадуркІесра дигахъуси писатель сайри. Илини бегІ гъалаб даргала литературализиб детективла жанр акІахъуб. Ил сабри урибси чекист, дахъал дусмазиб уголовный розысклизиб хІянчи бариси милицияла полковник ГІабдулаев ГІямар ГІямаровичлис багъишлабариси «Къиянти дукъбикад» бикІуси художественно-документальная повесть.

Ишдус И. Хусейнов акІубхIейчирад 85 дус диркули сари. Дила уркІили къабулварибси гъалмагъ мицІирли агарлихъалли, илала произведениеинабра цархІилтасра халаси разидеш бихули саби.

Ванзали chir гІахІти къел гІелар датес бажардинибси пергер адам сайри Ильяс Хусейнов. Илала белкІани дучІухIели, дила уркІилизир гІамруличи диги имцІадикІули сари.

*МахІаммад ГІЯБДУЛМУТІАЛИМОВ,
РФ-ла журналистунала Союзла член,
РФ-ла урибси агроном,
ДР-ла урибси экономист.*

Ильяс ХІУСЕЙНОВ

ГІНІКЪЛАБ КЪЯЙК

(*Xабар*)

Разили гъунибаиб Хіядиллес неш-дудеш. Разили гъунираиб Рашидатра – Хіядла лерси цайли цаси рузира. Ца узи гъатІи виалри или пикрикІу-сири Хіядид. Амма дургъби диргаладухъун. Дургъби хІедиубти диалри, гъанна сунела мякълав тяп ит сунела у бихъибси узи вири. Илинни – халаси Хіядидли – сунела ишбархІила дард ГІяхІил иргъи ва итмаданал Хайдакъли-зи сукни-гъучи дураулхъи...

Хіядидла бекІлизи лямцІван дакІиби илди пикруми лямцІван черар-дякъун, ва сагамад ахІерти бегІтачилси гъибандилизи ахъиб. Буриб илини лерилра имтихІян ирий къайда ГІахІил дедниличила, гъалаб къайда сунени сагаси дуслизибра – сунела студентла ГІамрула бегІла ГІергъиси дуслизи-бра – чеймцІакабарибси стипендия кайсниличила. Ва, неш-дудешла лерилра хІисаб-суал тамандиубхІели, илдала гъала, деражъес берхІилиу дяхІяхъиби мучиван, сунела уркІиличир улукъути пикруми дуриб.

Хъулиб чумал минутцадхІи лехІдеш чебихъун. Саби хІерли кахІебиибси хабарли, Хіядидла неш-дудеш пикрибухъаҳъун. Исламла урши къяшмачи-вад бекІличи бикайчи хІервариб. ХъуцІрумира дягІудиубли сари, вяхІли-чиб жагъдешла лишанра – супелра имцІабиубли саби, уркІилизир дигайра дарсдяхъили сари. Цашан гелешмеш, ГІямал биалли, дигахъира. Амма ур-шилис дигули ГІергъи се декІардеша – хайдакълан риаб, сирхІян риаб... Лер-илра илди пикридарили ГІергъи, Ислам хъунуйчи дугъайзур:

– Гъу, хабчаб, хІечирад дехІдирхъехІе. Хела пикри?

– Хіеиги наб дурашан. Нушала шилизиб рурсби камлив? Нуни иргъулра итаб шагъарлизиб бучІути рурсбачила нушачир сегъунти хабурти лерал. Гъаргси бекІличил, чіянкІуси михъирличил, къукъубала чедибси хІеваличил башули саби. Чили бала Хіядид къагъварибисира сегъуна сарил...

– Неш! – дугъаизур Хіядид нешличи.

– ХІу тІашизи, Хіядид. ХІуни нушала гъала бархибси ГІянд кабихъилри. Ил нушала бархъли арзес ГІягІнили саби, – иб Исламли ва хъунуйчи дугъай-зур: гъалакхІедикІехІе, хабчаб. Гъар секІал жагали пикридарес ГІягІнибир-кур. Бархъси саби, хІаяра, яхІра, ламусра агарти адамтира лебти саби. Илди леб рурсбала ургабра. Амма илди камти саби. Ашкарси саби, шагъарлизиб бучІути рурсбани чутхъя-чабара, бягІуси шалбарра хІедихни. Амма чула ламус илдани нана хІуливан мяхІкамбиру. Ну уршиличи вирхулра: ишини дурзамлизибад дуббухъунси маза декІархІебиру. АнцІбуқь, дила пикрили, гъанна хІедра набра нушани гъачамалра чехІераиси хайдакълан Сабият дигнилизиб я хІейгнилизиб ахІен. Чула рурси цархІиллес ураркъес хІядур-бикІути бегІтани нуша секъяйда къабулдирурал – илизиси саби анцІбуқь...

Асияттис мурулра уршира дунъяличиб бегІлара дурхъати адамти сабри. Жершила цулаван цунси сунела уршилис, я дергълизив ветахъибси уршила деңІли заманалис гъалав хІянкайахъубси муруйс хІейгуси барес хІерируси

илини сунела разиагардешуни хъярхъли шинван кIундацIахъиб ва малхIям-ли иб:

– Хушаб дигуси саби нунира бируси.

– Илкъяйда рикIен, гъятIи, «михъирти чIянкIули башути рурсбачила» гъймарикиIудну, – иб Исламли ва ХIядиллизирад Сабиятличила, илала неш-дудешличила, шиличиле баянтира касили, Хайдакълизи архIяличи хIя-дуриуб...

* * *

Хайдакълан Мажидра Исламра Грузияла Гори шагъарлизиб къаршиби-кибири. Килинра барх илаб дергълизи букеес гъалабси хIядурдеш дура-беркIиб. Сталинградлизи бикайчи дергъла гъуни ахъиб. Разиси, дайм мас-хурта угъуси Мажид лебтасалра – урусунас, гуржнас, азербайжанлантас гIяxИлзи. Илини, дургъби тамандиубхIели, лебилра сунечи – Къара Хайдакълизи – гIяxИладли жибирулри.

Ит бархIира – Сталинградла дуба-карчIализирти хандакъунала цализи, сагали дергъ бехIихъайчи хIядурли кабиибхIелира – Мажидла масхуртани лебилра дукарбирхIяхъулри. Исламли биалли сунела даргазивадси Мажид-личи пахрубиулри. ГIе, дурхъаси сай гъараҳъси мерличив даргайс дарган адам! ХIятта сунела бегIлара гъамси адамличивра. Иличил хIуни бургъантала ихтилатунала бегIлара гIяxИти ва къантIти минутунира дарх дуртIид, хIе-ла дурхIядешличила, жагъдешличила, хъулибти узи-уршиличила, гъараҳъси ва ахIерси Дагъистайчиле, дергъла къаркыти минутуначила гъалаксаури бурид.

– ГIе къучакъ, Ислам! ХIела ХIядилда децI халаси саби, амма ил хIуни, хIунициун ахIи нунира, сабурличил чекасес гIяgИниси саби, – иб ил бархIи гъалмагъуначилси масхуртала гъибанди тIашали, Мажидли. Дергълизибад ахIерси хъунуичи чула ХIядил дергъла анкъилизив ветахъниличила бакIиб-си «цIудара кагъарла» децI Исламли Мажидличилра кумхабарибсири.

Илди Мажидли Исламличила дурибти бегIла гIергъити дугъби сарри: чумал минутла гIергъи хабарагарли цIявбухъунси душма хIярхIяли Мажидла хъуцIари къяббариб ва дагърилизивад ухъунси Мажид госпитальлизи арукиб...

Гъанна биалли хабарагараси архIяли сунела дявила юлдашличи кибхIели, Исламла разидашша ахир аги. Дуги-хIери биублири Исламра Мажидра шадиб-гъундуразиб. КIилалра хабурти биалли тамандиури ахIенри. «Гъан-биркур хъали» гъачамличир-гъачам имцIадикIулри. Сунечил варх сукни вакIибси Асиятла узи Загъирличи чуйнара мухIли-хIулбани лишанбарилри: замана баили саби чардухъес, бура бекIлибиусличиле. Ислам биалли гъа-лакикIули ахIенри... ХIера, Мажидра Исламра илди разити шадиб-гъунду-рази ахъибхIели, чаррухъун шагъарлизир ручIуси Мажидла рурси Сабиятга.

Неш-дудешли дарити разити яхши-хушли chirli рагъур Исламли сунела уршила уркIи буцибси баягъи ил исбагъи риъни. Марлира, жагасири Сабият. ГIямарла Батирайли далайлизир рурусигъуна чехъери сарри. Чераалри ил ца Асиятли! ГIяжаибли хъумартиши сунела «михъирти чIянкIутира, къантIа хIевнартира»...

Гъанбикеслири, гъанна рурсира ракIиб, шадиб-гъундури даахъесра, хъ-ули чардухъесра замана баили саби, Исламли Хайдакълизи дураберкIибси

чула архІяличила Мажидлизи хабарра буру или. Амма ца камси замана дикихІели, рурсили неш-дедеш цархІил хъули тАлаббариб. Камси лехІдешла Гергъи разиагарти тАама-гъама, рурсила биса дархти бусравти Исламхъали лебси хъулира духІнадерхур.

Тяп ил замана унзализи къутІдяхъиб ва Исламхъали лебси хъули сагати тАама-гъама чехиб.

– ХIушани бархъси бирули ахІенрая. Сунела къисмат ирзухІели, Сабиятлизи хъарбаэс гІягІнисири.

– Хъарбаиси саби, ХIясбуллагъ! Сунела нешла рузи ита, хIуша дучІуйхІи пархъира. Рурси разирикили сари или чаррухъун.

– Къунби сари зизи Гъуризатла! Нуни ирагу сунези чумал бархІили ну ляркъяс, дила разидеш я разиагардеш дудешхъалази нуни дурис или.

Гурра лехІдеш чебихъун. Исламлира Загъирлира цаличи цали хІеръиб. Илдани багъур саби къанбиубли биъни. ХIямид викПути районна газетали-зивси ГІяхІмадхъали гъалабухъи саби.

– ДугІли арбякъун нушала архІя. Нуша дакІнила мурад Мажидлизи бурес гІягІнидеш агара. Жуммугилан Гъарумличи гІяхІладли дякъунихІрад хІечи гъардакІбтира ирхІе, – иб Исламли Загъирлизи гІаш-гІашли.

Итил хъулибси лехІдешли биалли гъар секІал белгидариб.

– Иш гъакІлис диур. Дила хъулиб дурхъати гІяхІли леб. Илди арбякъун-хІели, Гурра пикридулхъехІе. Гъанна – чіянкІли разидещун. ГІахІлас се-биалра гъанбиркур.

Мажидла илди гъайли ХIясбуллагъла уркІилизиг ташмишдеш акІахъуб. СабиятликIун сунези – ахІерси узикъарлизи уркІи гъаргбирухІели, ХIямидличила бурухІели, илала бегІти гъамли Хайдакълизи, сунела бегІтачи ляб-къути саби иб.

– ГІахІли викIуду, Мажид-ази? Чинабадтив илди?

– ДешлахІярла итабадти.

– ХIясбуллагъ, ирагу хІези нуни. Итди саби, – иб симкърикIули Сабиятли.

Гъанна Мажидли багъур сунела рурсила уркІи редакциялизивси ГІахІмадли ахІи, цархІилли, дурашай буцили биъни. Ил жагылра сунела давила юлдаш Исламла гъамси адам виъни...

– Гъу, анцIбукуи хІебиэс, рапхи? – иб Мажидли Исламхъайчи айцIули.

– Гъари, ХIясбуллагъ, ацIи иса. Дила гІахІли бахъ лехІкахъилину, дура шагъарла хабурти.

– Салам, дурхъати адамти! ГъархІели къабулбираб Хайдакъла ванзали хIушагъунти гІахІли. ГъархІели илди гІахІли чула уркІила мурад бетаури чарбулхъаб.

ХIясбуллагъла илди гъайли ца сегъуна сабил мягІна бухІнабурцули саби Исламлира Загъирлира багъур.

Агъ, багъалри ХIямидли ит урхъула дубла сай кIийна тАлабварибси адам – Сабиятла узикъар ХIясбуллагъ ишбархІи сай багъандан сеңад къайгъилизи викилил! Секъядали сунечила Сабиятла бегІтази дунъяличир лерти гапчахІла дугъби дурулил! ХIямидли иличила селра балули ахІенри. ХIямид хІерлири дудешхъалачи. Сабурагарли.

ХIясбуллагъ биалли Сабиятхъала хъулиб сен сабрил, чусра хабарагарли бархиси ГІянд арзес къайгъназиври...

— УркIила мурад викIуду, урши? — иб Загъирли багъла-багълали, уруз-хIя-цIи. — Ил мурад гъархIели декIар бетаруси ахIен. Хайдакълизи нуша хаба-рагарси архIяли кибири. Хабарагарли, нуша Исламла дявила юлдашлил къаршидикира. Ил нушаб халаси разидеш бетаур. Ил разидеш нушала ур-кIбазиб даимлис кавлан. Тевси сай нушала ца жагъил, дила рузила урши. Исламла — урши. Илала уркIи хайдакълан исбагъили буцили саби. Нуша биалли, иша, Хайдакълизи ил рапгес къайцIдухъунтири. Раргира ил рурси нушани...

Загъирла гъайличи хъулибti лебилра — Мажидра, ХIясбуллагъра, беркеси сагабибули апархиби Мажидла хъунул Шагъумра, итил хъулибад лихIи дян-гаиси Сабиятра — лехIахъиб. Хъули лехIдеш чебакIиб.

— Гъяжайли дархъиби бурхIини хIедиалли, — иб ХIясбуллагъли, — адамти цалис ца диргалабулхъес къайгънабиркулигу. ХIера, нура МяхIячкъалализив учIуси ца дила юлдашли сунечил рапх ручIуси рурсила бегIтачи сукни вархъилра. Укъен, викIули сай ил набзи, — аргъахъа рурсила бегIтази дила уркIи. Нуни балулра, дурхIя чехIейънар баягъи ил дигайла держли вахунси рурсира руэс хIерирули риъни. Илди Гъяшикуни язихъбизурли вакIилра. Рурсила бегIти биалли, валлагъ хIу къаниубри, цархIилти гъалабухъун, ил-лас гъай бедира бикIули саби.

Хъулибti лебилра ца Гъяжайли пишбяхъиб.

— ГIе, дила держъла юлдаш, хIуша дахъ къанни дакIирая, — вехIихъиб держъиби супелтира къяртIлукIули, Мажид. — нуни ишди минутуназибцуn багъурра хIуша набчи дакIила мурад. Балулра, Ислам, набчи хIу ца анцIбукули къаршивикахъибси виънира. Ил анцIбукуль нушаб дурхъасили кавлан. Гъачамлис нушани буцIар-буцIарли ца бархибдеш белгибирехIе. Гъари, хабчаб, къалабали хIела ахIерси рузи Гъуризат ракIахъес чи-биалра вархъа!

Камси заманала рухIинар Гъуризат Мажидла гъалар ташризур ва иб:

— Се-биалра бурес дигуси лебрив, Мажид-ази?

— Лебри, дила Гъуризат, лебри. БусагIят бурис. Ташризи ца Сабиятра талабрирехIену.

ГъяхIазирад урезили рубкIули, цала ламиван хIунтIенриубси Сабият багълали дудешличи гъамриуб.

— Гъари, дила рурси, — вехIихъиб Мажид, — ца жумягI гъалар хIела нешла рузи Гъуризат хIечи ита — МяхIячкъалализи ракIибу?

— РакIиб, — багълали шивкIивдяхъиб Сабиятли.

— ХIези Жабилхъала ГъяхIамдличила селра гъанбушибу?

— Гъанбушиб, амма..., — буруси таманхIебарип Сабиятли.

— «Аммала» ахирра бурагу, рурси. Бедирив хIуни нешла рузилизи хIела разидеш?

— ХIегира, дудеш! — Ахъли вявъиб биса-Гъяндириубси Сабиятли. — Ца-чумал бархIили ну ляркъяс ира, дила разидеш я разиагшардеш нуни дила бегIтази бурис ира.

— Аргъирив, Гъуризат! — Гъясиси ташмаличил иб Мажидли. — Хабчаб, гъари, раши иша. Биха набзи Жабилхъалани хибси секIал!

— ХIуни цахкадарира, дила рузи, нуша лебилра шантас, — иб Шагъумли Гъуризатличи дугъаризурл, ва, къанилабад бакIахъили, ца бергарағ муругзи бедиб.

– Хуни дашуунти нукъун, Гъуризат, хуни деркра деркен, – иб Мажидли, бергааг бедлугули. – рукъен Жабилхъалачи, аргъахъа илдази гъайиб нушачиб ахъи, хечиб бийниличила. Бура нушачи гымхъебуклахъес. Хуша дакъибси дякъиличирад биалли, ахъерси Ислам, къар хъякъяхъеъи, – иб гур Исламхъалачивъи шурухъи. – Бетаурли биаб хушала уркъиличиби мурад. Ил секъайчи хура разили ахъенри, гъятъи хабчаб?

Шагъумли гъакъибси бекъли разидеш багъахъур.

– Рурсилара къаршидеш агарагу? – дугъаизур Ислам Сабиятличи.

– Агара, дудеш!

– Биха някъ. Ислам! Гъяхъиси сягъятлизиб бехъибхъибси баркъуди биаб. Хелас нуни хела урши. Чейбси ахъен. Амма балас: ваваличибад вава башни, низличибад – низ. Ил наб баисира саби.

Мажидлира Исламлира гъяхъицадхъи чумадариби някъби датаиб: хъуби разидешла къушум сагабиуб.

* * *

Савлиличирад Исламхъала юртлизир дам-дяд демжурлири. Ил юртлизи башу-арбашути адамтани имиулала къада гъанбиркахъулри. Лебталалра уркъиб шадлири. Лебилра хъерлири Хайдакъилизирад цикури сараъниличи. Цикурличила хабуртира шилизир пухъиухъири. «Хъядидли нушала шилизирад черрикъес хъейубара?» «Тамашала саби гъаннала жагъилти. Чи-дигара виаб, хули лагбизурсиличи гъяшикъибурили саби». «Жагаси, духуси рурси сари бикъар. Се декъардеша дурашан риублихъалли». Лебри лезмуни духъяндаибира. Шилизир илди хъебаиси цалра кари кали ахъенри. Вецину шурайна гъинзи шичира бякъири. Гъар чераиси хъунул адамлизи Хъядидлис леркуси цикурличила бугътантала тавра гъаргбиурулри. «Итгъуна сари бикъар, ишгъуна сари бикъар. Чичил-дигара къушрикъуси сари бикъар. Хъядидличи гуж-гужли черикибси сари бикъар...».

Бархъехълис цикурира сараиб, мекъла мявара гъарзабиуб. Делхъличи цикури карухъунхъели биалли, лебилра гъеркъати лезмунала бегъитала мухълуби дирбуб. Цикурла палтарла рухъинархъели саррира Сабият илицаdra жагаси! Ахъенри. Сунела кегъебси куцлира, дяхъигъуна дяхъиличир хъирхъа циудара хъулбанира сарри ил жагариахъубси. Илала жагадешличи лебилра къясбиулири.

* * *

Мажидхъала юртла гъалаб «Волга» ташбизур. Иличибад Сабиятра Хъядидра кабацъиб. Мекълис гъергъи рурсила бегъитачи жибариби илдас Мажид ва илала узи-урши разили гъунибаиб. Рурсиличири гуявлничилра гъаргалар яхши-хуш демжахъурхъели, Шагъум хъулир саремцурлири: гъар мерлаб чебетаиси ибгибдеш биахъес къайгъилизирри. Илини гъаргалабяхъи хъербикъуси улкъайла гъалайхъан гъаргбариб гъала-гъала рурсиличи, гур сунени гъачамалра чехъеиси гуявлчи хъеръиб. Хабарагарси мешудешли уркъиухъунси Шагъумли къалабали гъалайхъан сунела мерличи битъакъиб, хъулби чедуциб ва сунези сари шивкъиврухъун: «Ит, ит... юх, юх, биэс хъебираб...» Шагъумли хъулби абхъиб, гъалайхъан гурра битъакъиб,

гъачам-гъат^И гуявлечи х^Іеръиб. Иш гъак^Ілис Шагъумличи къагъдеш чедак^Іиб, урк^Іи гъалакли тимхъбик^Іесбях^Іиб ва Пакъасахъили улкъайла гъала ч^Іябариличи карикиб...

Яхши-хуш тамандиубли г^Іергъи, бег^Іла гъалар хъули арац^Ібси Сабиятла ч^Іярли лебилра урк^Іаиб: къалабали хъули абац^Ібти илданни миц^Іир ч^Іябарличир ч^Іик^Ірит^Іунси Шагъум чераиб. Ил гъайрик^Іули ах^Іенри, урк^Іи дурабикесли тимхъбик^Іулри, андаличирад хъара-хъарагъунти майъала к^Іунт^Іри гердик^Іулри. Урга-ургади илини ца г^Іяжаибси т^Іама дуррабуршулри: «Ит ит! Юх...»

Шилизирси тухтур Кумсиятли урк^Іила изайчи къаршиси укол барили г^Іергъи, Шагъум бара аргъайчи рак^Іиб. Илини халаси лех^Ідешличил сунес алав кабиибтачи х^Іеръиб, «Къайрики, ах^Іерси, ну г^Іях^Ілирану» или, къакъадешли симкърик^Іуси Сабиятлизи маслиг^Іятбариб, диг^Іянни гъачам-гъат^И гуявлечи х^Іеръиб, бара пишряхъиб ва сагамад х^Іулби къяп^Ідариб. «Юх, юх! Андаличиб х^Іяна агара!...» Шагъумла илди гъайла мяг^Іна чилилра балули ах^Іенри. Лебтасалра гъанбиркулри Шагъум къагъли гъайрик^Іули сари или. Илала урк^Іиличиб улукъуси сек^Іал лебни чилилра балули ах^Іенри.

Барх^Іехъ къаннициун сарри Шавгъум таманни аргъайчи рак^Іибси. Илх^Іелициун сарри ц^Іик^Іруми хъули кибтала бях^Іяначи разидешла лишанти адацибтира.

– Рах-рахли Шагъумличи изала башуси саби, – иб Мажидли, Х^Іямидличивях^І шурухъи. – Амма ил къакъарарак^Іибх^Іелициун, гъимрук^Іибх^Іелициун бири башуси. Гъанна ил бак^Інила сабаб багъес вирули ах^Іенра.

– Цацах^Іели урк^Іи разидешлира гъалаксарахъули биар, Мажид, – иб багъали Шагъумли. – Сабиятра гуявра бак^Іниличи ну рахъ дебали разириубра. Ил разидеш биалли заманала пашмандешличи шурбухъун. Гъанна ну г^Іях^Іил сарра. Биубси хъумартира, г^Іях^Іти хабуртанициун дугъеная.

Марлира, ил дуги Мажидла хъулир разидешра дукел^Іира гъачамалрачир имц^Іалири. Амма Х^Іямидла урк^Іи пикрумазибри: «Ну вак^Інили ра-чаарахъиб Сабиятла неш или гъанбиркули саби, марлира, илис х^Іейгули ахъибара нушала мекъ. Сабият лерригу нешлис гъала-гъала сари газетализивси Г^Іях^Імадлис редес дигули руилри рик^Іули. Белики, илис дурашан къабулх^Іеркули виэс? Г^Іяжаибти саби ишди нешани. Гъала гъала дила нешлисра Сабиятличила аргъесра дигули ах^Іенри. Гъанна биалли, ил сунела уршила хъулир рагъарриубли г^Іергъи, разидешли каарцес мер бургули ах^Іен...»

Г^Іергъила барх^Іи, Х^Іямидра Сабиятра чарбухъес х^Іядурбик^Іух^Іели, Шагъумли Х^Іямидлизи диг^Іянни ишгъуна хабар буриб.

«Къиянси заманари, урши. Душман Мях^Іяч^Ікалализи сайули сай, баҳъх^Іи агарли лебилра Дагъистан бурцу ибти хабурти пух^Ідик^Іулри. Сабиятла дудешра, шила царх^Іилти мурул адамти къайды, дергълизиври. Нушала юртлизив ах^Іенну, къят^Ілизивра валли къап^Іа чебируси аги, цункъышмали дуц^Іик^Іути дурх^Іини х^Іебелг^Іалли. Дергълизивад гъавухъунси таркаман Ка-римла – кайзурси вайнукъяла ва увях^Іси къачагъла у Хайдакълизи т^Іинт^І-биублири. Вең^Іну к^Іира кадирхъан ингилис тупангла вег^І илини лебтазилра урехи душилри. Арши диршибси заманари. Хъулиб беркеси агарли, нура Сабиятра дубурла г^Іелабси колхозла сумаличи лугна луц^Іес дякъунра. Дучили ца-чумал хала лугналара, нуша шинни дужес Акула хъула дублабси х^Іер-к^Іличи дякъунра. Шинни дужес далкъх^Іеурли лералли, нушала гъалав кахси адам вагъариуб. Илини «Мунна гел, къиз» или т^Іамадарии. Урк^Ідухъунти ва урухдиубти нуша, дубша шин дуцибх^Іеливан, ташлира. Къачагъли гъат^Іира ахъли вявъиб, Сабиятличи гъамиуб, ч^Іяррик^Іахъули, г^Іуярик^Іахъули ил ру-

циб. «Тамали дирадалли, келра кадуршура! Гясили иб илини. Наб бареси аги. Сабиятра хъусряхъили, ил итатIиван аркъун... Вайси хIял чебакIибси ну, Сабиятла децI бухIнати айцIли чераргъахъира. Ил руржули, дила мякъла цуцIриилри. Гур ил дила михъирличи бекIра кабихъили рахъхIи риси. Рисира нура. Амма бисали нушала децI кункхIебариб. Кепдиубтиван дашули, нуша къанни бархIехъ шилизи адайра. Гергъила бархIи Сабият ухъаларад ахIериизур. ХIябэсил бархIи ил ребкIиб. РебкIиб уркIи дурабикили, вецIну верхIра дусличир. Бара гъаббакIибси вава жагали ранг дакIайчилра кахIелун... «Мабурид, неш, иб бетаурсиличила. Чизилра. Тиладибиурла... «Илди сарри Сабиятла бегIла гергъити гъай. ИлхIейчирад дахъал дусми ардякъи сари. Клиибил Сабиятра жагылкаризур. Хъаллариуб. Акула хъула дублаб цудара душмай, кайзурил къачагъли – таркаман Каримли бариси убяхIдешличила, тяп ил сабабли дила цаибил Сабиятла жагати ва жагти Гямру у дунъализи ардухниличила чизилра хIебурира. ХIебурира Сабиятла дудешлизира. Гурра ил дила уркIиличибун калес асувири... Амма хIу... хIу чеибхIели, хIела суратличил наб ит вайнукъя гъалаизур. Нуни Сабият ребкIили гергъила дус аргъира баягъи ит цудара душман ДешлахIярличивадси НКВД-ла хIянчизарли Чумлила шила чедибси иникълав кавшиб или. ХIялалдиаб ил ГяхIгъабзас... Гъанна биалли, бегI гъалав хIу чеибхIели, хIяривад айзурли дила Сабиятличи гъарали вакIибси таркаман Карим сай или гъанбикиб. Бирули саби дунъалишиб цаличи ца мешути адамти... эгер хIела андаличиб италагъуна хIяна лебси биалри, хIяривад хIяри тяхIяб сайну, рирхХIесра асувири... ХIера, ил сабри, урши, набчи уркIила изала бакIинила сабабра. Чевверхи набчивад, хIу вайси адамличи мешуикахънилис. ХIу ГяхIсири... ГяхIсихIели саби нуни хIези чизилра хIебурибси децI буруси. БихIен хIунира ил нуни къайда дигIянни. ХIера, их саби хIези дила – хIела хъубеш нешла – бегIла гъалабси тилади...»

Хъубеш нешла хабарли ХIямид тамашавиахъуб. ДешлахIярличивадси НКВД-ла хIянчизарли ил къачагъ кавшниличила аргъибхIели, илис дудеш гъаникиб. «Дудешли чинав саял вайси къачагъ кавшибси сай, ил багъандан дудешлис верхIел кадирхъан тапанча пешкешбариси саби» ибти нешла гъай гъандикиб. Амма ХIямидлис гапла гъай хIейгахъу. Бара рагъурли бекIхIериубси хъубеш нешлизи – «Дила дудешли къачагъ кавшибси сай!» – или бурни ХIямидли сунечила сай гапикIнилизи халбариб.

* * *

– ХIуни бархъси бирули ахIенри, дудеш. ХIуни барисикIун игитдешла баркъуди саби. Сен хIуни набзибад ил секIал дигIянбирулри? ГяхIси баркъуди нунира ГIебасес ГягIинисигу.

Исламли мурхъли гъигъ абатур, тилади бухIнати уршила хIулбачи хIеръиб, тамбакула халаси папрус белсун, алкахъун ва, супелтира гавлизи Гела-дущили, веиххъиб:

– ХIейгусири, урши, чизилра бурес. ХIу биалли чевиркули ахIенри. НахIа буралра буриша. Душман ГIелавяхI вашуси манзилри. ХIямидла «цудара кагъар» бакIили саби или хIела нешли бархъиси кагъарли дила уркIи немец фашистуначи гъатIира гъимили бицIахъиб. ИтхIели нуни гъалабиз балуси ахIенри. АхIерси уршила бекIалис душмантала азир бекIа итхIели наб камтири. Чумилра немецлис аба гъанрикахъира. Рах-магли набра буцIаригахъи. Гъачам алгъай къашла бибГя гумул арбухиб. Гъачам урдурла

хъарличибси г̄емси т̄ут̄убариб. Мякълаб баргбердибси гранатала бут̄ини бек̄лизи чегибх̄ели биалли, ну дагьрилизивад ухъунра. Х̄иябэсил барх̄ин-циун сайри чевсаргъибси. Х̄иябал баз госпитальлизив калунра. Г̄ур тухтурти дила тилавдлумачи лех̄х̄ехъиб: дергълизи х̄ерхъира. Итаб тыллизирра тер х̄ед дарести, укъен гъачамлис хъули, багълакайи, бик̄и,

Чарухъунра ну хъули, дергъла къян-жапали инжитбиахъубси шилизи. Амма вирусу ну итх̄ели, гъубзни дергъла майдайчib бубк̄ух̄ели, хъули ви-аркайэс? Гъачамлиск̄ун нуни Х̄иямидлис къадин баарила къадар чеббиц̄и-ли ах̄енра. Чуйнара бедира нуни г̄ирза военкоматлизи дергълизи вархъба или. Наб биалли жаваб да сабри: г̄яг̄иниикадли, нушани х̄у ургури. Ва да барх̄и варгира. Районниси т̄алабварира. «Гъанна къучакъуни, – вик̄ар НКВД-ла начальник Сункъур набзира мик̄х̄иен Х̄иясайзира, – х̄ушачи дер-гълизигбъуна хъарбарь чебиркули саби. Хайдакъла шимала халкъ паргъа-тагарбирули таркаман Карим ибси уличил да къачагъ тевли сай. Илини хал-къла шинкъанирти декъ ардихули сай, дуббухъунси х̄ийван арбикули сай, арх̄ялибад лябкъути хъунул-дурхъя гъарали лут̄ули сай, цацах̄ели илдачив чевдукарих̄ули сай. Х̄ушаб нуни да баз лугулра. Бек̄либиубси – ил ми-цирли уцни саби. Ил халкъла гъалавад ласварили, илдала тук̄унала х̄ерк̄и-лизи арухахъес г̄яг̄иниси саби…

Чумра дуги дерк̄ира нунира мик̄х̄иен Х̄иясайра шимазир. Имц̄али-ван – Чумлир. Ил шилизи таркаман Карим имц̄али вашниличила хабурти дери. Да барх̄и нушани илала къел дуцира. Илди Чумлила шила чедирти шурмачидях̄I сарри. Адаира нура Х̄иясанра шурмала гъала. Рахли, нушани шурмазиб да халаси т̄ярхъи – иничь чебаира. Илала дуих̄нарад гавра дура-дурхулри. Глях̄гъабза адам вири мик̄х̄иен Х̄иясан. Сартан бец̄гъуна. Ил къ-алабали иникълавях̄I дуц̄ухъун. Солдатла чакма дях̄иличир тяқдик̄ули, ну илис г̄ях̄ицадла г̄елакавхъунра. Рахли, иникълабад къайк! Клиэсилра!.. Ну къалабаикира. Х̄иясан чейули ах̄енри… Иникъла гъала аира. Х̄ерик̄ус – Х̄иясан кайкили… илабси дях̄и х̄или х̄унт̄енбарилри. Агъ, чебаадри, урши, илх̄ели дила г̄ясидеш!

– Эй купаюгъли! Дуравхъен, гъабза виадли, дях̄I-дях̄Iли вях̄Iес! – вявъи-ра нуни г̄ясили.

Дила лих̄бас «Дудеш» ибси урухтусла т̄лама гъанаур. Х̄ерик̄ус – иничь-лав Х̄иямид. Нуни айкъурси, нуни халаваахъибси Х̄иямид. Цураван берхъиб-си цуудара муз̄урличил, жаниварлагъунти х̄иличи гъаргъти х̄улбачил.

– Хъяша! – Набра хабарагарли т̄амадарира, тамашавиубли нуни. Илала някълизибад тупанг кабикиб.

– Дудеш! – Глурра т̄амадарип илни.

– Юх, Карим, х̄у хат̄лаиркулри, – виругъев вявъира нуни. – Х̄ушагъунти халкъла душмантас неш-дудеш гъанбиркахъуси коммунист Х̄иямидов Ислам сайра ну. – ва Плянкъясахъира…

Исламли папрус вируцад суп̄бариб, къянкъубазирадра 4мух̄илилизира-дра гав дураиб ва уршиличи, сунела жагъси, духуси х̄ялалси Х̄иямидличи х̄еризур.

– Х̄ебагъахъурра, урши, нуни чизилра ил увях̄иси къачагъ дила дурхъя виъниличила. Х̄ела нешлисра ил дергълизив калунси сай. Илала г̄ергъи акъубсири х̄у. Х̄ейгулри наб х̄ед ит увях̄иси адамла у бихъес. Амма нешли х̄етурра. Нешлиск̄ун ил у дурхъали саби…



Хадижат ХЯБИБОВА

ДИГАЙ – ГЯЖАИБСИ ЦАКЬ

(Хябъибил номерлизибсила хъараҳъуд)

– Агъ, дила Ватлан, – дурабикиб илала. Мякълабси гиниз-къарант-лизирад шинра держили, вархъли Тумеюплизи* ватихъиб. Тумеюплизи душеличил чуйнара гъяхлад вякъунсири. Дудешла къариган Ханбикахъайчи арякъун. Хъа регли гъала-гъала ил вагъхъегъур. Гъядуллатипла музурра абаилри. Дебали чукъара виублири.

– Ханбика, ну Гъядуллатип сайра, – вехихъиб ил, сай вагъхъегъниличи шакикили, – ну мажалислан Къайыпбегла урши сайра. Душеличил хъушачи чуйнара вакъирагу. Илхели вагъур Ханбикани.

– Гъяя, абала ну ребк! Вахъ гъяхли варсиублиригу. Чинавад вакъилри? Хъушала лебилра хъалибарг кулакбариб или бакъили, Тавсултан мазаухъунгу.

– Дарира нуша кулак, зизи Ханбика. Къиргъизияла ванзаличирра, – буриб Гъядуллатипли.

– Сен саррая, гъатли? Сен саби неш-дудеш, узби-рузби? – лебилра гъанбушив Ханбикани.

– Нуша дебали гъяхилра. Итабра вайли ахлен.

– Гъари, кайи, багълабара, дуббат лебхис, – Ханбика цархил хъули аррякъун.

Гъядуллатип айзур, дуракавхъун. Ил чеили, Ханбикара дуракарухъун.

– Се-биалра гъягнилив, Гъядуллатип?

– Бархъли бурасли, гъанна чумал бархли дях-някъ дархли дирцили ахленра. За умувиэс биалри. Чумал бархли къацли хлевки хъалли, иличилла Гъядуллатипли гъаналра хъебушив. Ханбикани къалабали сапун, полотенце, Тавсулта музур ирсуги гъягниахълуми ва палтар кадухили хъямамлизи кадихъиб.

Гъядуллатип хъямамлизи ухинаухъун. Ханбика биалли беркайзи ахъиб. Вазили Гъядуллатип дуравхъун. Ханбикани беркала гъала кабихъиб.

– Укен. Ху гушли ургуд. Укен. Ил сайцун ватурли, Ханбика дуракарухъун, рашу-рашукад гъайрикъули, някълизиб чайникличил чаррухъун.

– Тавсултан Бакулизи арякъи сай, къуллукъ лебли, – иб ва гъурра дуракарухъун. Гъядуллатипли селра хъеиб ва, бисмилла или, укесвяхъиб. Дебали гушиублири, амма халаси дуббат хъеберкун.

Камси замана дикили, Ханбика рухинаухъун. Гъядуллатип хъевкули чеили, зигарвариб:

- Нуша мискиндиар или урухиубрив? Вишт^Іаси хъяша х^Іейадли х^Іу?
Укен. Диъличи бек^Іил къячикили ах^Іенри. Укен!
- Баркалла, Ханбика-зизи. Баркалла. Ца г^Іях^Іил укунра.
 - Х^Іуни беркунси чебиули ах^Іенра нунни. Укен, гъари, урузмак^Іудну, – Ханбика къабулли ах^Іенри Г^Іябдуллат^Іипли беркунсиличи. Чай кадихъиб.
Чайла бужух^Іели, хъар-хъаррик^Іескарииб:
 - Х^Іушаб итар х^Іянчи теру? Сели диркъулра?
 - Х^Іянчира лер даари. Узусилис х^Іекъра лугули саби. Дудеш х^Іяйван-къачаличив сай. Неш хъулир рирап. Нуши жура-журала х^Іянчурби дирулра.
 - Чула халкъ се бик^Іули? Х^Іушачи къабулли бирару?
 - Нуша терти мераначиб им^Іали кулакбарыби саби. Баршила шилизи-рад шел хъалибарг лер. Лезгибала шимазибад леб. Унра шимазибадра баҳъал теб. Нушила Дагъистайзибадцун ах^Іи, царх^Іилти мераначибадра баҳъал халкъ теб.
 - Х^Іу се-биялра Г^Іяг^Іинидеш лебли вак^Іили ургуд? Башахъес ихтияр лугу-лив вег^Іла мераначи?
 - Лугули ах^Іен. Ну вак^Іни чилилра балуси ах^Іен. Хъалибарглира балули ах^Іен, – лебси х^Іякъыкъат бархъли буриб Г^Іябдуллат^Іипли.
- Илх^Іели Ханбика урухиуб. Сабира чуйнара гъайбарили хъалли, сенрил Тавсулта Г^Іякъулули уцахъулри. Бег^Ігалав Тавсултан т^Іалабварибх^Іели, дурдити палтарчевли, хъурали вашули Дербентлизи вякъунсири. Царх^Іилти балкъаурли, г^Іях^Іти тяй-урчачиб мурдали бак^Іилри. Унзала гъала т^Іаш-кабатурли, цацали бух^Іна башахъулри, хъар-хъарбаэс. Лебилра бух^Іна аба-ц^Іахъили хъар-хъардаиб, Тавсултан биялли т^Іашкайзурли дурав калун.
- Х^Іу сен т^Іашсири ишав? – хабарвариб ил цали.
 - Ну х^Іушани т^Іалабварили вак^Іисира.
 - Х^Іела фамилия?
 - Валиев Тавсултан.
- Ил ух^Інаухъи, дуракавхъун.
- Леб илгъуна фамилия, ваши ух^Іна.
- Тавсултан ух^Інаухъун. Дурдити палтарличил ил чеили, цаличи ца х^Іер-бизур.
- Кулак вирапу ишгъуна? – иб гъести Г^Іямрула муруй, – сунес палтаралра асес х^Іейруси? Селичив вак^Іири?
 - Ишди къяшмачив. Илини чегъурти дабира мер-мерларад дурдилри.
 - Эмх^Іеалра агив х^Іела мурдайэс? – дукаругиб итил.
 - Агара къалли.
 - Г^Іур се леба х^Іела? – хъарбаиб Г^Іурра гъести Г^Іямрула мурул адамли.
 - Ишди някъби, къяшми, – вех^Іихъиб Тавсултан. Буйрухъбирих^Іеливан ахъси т^Іамали ил т^Іашаиб.
 - Хъулиси лебдеш? Х^Іяйван-къача, маза-мас?
 - Илди дила лерти ах^Іен, – вех^Іихъиб Тавсултан, халасила, х^Іулбази вархъли х^Іерик^Іули.
 - Хъалибарг?
 - Хъалибарг леб. Хъунул, дурх^Іни.
 - Секъайда х^Іербириулри хъалибарг?
 - Ца Г^Іамайс. Колхозли нушала х^Іянчилис се галра, гибсилис.

— Сунес халкълагъунти палтар асес хIейрусила се бирузив? — иб ца кай-бисини.

— Ил бархьси саби, — иб баягъи суалти дедибсими. — ХIяйван-къача, маза-мас агара диалли, сен списоклизи илала у кабикахъибси?

— Арукъен, — иб илини, Тавсултайчи шуряхъили. Тавсултан илкъяйда чаруубсири. Калунтала къисмат Къайыпбеглагъуна бетаур.

Тавсултанна мас-давла Къайыпбеглайчир дахъал сарри. Илини сайри Къайыпбег мургъи-арц асахъес Шамахи укибси. Илди дигIяндарес бажардиикиб Тавсултан, ва бусягIят артеллизи керхур, сунела лебси хъура бедили. ХIяйван-къача, маза-мас лерти ахIенри илала. Ил ариш-баришлизи ахъибси адам сайри. Шилизивра камли вири. Россияла декIар-декIарти шагъуртази ваши. Востокла дахъал мерани дали. Бахъал гIяхIлира бири. АвдехI мез дали. Илди мераначив урус мез гIяхIли далуси ил вири. Россиялизирти тАма-гъамара илиничир гIяхIил далуси аги. Граждан дургъбала заманара чиналра гъудурхIейуб. Гъайла устадешра, сабурра лернили ил къияндешуназивад уцахъулри. Къайыпбегличи ил ца суайчил хIайна вакIиб. Ахирра Къайыпбег разиникахъиб, сунела лебдеш сай гIяхIулали бедахъес. Тавсултай гъар секIал гъалахили далулри. Халкъли чебиуси масра аги илала, сай бегIла давлачевси сай или бурулихъалли. БусягIятра ил гъуйчив сайри. Илини бирузи шайтIайра хIебали. Гъанна Ханбика урухриубсира, саби бара берцили калунхIели сарри. Ца се-биалра къардбухъеси секIал биалли, илдира бетахъахъес бири.

Ташмишли ГIябдуллатIиплихи хIеръиб, амма гъайхIеиб. ЛехIдеш ГIябдуллатIипли буун, сенкIун Ханбикала хIял аргъиб:

— Нура ишав уэс вакIибси ахIенра. Дила ригусира рапх аррукили, чарулхъас. Гъанна аркъяс шилизи.

ГIябдуллатIип ахъиуб. Иличил рапх Ханбикара аризур.

— Вари, вари, чиналра мякъяд. ХIу урцури НКВД-ла хIянчизартани. ХIу чарухъни багъалли, туснакъиури, хIу багъандан нушара гъай-мезлизи диркехIе, — или гъала каризур. — Гъанна законти илдигъунти сари. Тилади саби, чизилра чехIеахъили, чарухъен хIела бегIтачи. Илди дебали зигарбикIули бургар, хIу чинав саял хIебалули.

— Рузини балули сари. Илини буру, — имцIати я макру, я гIямулти, я къунби хIедалуси ГIябдуллатIип уркIи-уркIилавад гъайикIулри, сунела гъайли мякълавсиличи сегъуна асар бибурил пикрилра хIевхъи.

— Иша вакIини багъалли, илди гъатIира децIлизи биркур, — иб Ханбикани, Ташкайзурси ГIябдуллатIип учили кайрахъули.

— Тавсултаналра виалри. ДурхIнира нурацунра къалли, — таманни урухриублири Ханбика.

— Нуни бурирагу. Ну ишав ташизес вакIибси ахIенра. Аркъяс шилизи. Мариятлис магъарра дихъахъили, аркъутира нуша. ГIябдуллатIип гIурра айзур.

— Гъари, кайи ва пикриухъен хIуни бирузиличила. Магъарра дихъили, хIу мукърази ахъахъес хIелтари НКВД-ли. БусягIят туснакъиури. Нушара тамбихIладиура, хIу багъандан. Тавсултаналра виалри, се-биалра масли-ГIятбири. Гъанна ну урухлира. Я бареси балули ахIенра — рапхиб Ханбика.

— ЖягIял, белики, Тавсултан чарухъесра асубирар. ЖягIяйчи бикайчи хIу чиналра дурамалхъад. Тавсултай гъар секIал далдуршу.

– Ну хIечи вакIини чизилра хIебалахъас. Аркъяс, – гIурра ахъиуб ГIябдуллатIип.

– ХIед гъанбиркулив, наб хIу гъайлизи икили дигули сари или? Нушаван хIура илдази викили дигули ахIенра наб, гъар секIал Тавсултай дала ва дал-дуршу. Ил хIекIили, хIу чиналра хIерхури, иргъулрив? Уэн хуулив, чизилра чемайахъид. Ханбикани ГIябдуллатIип тIашаиб. Ил гъанна хIяйнайс кайиб.

– Дила ватIайзивхIели, селизивад урухкIусира ну? Дугели аркъяс шилизи. Ца 20-30 верстла гъуни саби шилизи аэс, – пикриикIулри ГIябдуллатIип.

– ХIу гъучив вамсурлири, хъарихъен или, Ханбикани ца гъатIи ГIянала чIя-барличи кабихъиб. Ил секIал сунес ГIяхIешибизурли бииши, гIурра дугъаризур:

– Кайхъес, багълабарес ваши итил хуули. БархIехъ хIянчиличибад дурхIини-ра чарбирути саби.

– Ишабра вайли ахIен, валиркус или, ГIянала сунечибяxI битIакIиb ва бекIла уди кабихъиб.

– Юх, ишаб кабилхъути хIебирар, ваши, – Ханбикани итил хуули укили, кровать чебаахъиб, чебушибси убасили, сари дурагухъун.

Кайхъи хъалли, ГIябдуллатIип усаэс вирули ахIенри. Дарес ГIягIинити секъядыа дирутил пикридирулри.

Дугели гъавухъи аркъусил, яра бурили аркъусил балули ахIенри.

Шилизи вакIибмад Мирзакъадичи вякъи, илра Мариятхъайчи укили, дихъахъили магъарра, чизилра чехIеахъили, ил дугил чарухъес пикрибариб. Сунела хъуланияра арзили, вамсурси ил усаун.

Чум дуги, чум бархIи, чум баз усхIеи, паргъатагарли деркIиба? Бурушлизив ласикIес бетIили, имцIали дуракалхъи. Бацла шалалиур вавнази гъайрикIуси рузира къарширирки. Узи рузичи багълали гъамиуб. Рузила хIулби нургъба дицIиb. Узичи хъябруцикиб.

Рузини нургъби дигIяндарес хIериуб. Илди сарил чаяхIидикIулри. ЧаяхIидикIулри бухIнабси ГIядабли, тяп дяхъилизирад хIиван. Нургъбалара хIила-ра декIардеш: нургъби дашулихъалли, децIла дяхъи гъаргси ахIен, я чебиуси ахIен. Ил дяхъи чилилра чехIебиули хъалли, декIли рурцIуси саби. ХIи да-шухIели, дяхъи лебни бала. Нургъбалара хIилара цагъунадеш: илди зукъити сари – изайзирад, ГIядаблизизирад, дяхъилизирад дурадухъунти.

Камси лехIдеш калун. Бацла шалалиуб бара пишбяхъибсиван кабизурси ваваличи Султанат ГIашриуб ва, узичи шуррояхъили, иб:

– ХIера, узи, сен жагасил иш вава. Жагасиван ахIи тамашалара саби. Илала тамашадеш: саби бебкIили, щедеш алкIули саби. Щедеш акIахъес харжхIе-диубти вавнала жагадеш жагадеш ахIен. Илра кабиркур, сунес гIергъи селра агарли. Кавлан бацIдешщун. Узи, ишабти рурсбира жагати бегI сабгу. Илдани-ра хъунулдеш диру хIед. АлкIан дурхIини. Паргъатбирап хIела уркIира. Хъу-муртид Мариятра.

ГIябдуллатIип рузила гъайличи тамашавиуб. Сунечир риштIасири. Илала-ра гелешмеш гъарахълив калири. ХIебиалли илини сунесра маслигIят барги-ли рургар, – пикриухъун, селра эс хIейрули кайзурси ГIябдуллатIип. Мурхъси гъигъ абатур ва иб:

– Сен хIуша лерилра Марият хъумуртид дикIулра? Наб Марият хъумар-тес дигули ахIенра, Султанат. Чебийд, ца бархIи секъядыа илра карукили чарулхъасал.

Гергъила барх^И, сен къанни алзули или, Ханбика иличи х^Иерэс арац^Иб. Пишихъили усуси Гябдуллат^Ип чевх^Иергъахъес, багъали къашми кай-ц^Иули, дурагухъун. Ахирра чевсаргъиб. Урк^И разилири. Хамха кунклири. Къиргъизунала ванзаличив цайналра илкъайда кункдешлизив чеваргъибси ах^Иенри. Хъуливад дуравхъун. Ханбика сунела хъалиц^Иала х^Иянчурбази рап-хилри. Цали ца хъар-хъарбаили, Гябдуллат^Ип дубватахъес Ханбика сарем-ц^Иур. Гябдуллат^Иипли, дях^И-някъра дирцили, се замана баилил хъарбаиб.

– Х^Иерела дех^Ибала дируси замана баили саби, – буриб Ханбикани.

– Марли рик^Иултив, гъари? Марли, ну илцадх^Ии усирав? Дила Гямрули-зив гъаннаван мурили усаунси ах^Иенра аслира, хат^Иа бетх^Иерар. Х^Иерагу ца.

– Гъуйчив вамсурли, вак^Иих^Иели ургуд, – аргъахъиб Ханбикани.

– Дила Ват^Иайзивх^Иели сайра, Ханбика-зизи! Дила Ват^Иайзивх^Иели! – разили т^Иамадариб Гябдуллат^Иипли.

– Ургуд, дила урши, ургуд, – г^Иевуциб разиси Гябдуллат^Иип Ханбикани.

– Ваши дубватес.

– Наб селра беркес дигули ах^Иенра, къан-къанниван укас.

– Гъя! Халкъ к^Иийна-х^Иаяна буки саби. Х^Иу биалли дубватурлира ах^Иен-ри. Ханбикани селичилра лех^Иихъили, к^Иабат^И берклума биц^Иахъиб.

– Камсиалра къац^Ибара. Х^Иу дебали усалиублири, куцагариублири. Шилизи укъядли, валх^Иелари. Х^Иела гелешмешлира х^Иелад, – Гябдуллат^Иип илкъайда разили чеили, Ханбикара разириуб. – Ишбарх^Ии дях^Ила рангра дек^Иарти сари, даг азарханалавад дуракавхъунсигъунари.

– Ишбарх^Ии дила урк^Ии кункли, азадли, батбухъи саби. Чархра илкъайда саби. Даг вашес валли вирули ах^Иенри, – сай г^Иях^Илашал варсиъниличи та-машаиублири Гябдуллат^Иип. – Наб х^Иези бурес дигулра, х^Иуни сен-сен къа-булиридал.

– Бура, гъат^Ии, х^Иед г^Иях^Идешлис, дила урши, нуни се-дигара бирис.

– Ну аркъяс.

– Сабурбара, дила урши, Тавсултан вак^Иайчи. Илини х^Иед гъар сек^Иал х^Иердуру, далдуршу. Ишбарх^Ии х^Иек^Иалли, жяг^Иял сеннира чарирап.

Сабурбара. Ханбикачи Гябдуллат^Иип лех^Иахъиб. Игъбарлисан ил барх^Ии барх^Иехъ Тавсултан чариуб. Х^Иякъикъат селизibal багъурх^Иели, дукаругиб:

– Илгъуна урехила х^Иянчира дураберк^Иили, ишарад хъунул х^Иерукадли, итаб камлирив х^Иед биэсти?

– Камли ах^Иен. Наб Марият дигулра. Ну ил агарли уэс вирули ах^Иенра. Се ирусил х^Иебалули, илдачи х^Иеръиб. Илдани селра х^Иергъибсиван бизурли, Пурра вех^Иихъиб:

– Нуша цалис ца дигулра. Ил дила гелешмеш сари.

Мурул-хъунули ил г^Иевурцули ах^Иенри. Сунела гъайла сегъуналра асар чех^Иебиули, секъайда илдази иргъахъусил балули ах^Иенри. Г^Иурра вех^Иихъиб:

– Марият набчи х^Иерли сари. Нуша вяг^Идаладиубтири ишдус хъалладиэс.

Х^Иушанира балули, Зумрут ребк^Иили, чумал баз дикили, нуша «лишунай» дарибири. Ил багъандан хъайчикадиэс бетх^Иеур.

Хъа бег^Ити лех^Иихъилри. Гябдуллат^Иип илди дурниличи пашманиуб. Ишданик^Иун дила гъайличи пикрира бях^Иичх^Иеиб. Цадех^И дигай багъандан илди къияндешуни чекасибси мех^Иур сай иш бик^Иули бургар. Ну лебилра халкъличи мешуси х^Иергус. Сен набзи царх^Иил кария бик^Иути лебилра? Сен числарра аргъес х^Иейгули нуни царх^Иил кария х^Иерни?

Тавсултай илис се маслигІятбирусил балули ахІенри. Ахирра лехІдеш буун:

– ВягІда барили диадалли, асубирап.

– ГІе, вягІда барилра ишдус хъайчикадиэс, илбагъандан вакІбсира, – вехІхъиб разиси тәмаличиил ГлябуллатІип, ахирра ГяхІлани сунела аргъисиван бизурли. Сецад дигайличила гъайикІули хъалли, Тавсултай гъайхІеиб, амма вягІдаличила бурибХели, ГлябуллатІип Гевуциб. Дигайлис къянавиэс асубирули буили саби, амма, сегъуна-дигара биаб, вягІда къянабарес асубирули ахІен. Хіебиалли, вягІда дигайличиб чебяхІли бургар. ВягІда къадри дигайлайчиб ахъли буили саби. Тамаша ахІену?

Тавсултан ГлябуллатІипличил вахъхІи гъайикІули калун: бегІтачила, итаби халкъличила, мер-мусаличила, Гямруличила.

– Ишдус нушала ишар хозяйствобас къянбухъун. Мажалислизирира дахъал хІаяван-къача урдикили сари. Арши хІедиршили сари. Арши хІедиршили кали, халкъ гушбиубли саби.

– Селра барес ахъри агартили уббухъун сагати хІякимти, – илар диубтачил, дирутачил Тавсултай ГяхІил балулри.

– Нушачиб вайли ахІен. Доходра гІахІси касиб. Гъариллис чула къянхІясибли ризкыра дутІиб. Нушала хъалибарг гъабкъя саби. Нушаб гъар замана имцІякъ секІалра луга. Ит базлизиб Султанатлис ЧянкІи балли бедиб. Дудешра хІякимтаци, хІяччиличи разили сай, – къантІли лерилра дуриб ГлябуллатІипли.

– Итаб бархъиби лебилра бузери дигути, бузерили белкунти сабри. ХІушала хІянчи, гъайгъай, гъалабяхІ аркъян. Ишаб калунти чи саби? Чи сабри хІякимдешлизи кабатурти? – Тавсултай сунела уркІила разиагардеш ГлябуллатІиплизи бурулри. Ил шайчив Тавсултан дебали мяхІкамли вирусири. Гъай камли дири. Сунела уркІиличирити дуреси адамли чеиб илини ГлябуллатІип, Гямрули виштІаси виалра.

– ХІу, хъунулра аррукили, арукъес дигули вакІбсири? – ахирра Тавсултан ГлябуллатІипличи ветаиб.

– ГІе, илгъуна пикри саби, – иб ГлябуллатІиплира.

– ХІу ишдуги чиналра хІякъяд. ЖягІял Ханикани хІечила Мариятлизи буру. Ил сари иша ляркъян. Эгер хІечил рукъес разили риалли, нушани ишарра магъар дирхъехІе. Яра ну хІела пурбанничил Мирзакъадичи вякъи, магъар дирхъахъис. Ил секІал нушани ЧянкІли бегІла гъамтазищун саби баляхъуси. Ишарад поездличи адатурли дархъиурая. Разилирив? – някъ гъабатур Тавсултай ГлябуллатІиплизи.

– ХІу икІуси бархъси саби. Амма хІушаб къянбухъи, ну багъандан ита-иша дашули, инжитдарес хІейгахъира.

– Селра инжитдеш агара. Илгъунара инжитдеш агарли, бирузив, гъатІи, итавад, жайчивад чевкерхурли, вакІбси адамлис? – хъуцІарличи хъат бяхъили, пишхъиб Тавсултан.

– Баркалла хІушаб. ХІушани бариси хъумхІертис нуни, – ГлябуллатІипли се ирусил балули ахІенри.

– Гъанна укъен кайхъес. ЖягІял гъар-се секІал гъунчидуршехІе, – Тавсултан айзур ва дуравхъун. ГлябуллатІипра дуравхъун. Алавчарси дугила лехІдешличи лехІли вахъхІи ташкайзур. Итди мераначиб гъава агарсиван,

халати гъигъана алтули, мурхъли гъава гъигъбибулри. Ге, Ватла гъавара тягъямла сабри. Мурадли ваиси гулухъаван кайзурлири ил. Уркилизизи чянкли разидешунри. Мариятра карукили ваклихели, бегити сецад разибиасара? Сари Мариятра набчи хлерли рургар. Амма ишкъядыа жявли сари аррукес лявкъян или уркиличира бакли хебургар илала. Гъбдуллатип разидешла пикрумазив ваххыи усаэс хлерули калун. Ахирра усаун. Къанни чевсаргъиб. Сай чевсаргъачи, Ханбика Мажалислизи аркъуси гъучи дурарухъири. Мажалисла халкъ илини гъхил балулри, гъанни акубти ахенти. Ил вецину верхира дус риайчи Мажалислизи хернибсири. Тавсултанхъала, Ханбикала бегити гъхил буибири. Дудешлихи гъхлад ваклибси Тавсултан, Ханбика чераили, гъшикъибсири. Гъхлядеш тухумдешлихи шурдатури, ил кариб. Илди келра цаличи ца разили хербулри. Килалрашел дурхъя халакабайлри.

Ханбика гъучир ташли рамсур. Гъучиб уркрачили Хайдакълизи аркъута ца-чумал адам лебри. Бархыи ахъайчи калун, чилра сари рирхеси адам къаршихъейкиб. Рузиливан ил секил чинилра гъхил гъунчихъебуршу или, ца адамлизи Гулжанат чучи гъхладли раклахъес буриб. Сари биалли, бархыи ихъули, хъули чарриуб. Тавсултайзи иличила буриб.

– Бархъси барилри. Жягъял ил нушачи херакалли, Гъбдуллатип, ну аркъяс. Бусягъятра укъес вирасигу, рурси къабулриркуран ита рукъес, багъес гъягъили саби.

– Къабулриркуран. Ил ураркъиси сари, мургъила тулекара баршили.

Гъбдуллатипли Тавсултай ибсила мягъна цархил тяхъярли аргъиб:

– Хечил раклес къабулрикес ил урехила хянчи саби. Сари къабулрикалра, бегитани хералта. Ил секил иргъултив хуни, Гъбдуллатип? – чебетаахъили буриб Тавсултай. – Хердикъе жягъял. Ил суал таманни бекхъебарили хебалтехъе.

Пергъила бархыи херейс Гулжанатра илала мурул Ибрағимра Мамедкъалализи кабаиб. Гъхлала хъулив Гъбдуллатип чейхъели, илди тамашабиуб. Гулжанат узичи хъябруцикиб. Ил узилизирад декларрикес рибули ахъенри. Ахъли рисулри. Илди чехъебиули, мякълаб агарли, илисра паргъатдеш агарлири:

– Секъядыа саби неш-дудеш?

Нуша гъхилра или, Къиргъизунала ванзаличи саби секъядыа къабулбарibal, сегъунти хянчурби терал, сели биркъулил, Атас урши акниличила, лерилра къант-къантли дуриб Гъбдуллатипли.

– Гур хуша чедиура или гъанхъебирки наб, – узичирад хулби черасес рибули ахъенри рузини. Илдира тамашабиуб, се мурадли Гъбдуллатип ваклибсил багъурхъели.

– Сари къалли хечила дебали цумрикъули рирап. Гъар замана хъаррикъар. Наб ралли рузиван рирап. Рузини хъебируси кумекра биру, амма ралтав ил хечил раклахъес? – рузилара ташмишъала дакъудиуб.

– Сен хералтусив? Чили хералтусив? Сари набван сунес нура игахъули риалли, ил чилилра хератес хлерар, – икъулри Гъбдуллатип.

– Ил секил сари Мариятлизира балахъис. Мирзакъадичилра гъайка-рулхъас или, Гулжанатра илала мурулра чаркабиуб.

Мариятла уркили аргъибу, яра ца иткъи раклибу, Гулжанат хъули чаррухъунмад, иличи гъарракъиб.

- ГյабдуллатИп лев вакИли, – бархъли ва гъргли буриб Гулжанатли.
 Марият гъала-гъала ца гІяжаибли Гулжанатличи хІеризур.
- Се рикІулри, гъари, хІу, Гулжанат? ГյабдуллатИп вакІес вирапу? – ила-
 ла у ахъили хІунтІенриуб.
- Виуб вакІес. Нуша даг иличири дякъунти, – буриб Гулжанатли.
- Набзи сен селра хІеили, хІушацун дякъунрая, гъатИ? – сари хІерукни
 хІейгули ахъиб Мариятлис.
- Марият, нушани ил вакІни балули ахІенри. Нушани селра балули ахІен-
 ри. Хабар бакІиб гІяхІлала дебали гІятІнирикилри, хІеракИли марууд или.
 Ибрагьимра нура даг савли жявли дурадухъи дякъунра. ХІердикІулрагу, –
 гІахІлачив ГյабдуллатИп. Гъала-гъала дила хІулбачи рирххІерули калунра.
 Ил дебали чукъаниублири. Гъуйчив вахъхИи вашира или буриб.
- Нушачи хІекИли, сен гІяхІлачи вакІили, гъатИ? – хъарбаиб селра хІер-
 гъуси рурсили. – Калунти чинаба?
- Калунти итаб саби, Къиргъистайзиб. Ил дигІаяй вакІили сай, хІу арру-
 кес, – бархъли буриб Гулжанатли.
- Гъаввухъи? Ну аррукес? – селра хІергъульри Мариятли.
- ГІе, дигІаяй. ХІу аррукес вакІили сай. Магъарра дихъахъили, хІу аркури
 илини. Разилирил ахІенрил хъарбаэс дигулра наб. Се рикІуда?
- Рурси буреси хІебалули васвасъайзи рикиб.
- Бархъли бурасли, наб жаваб гес къяннни саби. Ну дунъяла гІела или-
 ни раши аллира, рукеес хІядурли сарра, амма хІергъути дахъал секІал лер,
 пикрирулхъас.
- Пикрирухъес нушала замана агара. Иличила багъалли, балултив хІуни
 бетаруси? Риригу Гулжанатли цархІил тяхІярлира бурес, амма лебси хІя-
 къикъат бурулри. – Ил хІед игахъули риадли, хІядуррии, – тамандариб гъай
 Гулжанатли.
- ГІахІна, ну аркъяс нешлизи бурес, – разирикиб Марият.
- Нешличи хъарбара, чизилра хІебурахъес. Ил секІал, нушани ахІи, чи-
 лилра багъес хайрихІебирап.
- ГІахІна. Аргъира.
- Марият илдачирад дурагухъун. Сегъунти-дигара къяндешуни дяхІяэс
 разилири Марият ГյабдуллатИпличил рапх. Яра ил рирхултив, сунес чи-
 лилра къадагъахІебиру или. Нешли сари гІеррурцниличи умутли, хъули
 рухІнарухъун. Нешлизи иличила буруси тяхІурти Мариятли пикрихІедариб,
 сенкІун нешра рурсира гъалмагъ рурсиван бири. Илдани цала цали иргъ-
 улри. Мариятла дудеш рурси акІубли хІябал баз дикили, вебКІбсири. Ара-
 си, жагъси мурул адам хабарагарли зягІипикили, мекъ барила дусра кахІели,
 вебКІб. Асиятлис мурас узбани къянхІедухъахъун. Сари ракІайчи узбани
 цахІинар дариби хъулри сарли хъалли, илизи дурагухъеси гъай чинилра
 ибиси ахІенри.
- ХІед дигуцадхІи хІеррии. Рахъ нушала узис ригули кариибсирун. Шери
 рукеес дигули ахъадли, рукеен, амма ишди хъулрази цархІил мурул адам
 макид, – ибсири халал узини. Сукни баштути биубли хъалли, Асият чисалра
 шери рукеес разихІерикиб. Веңіну урчІемра дусла гІамруличир гамъариуб-

си ил, гъанна цугли хІябцІанну верхІра дус рибулри. ДуцІ урчила мурдаван аркъулри илала жагъти, жагати гІамру. Гъаннара ил жагълири. Жагълихъалли, ца Сулейбайс дихъиби ахІи илала цархІилти дигай дакІухІедиуб. Сулейба тухум-агълулисра ил секІал гІяхІбилзулри. Чули биубси кумек бирулри. Сарира сецад-дигара хІялалли, риша-рягІун руулри. Аги илизир жагъти гамъадешла шикъ. Сунела мякълавад шалгІевухъунси мурул адамлис гІашли саламра бедили, ретахъирки, ил чи саялра хІебагъурли.

– Неш, – рехІрихъиб Марият, – нуни хІези буруси леб, дебали дила гІамрулизиб гІагІиси.

– Тіаш, Тіаш, чичи-біалра гІяшикъиубли хІериадли хІу? – гъалаб агарси рурсила хІулбала лямцІличи ва разидешличи тамашариуб неш.

– Жявлил риублиригу ну гІашикъ. Иличила бекІли хІебалусиван каризури хІура, неш?

– Гъалав декІарси, гъанна декІарси левсиван билзули саби наб, – рурсила хІулбазиб се-біалра белчІес дигусиван рапхъли хІулбази хІерикІулри неш.

– Агара, неш, агара. Гъай ГІядуллатІипличила сари, – иб разили Мариятли.

– ГІядуллатІип? Чинава ил? Биур хІед иличила децІрикІес!

– Ну иличила децІрикІули ахІенра. Ил вакІили лев, ну аррукес.

– Се ири? ВакІили лев? Ишав леву? ХІуни чеирив? – суалти дахъдариб нешли.

Рурсили лерилра чедетаахъили дуриб. Сари иличил рукъес разили риъни аргъибхІели, ил нешли тіашаиб:

– Се рикІулри, гъари, хІу? Ил меҳІурли ургар, хІура меҳІурли саррив?

– Нуша меҳІурти ахІенра, неш. Нуша цалис ца дигахъулра, – рурсила нешлизибад дигІянси аги.

– КІелра меҳІурли саррая. Чили ихтияр лугав хІушаб хъалладиахъес?

– Неш, сен ихтияр хІелугуси хІуни? ХІуникІун наб бигуси хІебариси кахІелун.

– Нуни рикІадли, дила рурси, бусягІятра ихтияр лугулра, ахътани ихтияр хІелуга.

Риша-рягІун – дигІянрикибсиван, рагъархІерухъи, чизилра хІерагъахъури.

– Чи ахътани? Дудешла узбани рикІултив? – рурси рисириэс хІядурлири.

– АхІенра, дила ахІерси, илдира балкабиркахъаси. НКВД-ли. Илдани ахІентив, гъатІи, ГІядуллатІипхъали «лишунай» барити? Ил секІал багъалли, кІелра хІуша туснакъдирура. Нуշара тамбихІладирура.

– Ил секІал нуни балулра, неш. Наб иличил туснакълизиб гъамадли би-рар, илизирад декІарливан ахІи.

– Илра иргъулра. ХІуша мажахІят цахІнар датиша, – ца. КІиибилра, хІу набчила пикрирухъунтив? Лерси ца рурсира туснакълизи каратахъурли, ну севан руусирав?

– КахІералтара, гъари, неш. Илдала уркІби агартив?

– ХІу кахІератадра, ГІядуллатІип левни багъалли, туснакъирни хІергъултив хІуни?

– Иргъулра, неш. Иргъули хъалли, ну аркъяс иличил парх, – парсряхъиб рурси.

– Чина аркъяда?

– Дунъяла гъела аррукаслира, аркъяс – харчизур Марият.

– Таш. Хъела суал арести дудешла шел узи леб. Илдази хъарбиис.

– Вари, неш. Чизилра мабалахъид. Хъуни увведлугад ил, – урухиуб рурси.

– Ну-декъар мехъур саррав? Аскандарлизи бурис. Ил нушала халаси сай. Илизи хъебурили, магъар чили дирхъу? Магъар дихъахъес чараагарли ил виэс гъягъинили сай. Хъуни пурбан илизи лугуси саби.

– Неш, тилади саби, гъур чизилра мабалахъид иличила. Азизира бура, ил секъайчила чизилра хъебурахъес.

– Хъу ташризи, нуни жаваб лебхис, амма нуни илизи гъайбси ахъен. Сен-сен ирусил балули ахъенра, – неш дурагурухъун. Илис гъергъи Марият дуцърухъун:

– Жаваб чъянкъили наб дигуси тяхъярли биран. Хъу иличил гъайкарухъен ну гъеррурцули, – нешличи рирхулри, сари рикъуси тяхъярли бетарахъу или. Асиятли Аскандарлизи уруз-урузли гъар секъал чедетаахъили дуриб. Аскандар мурулла узи сайлихъалли, иличил гъайрикъухъели, Асиятли хъулби ахъдурцули ахъенри. Аскандар сабурличил лехъахъиб, гъур сари Асиятлизи хъарбаиб:

– Хъу се рикъуда гъятъи, Асият?

– Нуни рурсилис дигуси хъебарес хъерирус.

– Рурси къагъли лерал гъачам. Хъу гъягъили пикрирухъунрив ил секъайчила?

– Рухъунра. Ил нушабра, нушала рурсилисра дебали къянси саби. Би-алра, халкълизиб бурули биран. Вегълис дигуси барисила я дусли хъяйна хъу духъар, я къапъа къулкъа бирщур, – илди гъай сен-сен дурадикибал Асиятли хъергъиб ва, урузиубдешли дяхъи хъунтъендиуб. Асиятлизи дурути таманхъедарахъиб Аскандарли, сенкъун илала гъайлис дебали гъасивиуб ва тъама ахъбариб:

– Дусли хъяйна хъу хъедухъни нушаб, някъличир вецил тъулван, гъячихъли саби. Сен, гъятъи, балули къапъа къулкъа бирщахъусив? Хъед мяштъили ахъену хъела лерси ца рурси къяндешлизи лайкаракъес? Ну разили ахъенра, магъар дихъахъес, – гъай тамандариб Аскандарли.

Асиятлис буреси кахъелун. Я бареси балули ахъенри. Лехъдеш чебихъун. Рурси гъерруцес илис къяннири, сенкъун суненира иргъулри гъар се-секъал. Иргъули хъалли, рурси гъерруцес дигулри. Мариятли чизилра хъархъебиль-ниличила буресра дигулри, амма ташризур, урухиуб. Бурес гъягъинили. Секъайда? Асият вакъасъайчил, ахир сегъуна биранал урухъули, урузкъули рехърихъиб:

– Сари разили сари иличил рукъес.

Илди гъай Аскандарли къяркъли ташаиб:

– Гъари, ралризаб. Сунела нуни хъила къантъ ванзаличи кахъебиркахъис. Кулакбарили бархъибтачи гъергъи дуцъихъялли, ишаб камли бургар сари рукъести. Белчъуди дигули ахъибхъели, ручъахъес каратурра. Учительницали рузули сари. Лерилра сунес дигули ахъибти секъал дарахъира. Гъанна гъавухъи вакъибси къачагъличил ил аррукъяхъесра пурбан бедес гъягъинили ба-

лан? Чиналра ганз кахIейцIу, – къяркиуб Аскандар. Асиятла гъай кадерхур. Селра сахIерхили, дуракарухъесра рибули ахIенри. Селра сархес риэслира ахIенри. Ахирра дурапухъун. Марият илис гъала дуцIрухъун.

– Неш, сегъуна жаваб гиба? – тIамадариб рурсили. Амма нешла хумарти дяхI чедаили, гъар секIал аргъиб.

– Жаваб хIед хIейгуси гиб, – пашманни иб нешли.

– Жаваб наб хIейгуси биублихъалли, нуни наб дигуси бирис, – иб рурсили гIясили.

– БетхIерар.

– Сен?

– СенкIун Аскандар хIед къараулкайрап.

– КъараулкахIейрап, бусягIят рукъясли. Марият аризур.

– XIу чина? MexIур-секIал риублирив? – нешли рурси руциб.

– Ну мексIуррийни гъанна багъуррив, хIуни? Нуни жаваб чарбарес гIягI-нили саби Гулжанатлизи.

– Се жаваб чарбирида, гъатIи, хIуни?

Асиятли рурси ратаиб, амма сари тIашкаризурси мерличирад вяшхIерухъи лералри.

– Нуни ирис, дила дудешла Гелабти разихIебикиб я магъар дихъахъес, я ну аррукъахъес. Амма ну аркъяс иличил раХх.

– XIу мексIур-секIал риублирив? ХIед къияндулхъан. Ил секIал мабирид.

– Асиятла биса дурадикиб. Нургъби чяхIдухъун.

(Хъарахъуд бирап)



МЯХИММАД КҮРБАНОВ



МУРУЛ-ХЪУНУЛ

(Повесть)

– Таш, гъари, юлдаш. Чи сайри хIу? – Раисатхъя някъла уркурлис къашра гъалабуцили, ча някъ агарси зурбаси жагъилли гъуни буциб.

Раисатла мурул Сабир Дагъиста халкъличиван ахIи уруслы адамтачи им-цIали мешуси сайри – шаласи, закла бургIумигъунти хIулбира сайра. Гъ-айикIухIелира ил урус хIергар или гъанхIебирки. Илди тIашаити Раисат багъандан сабни гIячихълири. Валули Раисатли някъ агарра чи сайрил. Ил чеченталара ГIярасайлара дявтазив чулахъиубси Читала ОМОН-на гъалавла хIянчизар сайри. Леб илини ишаб бучили урус дурхIинала ча халаси къукъяра. Ил къукъя кавказлантачи чебулхъес багъандан акIахъиубси саби. Чумра кав-казлан битиб ил къукъяли ахъбиэсхIебиэсли. Илгъуна замана гIягIиниси мер-личиб къаршихIебиркур милицияла хIянчизартира. Уруслы адамти биалли ургала бакIес, бирхIути декIарбарес дубурлантыван рахлира балхIебилзан, хаслира дургъбала гIергъи.

Гъанна ярга Раисатла муруйчиб сабри. Амма Сабир васвасхIевхъун.

– Се бетаурлив, узи? – разили пишхъили хъарбаиб илини. Нура базри-ган сайра, наб Иван бикIар. Никифоров Иван.

Чулахъли уркурла гъалабад бусагIят къаш убасиб.

– Гъунби гIяхIидираб, узи. Ивантачиб саби Россия тIашси. Амма хъунул адам, хъунул адам нушала ахIенгу.

– Се биру гIур, дунъяличиб секъяйда-дигара бирули бирар. Иш дила хъу-нул сари.

– Ну базар-алав мурталра вирус. Эгер ишдала къамла чили-биалра гъи-мукIахъадли, набчи гъамии.

УрчIемцIали ибти дусмала кахси замана. Верцес багъандан се-дигара балбурцес чевкъули бирар. Сабирлис, гъайгъай, цархIилтасван ахIи гъамад-лири. Москвализиси бирухIелира ил чилилра тIашиули хIейри. Чичил-дигара гъамадли валра карки.

Раисатра Сабирра гъалаб кIелра барх ца школализиб бузутири: сай урус мезла ва дарган мезла учительли, ил – математикала.

Аги илдас сегъуналра шишимъала. Лерси ца рурсира сабира хIеркаби-
рулри чус дигул тяхIярли.

ЦархIил сабаб агархIелира, саби бегIси машиналичиб ибуси машинала
бурбуни багъанадарили, акъуси замана Дагъиста шагъуртази, цацадехIти
Дагъиста дазуличи гъамти Азербайжа шагъуртази башули бири. Тбилиси
чула МяхIячкъалаван балули бири. Раисатлис мурталра жагаси улкали-
зир къунзрикIес дигахъи. Муруйра илала къаклизибад дурабикибси сунени
вируси барили бетурхахъи. Улкала чиди-дигара гIямзилаб чула хъулибван
балра бирки.

Сабир Раисатла учитель вирусири. Сергокъалала педучилище белчIун-
мад, гъал дус виубси ил чула шилизиси школализи математикала учитель
варили вархъибсири. Ила вакIайчи ДГУ-ла урус мезла ва дарган мезла фа-
культетлизи заочно учIесра керхулири.

Раисатли школара белчIи, сабира хъабиубли гIергъи, Сабирли ункъли
хIядуррарили, Раисатра институтлизи карерхахъур. Агъагъай, бахъ дигахъ-
игу Раисатлис учительла санигIят! СецадхIи дурхIначил калалра я анцIхIе-
булкъи. Сен сабрил цархIилти учительтасван ца анцIбукула гIергъи хлейри
илис диргалаяулхъусира.

Вири чула школализив ца ХIясан бикIуси чилилра паргъатварес хIейру-
си урибси вайерх. Лебилра учительтала илини гIямал бульхахъи. Варсвяхъиб
ил гъачам Раисатличилра. ГIямал буи, ил Раисатли дарсличивад гъавхъиб.
Итмадан ил школала гIела шайчивад вакIили, классла улкъайла удив дакIу-
виуб, ва вехIихъиб гъатIи Раисатлис вайта угъес. Раисатла чарх майъали-
батур, ил лебил классли багъесли руржескарииб. ЛехIкахъили сабурбариб.
Дарсла гIергъи чизилра гIярзхIерухъун.

ГIур дарс агарси ил учительскаялизир дурхIнала тетрадуназир хал-
тIрикIули гIеларухъун.

– Раисат МяхIяммадовна, – дурсала расписаниела гъала тIашризурли
селичиларил пикрикIуси иличи завуч хапли дугъаизур: – ГIур хIу ахIенси
азадси учитель агара. 8 «б»-лизиб Сабирла дарс саби. Ил сай директорли къ-
уллукъ лебли Ахъуша арукби. ХIерируду хIуни илис къадин дарс кабихъес?
8 «б» баягъи ил белхагар ХIясан левси класс сабри.

– ГIяхIси саби, Къурбан Къурбанович. Риус.

Раисат чула класслизи аркъули чераибу, се биубал ХIясан дарсличив аги.

Дарс дарган мезла литературала сабри. Сабирли сунела учитель вирухIе-
ли, чула класслис бурибси къянала хабар бурес рехIрихъиб.

Рахли ца замана классла унза гъаргиуб ва илабад Пушкиннагъунти гъез-
ли бакIиси ХIяса бекI гъаббакIиб. ХIерикIулри ил учительницачи урехи ва
цазаманализиб тилади бухIнабси хIерли. Раисатли буруси тIашаиб ва сари-
ра, се биусил хIебалули, иличи вякъризур. Раисатла школализиси челяб-
къла белгибурути, чум секунд дикибал, дикиб.

– Кайи, ХIясан, – дурабикиб илала сунесра хабар агарли, селра биубси
агарсиван паргъатли, – сен къаниубри?

Таман, илала гIергъи Раисатла дурсрачиб арцурси тIентIла тIамала бакъес
вири, бахъ дебали илкъяйда зугъаси лехIдеш сунес хIейгахъули риалра.

II.

Чита сегъуна-дигара миллатунала халкъ хIербируси шагъар саби. Раисат рашуси Читала базар хIябал бутIаличи бутIибси саби. За бутIа Геннадий Алексеевич бикIуси урибси хъулкили бекIдеш дируси къачагъунала къукъяла арилизиб саби, за илгъуна – цархIил хъулки Вахтанг Григорянни бекIдеш дируси, хIябъиbil – Китайла саби бегIси Триада бикIуси къукъяли. Лебсири ишаб чечентала къукъяра, амма гIергъиси замана иличил сен сабил селра бикъули ахIен.

Базригантала арц дурчес ургабикили къачагъуни гъаман цаличил ца бирхIули бири, цали ца тIунтIриван кабуршули. Кабуршалра вайнукъяби камбикIули хIебирар. Чус саби къачагъуни базарла охрана сарра бикIули бирав. Базриганти биалли илдас рэкетерти бикIар. Сабирра Раисатра Раисат рузуси мерличи гъамибиуб. ГIур бицеси гIягIнибикалли, Сабирли ил саби хIербируси Жанна Ивановнала хъулибад лебху. Мурулра рурсира ил къачагъунани важбикIуси шагъарлизи сабукес Раисатлис дигуси ахIенригу, гIямал бетарули ахIенри, илди чехIебиули сунесра анцIбукири…

ИшбархIи Раисатла гъалабван ахIи имцIали гъарбизес гIягIиниси саби. Даг бархIехъ иличил Кавказлизибадти кIел жагъил илала хIябал миллионна вачарла мас арбухес вягIдалабиубти саби.

– ХIерая ишди хIуша дикIути гIялагъажа, – разили иб Раисатли, гавлагла хъвар ибхъли. Нуни ишдачи чебирхъуси халаси-декIар багъа лебси ахIен.

Сабирлис илди адамти сен-сабрил чебаимбадан гIяхIхIебизур. ГIяхIхIейзур илдас сайра. Сай чеибхIели, илди секъяйда багъесли барсбиубал илини хIясибариб. Камси замана пикрибикIули кали гIергъи, кавказлантани Раисатла мас сасиб ва, багъара белгибарили, арц дурасиб. Арц целофанна шаласи къачIализи дергурлири. Тавра илдани Раисатлис гъабуциб, амма Сабирли гъалайкили ил сунези сасиб. Иларты арц, дурасили, дейгIун. КIинайсра дейгIун. Лерилра хIябал миллионра кIел азир къурушра лерри. ИмцIати арц декIардали, илини жагъилтас гъадуциб.

– Ишди имцIякъ сари.

– Гъари, гъари, – къабулхIебикиб жагъилти, – диха нушази нушани дуйгIехIену.

Чули дейгIра дейгIи, жагъилтани арц чардарили Раисатлизи дедиб ва, ха-барили гавлагра, къалабали батихъиб. Селичилра шакхIерикибси Раисатли хIерхIеили арц кисализи къуздариб.

– Арцличи хIеръя! – иб Сабирли. – ХIеръя се лебал таврализиб.

– Цугли сари, цугли. ПикримайкIуд, – ил паргъатибули, пишряхъиб Раисат.

– ХIеръя арцличи! – гIасиикIес вехIирхъули, гъатIира ахъли иб Сабирли.

Раисатла ЧIярра илис гIелабад дурабикиб. Хасмушуни ганзличибад дуцIичи шурбухъун. Сабирра илдас гIелавад дуцIухъун.

– Таш! Чиналра архIякъядая, нажасуни!

Жагъилтас ил гIевваиб, машиналичи кабиэс балбизурхIели. ГIерраиб ил-дас Раисатра.

Жагъилти гIасидиубти хуриван гъугъбухъун:

– Чардарая арц эгер гъар къурушлис доллар хIясибли чардараҳъили хIей-галли.

Се биру? ЧархIедарес гIямал аги.

Чула арцра сасили, Раисатли, чеди чумал къуруш кадихъили, бухIинала кагъуртани бицIибси бергараг хасмушунас чарбариб.

Сабир гъачамлис жагъли сай, сари биалли шуцали дусличи гъамрикIули сари. Илала жагаси, сайван жагъси хъунул лер, сунела биалли иличив виштIали ахIенси урши лев. Секъйда вирусира илала уркIи сархес? – Хъунул Дагъистайзи рархъили, Сабир сайцун калахъес. Лебсигу урусла бурала: «Хъунул лац ахIен, тяйдиарес виарар» бикIуси. Амма цацахIели лац тяйдидарес гъамадти тяхIуртира диар.

Раисат мурталра Читализib, Москвализib дурхъали бицес виэсигъуна мас асес замана-замана Китайлизи рашули рири. Дебали сарерхурси хъунул адам сари ил. Муруйчира ил сунечи сариван рирхур. Жанна хIеррируси шел дерхIла юртлизib хIербирути бахъалгъунти гамъя хъунри биалра, илдала ургав мурул ватесра урухIули хIерирап.

Жаннани балули ахIенри, секъйда ирзусил ил Гянд. Держлира сегъуналра асар бибули ахIенри. Халаси, ахIамъки къарька, гъуц иргънила шайчири абзанала Россияла гъаларла чемпионка – илини держла шайчибра, барх абзикалли, хIябал мурул адам кабиркахъу. Жаннала лерри ца юлдаш Полина.

– Батигу паргъатли ил хъалибарг, – рикIулри Жаннази Полина, – паргъатбиаахъа уркIи. ИлдикIун талихIчебли саби. хIед бунагь биур. Яшавбарес дунъяла дубличи бакIили саби. хIебакIили я илди чехIебаили руэсра риради.

– Бурес гъамадли саби. ЧехIеили калунси риасри, гъайгъай, ГЯхIсири. Амма абитIи лайцун хIебакIалли, рибули ахIенра уркIи паргъатбарес.

– ВегIлис дигути лерилра секIал дирути диалри, дунъя жявлил тIутIу-виубли бургIумачи шурбулхъи, – Жанначил къабулхIерики Полина. –

– Юх, хIу серикIадра, ну дила талихI багъандан рургъус, – рарсирхъи-Жанна, – ил мурт ветаалра дила ветаар.

– Ца Аллагъ багъандан ишичи хIеръаягу! КIел дусалра виубли ахIенгу хIуни мурул хIяриихъила. Гъу, буаб, мурул агарли руэс хIерирули риадли, камлив ишаб хъунри агарти хIела Гямрула гамъаби?

Жаннас гъанбикib февральла гъану хIябра ибил бархIи Сабирра сарира дугели сабицун кални. Раисат рурсира рапх аррукили, Китайлизи аррякъири. Бержесра Сабирличил рапхрикесра багъана лебри. Жаннани шампанскоела шиша касиб ва Сабир байрамличил мубаракварес ил левси хъули ретацIиб. Селичилра шакхIейкIуси Сабир илис мурталраван разили гъуниваиб. Иличи хIерикIухIели гъанбикеслири ил адам селилра вамкъахъес вирусира или.

Шиша бацIбикIуцад Жаннара СабирличирхI гъачамличир гъачам хъячIикIулри. Ахирра илини Сабирла хъябличи сунела бицIибси някъ ка-бихъиб ва хъарбайб:

– Наб хIечи байдарес дигулра, асубирапу?

Сабирлис мурталра адам гъимукIахъес хIейгахъи. ИтхIелира илини Жаннала някъ мяхIкамли убасиб.

– ГъиммаруркIуд Жанна Павловна. Раисат нуни ручIахъули калунси гъаларла дила ученица сари, илис хаиндеш дарес вирхIейрус.

– ХIердикIехIе! – къасра гъимира гъудурси тIамаличил иб илини ва сунела гъалабси сибирлизирра рурибси палдуршанна жуз гъаргбариб, илизибси «хъунуйизивад мурул секъйда декIарварес виарарал» бикIуси белкI бакIахъиб.

4.

Түтүбүиуб бурибси чүмаси хүкумат. Детахъиб низам-зегъя. Халкъ, иличи баҳхъи карцли калунтиван, чула сабил пасадбires бехбихъиб. Викюсигу Америкала урибси писатель Джек Лондон «Адам жаниварли-чывад адамличи шурухъес миллионти дусми хяжатдикиби сари, адам ча-риубли жанивар ветаэс багъандан ца хули липла замана байбси саби» или. Бакиб замана хъулкнала, къачагъунала, хъямхъябала. Хялалти адамти хер-кабиклахъули, хъямбушиб хүкуматла, лебил халкъла давла.

Бакиб замана пенсияби, алапаби шушу-урег-урегал баз хелугуси. Чина-бичибалра вайтабикиб аги Сабирра Раисатра бузуси школализира. Чус се-гъуналра танбих хебирниличи таманни бирхути школала директор ва илар делопроизводительла хянчи дузахъуси шила юзбashiла хунул чус дигута биркъес бехбихъиб. Итира хилхи лугуси учительтала алапа къалпла ведо-мостуни дарили, байхъу-хъяшли бедлугес бехбихъиб.

Беги гъалар гъанхедуциб Раисатли. Дусла отпускра касили, ил итцадра сунес дигахъуси хянчира бархъбатурли, ил школализирад аррякъун. Сабир биалли калун, имцаливан риштаси рурси багъандан.

Раисат аррякъи гөргъи, бикиб дус. Директорлира юзбashiла хунуйра биалли гурра чула хярам барьудлуми даймдайлри. Илала дурабад, школализиб Сабирлис вайбизеси ца гъати анцибукъ бетаур: директорли сунела хунул Сабирли таманбарибси факультетлизи заочно ручахъес карерхахъур. Карерхни, секъядыа карерхур риалра, селра ахенри, нагагъладан директорли Сабирли дикити дурсри чердяхъили сунела хунуйис дедес къасхебарбси виалри. Сабир бурес хейесли гъясивиуб ва ца дарсалра чеббяхъили хевъус или чумали кайзур.

Директорла бархбасуни гъайгъайра, Сабирлайчир дахъалри. Районнизиб, Мяхъячкъалализиб илала баҳъал юлдашуни, тянишуни лебтири. Сабирла хянчи ахтардибараҳъес илини районнизивад сунела юлдаш инспектор ваклахъиб. Сабирлис ил сен сайрил мурталра хейгахъи. Гъаннара ил сунес гъяхъибес вакибси хейъни Сабирли балулри.

Директорра инспекторра илала дарсличи бакиб. Дарс дарган мезла граматикала сабри. Ца замана инспектор сен сайрил партабала ургавад къунзухъун, дурхинала гъала дяхъябити тетрадуначи ярга-яргали херикескай-иб. Гур, директорлихи херизурли, пишахъиб, сунес гелавад ил ваклахъес лишаньбарили, селра хеили класслизивад дуравхъун.

Вайси барес умциусини ил селра агарихъибра бургу.

– Дурхинала сегъуналра багъуди агара, – учительскаялизиб лебил учитељти цалабикайчи уили, маймайируси хъяшачиван чевхъун инспектор Сабирличи, – ил секіл дурхинала тетрадуначи херъибхели багъесли саби. секъядыа, чина ва сен багълабирнила ишараби кадалтутил илдала аргъайзи-бра агара.

Сабир мурталраван паргъатли калес, сай гъясивиъни хебагъахъес къай-гъилизиври.

– Дурхини-дурхини саби, – паргъатли иб илини, – балуси секілайзибра ца-цаххели хатла бибули бирап…

— Юх! — гъясили къябдердахъиб инспекторли илала гъай. — Балуси ага-ра илдани. Илдани ахъенну хунра лебсигъуна ахъен балуси. Балули виадли бура чина ва секъяда кадалтутил предложениелизир точка запятая!

— Нуни балас, — гурра паргъатли иб Сабирли, — гъягъиникиби мерличиб буресра вирус.

— Юх! — гъясидеш дигъянбарес хейрули бибгъянси ружерлизив зерзепикъулри инспектор. — Ишаб бура леблалра гъалаб.

— Буришав гъати?

— Балули виадли бура!

Сабир инспекторличи гъамиуб, амчурли гидгариван лугъянси илала бекълизи ибан тулли къутъбатур.

— Точка иша саби кабалтуси, запятая — хела гела!

... Районнизиб Сабир сегъуна хянчизар саял балусири. Хянчиличивад ил арякъи хейгули, гъяхъадхъи тиладибикъули калун, амма илдигъунти аги-къядализив узес илала гур сабур аги.

5.

Вайта къабулраиб Сабирхъя ручан шуибил классли. Чула шилизиб-ван цабалгунти ахъенри ишаб бучанти. Шилизиб леблинра цали ца бала. Читализив биалли цаличиб ца чедибикес, класслизир бекъдеш дарес къац-гъилизизири. Заира къантъити хъял-табигъялта жагаси рурси сарри. Нешли Китайлизи рукихъели, илабти халкъ «классива», «классива» или иличи чеб-хъебердили хъербикъутири. Сен сабрил дуцъбухъя халати муйлира хъунрира иличи къячбиркутири. Чула шилизиб бурули бирар, эгер къел адамла ургавад хъябъибил арукъялли, къилалра жагадеш хъябъибли арху ибси. Белики, Китайла халкълара лебли бургар илгъуна бурала яра бирхауди.

Рурси имцъали нешаначи чеалкули бирар. Заирас биалли дудеш имцъали вигахъи. Белики, илкъяды бетаурси неш шилизирад сунес регъла гъягъиниси замана аррякъунхъели бииши.

— Илала архъерукъес гъямал аги, — нешла баркъуди марбирули викъули вири дудешра.

Илис хъу дебали ригахъури. Нуwanra ахъи, ил хъед гъатъиралра гъяхъиси сари.

— Гъяхъиси риалри, хъуван илра дила мякълар рири, — хъулбазир нургъбачил жаваб бедлуги илис Заиралы.

— Сен цархъилти нешанала чиналра хъябъакъи гъямал бетаруси?

Гъе, сари ратурли неш дура аррукънила асар рурсила уркъиличибад ма-жакъят арбукъес.

Лев Заира ручуси класслизив Гарик Степанян бикъуси ца учан, лебта-чилра чевашуси, лебилра бучанти сунес мутигъли бихъуси. Гъачам школала гъалабси кабухъниличир карухъунси Заирала ряхълизи сегъуналра сабаб агарли хункъ бяхъиб. Рурсила хъулбазирад ца пархдухъун. Сен дудешли бурутигъунти ахъентив адамти? Сен илкъяды гъимичети, гъясити сабира?

— Чичилра къалмагъар хъедарес къайгъи бирен, чинаралра имцъа ма-рулхъад, — гъякълума угъули вирап дудеш.

Амма рахли къиян бакъалли, дудешли сари рирхъяхъесра бурсирарибси сари, Читала шагъарлизизи каратэла секциялизи редибси сари.

Заира гъакIрухъи ва, бяхълизи лебил къаркъа цАакъ кбихъили, чебадли Гариклис бикахъиб. Гарик начиван Чябарличи герухъун. Къянкъубазирад хИи кадухъун...

Илала гЕргъи Заира дурхIнани паргъатли ратур. Класслизиб илала халаси хIурматра дакIубиуб. Амма рурсби. Рурсби имцIали гъимичети саби. Чебулхън кIиkIили, хIяб-хIябли. Илдзирад регIла диргаларулхъуси, регIла гъимикар, ца класслизир кIибил дус калунси Падерева Настяри. Гъачам переменала замана, хапли, сегъуналра сабаб агарли, ил Заирала хъуцIарлизи къацIрикун. Заирас дунъя цIяббиуб. Юх, рисириэс сеналра асухIебираар. Гъанбикиб илхIели сунези дудешли гIеббурибси ца гIямал. Наствля гъез дуцили, тямхъдариб ва канилизи шали къукъа бяхъиб. ТIяхIрухъунсиван, Настя Чябарличи арцур. Рурсби дежурная учительницани декIарбариб.

Бахъ анцIбукуыгу илис иш урхIла дунъяличиб! Се вайси бариба сунени ишаб чисалра? Илис Крыловвла «БецI ва мукъара» бикIуси баснялизиби бецI гъанбикиб. «ХIу гIяйибла бегI сабри, – бикIули саби ил мукъарлизи, – наб хIу бергес дигни багъандан!» Юх, сари ишар «мукъара» ретаурулхиIе-уар.

Дарс, бикили гЕргъи, Педеревара, кIел гъатIи рурсира сарира, гъамриуб:

– ЖяIял хIябал сягIятычиб нуни хIед школала гъалабси диркъбикличиб «стрелка» чебиахъулра, – иб Нястани. – хIеракIадли, лебил школализиб хIу урухтус сари илил хабар тIинтIбираар. УрухмакIуд ишди хIечил хIебирхIур.

6.

Базарличиб се-сабрил гIягIибили хапли хъули ракIибхIели, Раисатли Жанани хъумартурсирил, ахIи балу-балули батурсирил «мурул хъунуйизивад секъяды чевасес вирапа?» ибси белкIличил гъаргбарибси бяхIра сабира жуз чебаиб. УркIи ца гIяжаибси тIягIямагарси хIяйчи бикиб. Жанна Ивановна Сабирличила Раисатла сунечи гъимидухъесли гъайрикIули рирап. Балу-балули илкъяды гъайрикIусира, ахIи илала сегъуна биалра къас лебара? ДеркIибти гIямруличи хIерхIеили, ил гъачамлис ункъли лерал, жагасира сари. Сунени дучЧути жузазибван муйли хъунрас мартили калниличи Раисат, хаслира сунени гIямрула мягIна багъурли гЕргъи, ташмишрикIулри. Хъунул адамтани илди биргIябиргести дахъал гIямултти дала, я цАакъагартала гЕрдиру, я илди агарли бузэ хIебирантала гЕрдиру, я хъунул муруйс сегъуна риэс гIягIинисил илдала гIяхIтигъунти шалуби сипатдиру, чузир илди бекI-лил хIедиалра. Мурул адамтала биалли илди макру диъниличи пикрибухъес гъарилла дагъри хIедиур.

– Паргъатси кIавлизир шайтIунти дирути сари, – рикIули рирап Жанна Ивановна. – Муйли лебилра цагъунти биар. ХIела Сабирра малаик ахIен. ДугIли рирхулри хIу иличи илкъяды...

– Наб хIу чиналра набчирад аррякъи хIейгахъаси, – Раисат шилизирад аррукъес гъалабси дуги ибсири Сабирли. – Дунъя селалра мягIниагарси, гъудурси бетаурли саби, амма хIед шилизибра къиянни бирни балулра. Ну хIечи набчи нуван ахIи вирхулра. Сеңад или биалра, багъи, хIу аркъуси базарличиб нушала шила, районнизиби нушани балути бахъал адамтира тебти саби. вайтала мухIлуби гIекIес хIейрар. Селра агарихIибра вайси ибси баргес умцIути камхIебираар. ХIу мягIкамли рии...

Чиди саяра илдала ургав «шайтIан»? Се чебаибара Жанна Ивановнани Сабирла балхIебикибси?

7.

«Хъунул адамлизивад бебкIализивадичив имцIякъ чиналра викес хIей-
пар», – викIусири уруслы писатель Максим Горький.

Се бирусира Жанна Ивановнас: секъяйда черриркахъуси ил сунечирад? «Хъунул адамти шайтIунтала спецназ саби мурул адамтала ургала тIутIу-
барес бузуси», – ибти МяхIячкъалала хала мижитла имамли дурути гъайра
бекIлизир ласли дашули сари. «Сецад ишаб хъали баргес гъамадли хIеби-
алра, Жанна Ивановначир гIур калес асухIебирап, – пикриикIулри Сабир, –
Раисат набчи ташмишрикIахъес умуси, хIялалси уркIиличи загъру кертIули
сари.

– Ну агархIели хIуни сен Жанна Ивановнара Полина Денисовнара берке-
си барили балхути? – Раисатли хапли гибси суай Сабир дагъвяргIяхъибсири.

Беркала сунени бирес Сабирлис мурталра дигахъи. Школализиб кIелра
бузухIели, чидил илдала дурсри агарли акъули виалра, беркала илини бири
бируси. Сегъуналра уркIиличиб хIегъ агарси Сабирли, Раисат Китайли-
зирхIели, сунени дарибти хинкIи урус хъунуйсра духибири. АнцIбукуь ил-
къяйда кIиуркIдешличи щурбулхъан или чис хабарри?

– ХIуникIун нушала гIядатуни далад, – мариэс къасбариб Сабирли, – ве-
гIли бариси беркала мякълаб лебтасра гъахIебуцили вегIлицун секъяйда
букуси?

ПирххIеур Раисат.

– ИлдикIун Сабирли нуша мурталра нушаб хIейгули хъалли далхули ди-
рехIе. Нушала къям-кIуцIулра ицули сай, – бикIи.

– Илра бархъси саби. Держли абдалбарили, иткъяйда къям-кIуцIулра сари
лерличир датурли урус хъунри кабихъунхIели, чус цIахбизахъес багъандан
дирцибири гъачам.

Ташмишдеш уркIилизи хъурадиубси хъунул адам гъамадли рирхаахъес
хIейрап. Мариэс сегъунти далилти дурадлира ташмишъала гъатIира имцIа-
дикIули дирап, хаслира Жаннван урга зели писикIуси адам виалли.

Мурул-хъуна ургала гъачамличиб гъачам вайбires бехIбирхъулри. Раисат
сунечи илцадра дирхалаагаррирухIели, Сабирра гIясиирес вехIирхъулри.
«Сен ну мурталра мариэс гIягIиниси, нуни бариси сегъуналра хатIа агара
биалли?», – пикриикIулри ил гъаннара. Дивайчи хъаркайхъи жузли учIули
хъалли, иргъуси мягIна аги: хIулбицун сарри жузличирад дуцIдикIути.

Кухнялизирад держли бужути урус хъунрала тIама-гъама Сабирличи че-
дихулри. Полина Жанначир шанглаб къулсаличир имцIа-камрирули хIери-
ри. Раисат базарличир сарри, рурси – школализир.

Сабир жузани вяркъурси адам сай, уркIи хIялалси, къалпдеш агарси.
ГIямру биалли декIарты сари. къаршидиркули сари илар сегъунти-дигара
тамяхIкардешра макрура. Илгъуна адамлис нушала замана хIериэс гъамадли
ахIен.

Хапли хъа унза къяли-къяйчи гъаргдиуб ва илаб Жаннала зурбаси къар-
къала дакIубиуб. Чучи арицIухIели илини гъачамалра къутIдирхъули хIери-
рап. РакIесра рирап ил мурт-дигара: дигалли гIянручI, дигалли дугели ка-
бихъунхIели. Ил бирусира мурул-хъуна ургала буэс сабни Сабирли балулри.

Иш яргалис Жанна арацIибхIели, Сабир ахъиэс валкъхIеур: Жанна иличи
сунела къурбанничи жаниварван чIумали черикиб.

– Дила гур сабур агара! Гъалакли шивківрухъун ил. Ну хечи карцілира. ХІу дила сайри, дила!

Щакъ биалли илизіб чизибсигъуна-дигара лебри. Сеңад ибкызурули хвалли, Сабирла ил сунечирад урасес хейрули гяхінадхі калун. Жанна убикиси мерличи байрикіулри. ХІял бакібсиван Сабирла палтарлизи къябрикіулри. Ахирра Сабирли ил снечирад қашалрашиб ва... илхіели бегілара сай хеңли ахіенси шайчидяхі лерил секіләт ласдухъун:

– Се биурлар хінуни, хіяжар! – хапли циркіси тәмаличиштіңірек ряхіліб Жанна! Хіела нешгъұна нұ цахрирулрав? Күмекбарай! Ратахъабая!

Үркіхъунси Сабирли бекіт ахъбуцес вакыхіеурул левай, гъарғыс унзала рухінарад бебілала рангриубси Раисат ва илала къакъла гелар ташси Поплина чебаїб.

8.

Марлира адам уркырахъуси гімрула илдигъунти балагъунани ургар. Севан . се мурадли хеңнериуси сари ил анцибукъла геңгъи? Сабир, сунела бегілә гяхіси учитель, сунес жанван дигахъуси мурул илгъұна уилив? Биэс бириусив илгъұна!

Кахси муэрлизир детауртиван дилзули сари Раисатліс илди хіяждеш, амма муэрла ахир агара.

– ХІу гур набчи рирхіерни балулра, – бекіліл мариэс къасхібариб Сабирли. – ишкъаяда гур хеңріс хейрус. Ну шилизи ч арулхъас. ХІу цакъиси хуунул адам сарри; чинар риадра хеңкәрируд. Итцадхі набчил рарх кални багъанданра баркалла. Хеңчил дарх нуни жагати, разити гімру деркіира. Рурсилис биалли хед дигуси бирехіе.

Сегъунти кібяхіяндеш! Щахалра хеңбилзули! Ругбяхъили убілчебиуబ Раисатла дунъя. Беткахъиб талихі. Ца дұхуси адам викіули уили сай: гімрула вайти манзилтира мяхікамдарай, сенахіенну илдира гур چархіедулхъан или. Сеңад валкіли саял ил! Се дирути چардукъи илдигъунти деңгәнира шишимтира?

Раисатліс иш дунъяла дубличи сариус или бекіліл гъанхіберки. Амма вачар-чакарла дунъя яшавла гінізгъұна буили саби. Москвала ил рузуси Марфинола къалтингінталы базарличив чи къаршихіейкиба сунечил? Қацахіли, къалтингі камли исуси замана, илди чеблалис лугесра چевкъули биарар. «Нушакіун бусурманти сарра, рузи, – бикіули биарар илаб арц агарли къалтингі ардухес дигути. – пикририкілес хіяждеш агара»

Амма бусурманти биарар ишаб бегілә макрула, сегъунти-дигара урези-хіяя агарли, ламартдеш дарес хіядурти. Риргіякариуб Раисатра Читализирад Москвализи чеблалис авциләмиillionna къалтингінталы ардухиси чечен хуунуйс. Къалтингінталы базарла бегітани арцличи башули Раисатла гімал буахъун. Илдас дедес биалли Раисатла арц аги. Хіера, ил багъандан чебуркъубсири илис Читализи ракілес.

Арцличила гъайалли чечен хуунул Зубайдат Раисатличи сунени, Раисатли, илис арц дедес гіягіниливаң гъямбикіуси хяван черулхъи. Ил шилтахъіериубси риалри, сунени ташкаиби къалтингінталы арцличир кійнали, хіяйнали имциләми арц дарес рири. Амма леб адамтала журға, къиян агарли ца гъакіли белкъес дигути.

9.

Заира дудешличи цУдара хІулбира ахъдуцили, замана-замана хІеррикІу-ли сари. Се сабил биубсигъуна саби дудешлис гІергъиси замана; илкІун декІарси вири – мурталра разиси, мурталра масхуртар. ГІергъиси замана илини сунес я далуйти дучЧули ахІен, я багыраби хІедурули сай.

Хабуртачи лехІихъахъес дудешли Заира гъай хІедалули лерай бурсира-рибсири. Гъаннара дудешли дугели хабар хІебуралли, илис гъанкІ хІякъули саби.

– Дудеш, – зузрикІулри цакъайда Заира дудешла някълизи, – гъайикІенгу. Баладу ишбархІи хІябал рурсили наб «стрелка» чебаахъиbsи саби.

– ГІе, гІе, – иб Сабирли, пикрумазивад вердес хІейрули.

– Се?! – хапли даиб илала гъай Сабирличи. – Се ири хІуни?

– Ну ишбархІи рурсбачил «стрелкаличи» аркъусира.

– Къачагъунала тахІяр-къайда! ХІебиалли школабазир бучІантала ургарра илди тІинтІдирули далан!

Заира шуибил классизи рашули сари ва сунечир кІел-хІябал дус халати рурсбани чучил ряхІяхъес жирирули сари.

– Се рикІусири хІу рикІалра! – таманни гІасивиуб Сабир. – «Стрелка-бикІун» къачагъунани мас ургабикили цали ца кабуршес дирути сари. ХІура къачагъив гъатІи?

– АхІенра, гъайгъай, амма ила хІерукъясли, школализиб дила хІурмат хІе-бирап.

– ХІякъяд хІу чиналра. Аргъирив? Нуни ирзис ил масъала.

– Дуде-еш!

– ХІякъяд викІулра! Таман! Нуни бирис хІушала директорличил «стрел-ка»!

– Дудеш! Илкъайда асухІебирап.

– Диур! Дати гъай. Се-bialra пикрибиreichІe.

Школализи рурсира рукили, директорличира гъаввакІили, рурси сунези гІярзрухъниван бетхІеахъурли, масъала арзахъес пикрибариб. ГІур мурталраван базарличивхІ ватихъиб. Амма ила укъес Сабирла ишбархІи иштяхІ аги. Илис цунухъес дигулри. Жанна Ивановна ишбархІи хІянчилар сари.

Сабирли мурталра бузахъуси низам ишбархІи букубуун, хъули аркъукад гІяркъила шиша асиб. Кинобазир децI-шишимти держли ихъути анцІбукуни чедиахъухІели, илис хІерикIес хІейгахъу, амма, сунела вегІебш, бахъ вай-тІагу ишбархІи уркІилис!

10.

Някъ агарра ишбархІи мурталрайчив хІяйзив вайтІари.

– Ил цУдара хІ...ла вегІ ну виргІявиргес бикиб или кайибси сай. ХІуша-зи хъарбарибси мурт бекІибуруси? – гІасили, цІацІадариби цулбала ургавад викІулри ил.

Илала гъалаб тІашти Клещлира Ювелирлира чула вегІбекІла хІял-тІаби-гІят ункъули далутири.

– ХІуникІун хъарбарри хІянчи «шинкІадеш агарли» таманбараҳъес. Ил-багъандан нушани илала гъундури, замана буркІнила тяхІурти, хІянчилар низам белгидирулра.

– Ил, гъайгъай, гІахІси саби, – къабуликиб някъагар, – сен саял ил цУда-

ра хI... ла вегI наб цархIилтиван вайхIейзур, амма замана бали саби илра сунела мерличи катес, сунес бехIемцI хIебиэсли. И л секIал нушала тяништира тиладибарибси саби...

Клещлира Ювелирлира Сабирла гъундури ункъли дяркъурлири. Балулри ил цархIил хъали баргес умцIули виънира. Марлира гIур саби васвасбикIес сабаб аги.

Къачагъуни Жанна Ивановна хIерриуси кIиибил дерхIличибси хъа унзаличи гъамбиуб. Клещли гIябли адилтIуси биштIаси гъаликI вайлиубад дурасиб, амма ил гIягIнихIебикиб: Ювелирли сунезирти умхънала халализив халтIухъи гIягIиниси умхъу баргеб, гIябул абилтIесичиб гъамадли унза ахбъиб, ва къачагъуни хъули бухIнаберхур.

Китайла дазу ихъухIели, ца адамлис илабад кабухахъес балтуси ваяхIла чIянкIли шуцIали килоцун бирап. Хъулиб къачагъунани арбухес халаси секIал хIебаргиб: дабруми, сягIятуни, биштIатала палтар, цархIилти диб-чIянкъяш. Къачагъунани къалабали гIялагъажа дучиб ва арбукъес хIядур-биуб:

Ил замана хъули селичилра ташмишхIейкIуси Сабир ухIнавхъун. Сунела пикрумази гIелайкибси илини унза чили ахбъибиилра пикрихIедариб. Нешличи Жанна Ивановнала уршира вашули вирап. Илизибра лебси саби хъа умхъу...

Сабирли чIянкIли Ювелирцун сайри чеибси: Клещ цархIил хъулив левни илини хIебагъур. Сецад вирхIес балули хъалли, Ювелир илини тIашии, амма хапли гIелабад бяхъибси кахси бяхъли илала аргъала дуахъун.

– Ахмах! ХIезикIун бурибиси «шинкIадеш агарли» хIянчи таманбараҳъес! – гIясили чевхъун Ювелир Клещли. – Къалабали лерил гIялагъажа чула мерличи чардара! Ца буребала бехIцадалра секIал арбухес асухIебирарап. ГъаликIра бушкили, илала михъирличи кабихъя!

11.

Ягъари, се балагъ сабира ишбархIи иш сунечибси? Илкъаяда вегIли вегI гIязабуркIнилизибад сегъуналра гIяхIдеш лебсив? Селра барсбирусив? Чу-марис, секъяда хIерриусил челябъвализир, иличила паргъатли пикри-рухъес гIягIинили саби: ишбархIиличибкIун дунтъя таманбируси ахIен.

Амма агара Раисатлис паргъатдеш, сецад сунени сари паргъаттарес къасбирули риалра. Иличи ургIебли, вайтIа саби илис гъачамличиб гъачам.

Бирхарули ахIен Раисатла уркIи ил кахдешличи, лерил секIал сунени сунела хIулбани чедаиб диалра. СабиркIун сунес мурталра сари илисан ахIи, имцIали гIяхIиси вири. Сари селичи хъулрухъалра, сунела мурад бири.

Раисат хапли, сунесра хабарраагарли анарханарриуб. УркIи ца тIягIя-магарли, тярхIбикIесбиб. Гергъиси замана хъалибаргра мякълаб лебхIели, селалра авара агарсиван гIямру дуркIуси иличи хапли ца декIиси хIял чебакIиб.

Мякъларси сунениван вачар-чакарла хIянчи бузахъуси герган хъунуйчи ласряхъиб.

Гъаригу, жан рузи, хIеръя дила масличи, – тиладирухъун ил, – се биалра кахси секIал биубсигъуна саби. УркIи ПIякъудули саби. Ца хъули гъарракIили, бусягIят чаррирус...

Мурул илини хIила кIавлизив варгиб, сунени се биурилра пикрихIеруҳъи, илала михъирличибси гъаликI ца шайчибяхI лайбакIиб, ва кахси чIярбяхъили, муруйчи черикиб.

Сабир хапли камси заманалис дагъриличи вакИб:

– Хъулкни, – иб илини къияйчил. – Гънналра рирхай набчи...

Раисатла тАама-гъамаличи лебил унруби чукурубикиб. БахъхИ-декIар кахIели бакИб или тухтуртира, гIур – милицияла хIянчизартира.

12.

Ардякъун чумал баз. Жанна Павловнара Полина Денисовнара мурталраван бужули кабиилри:

– Мар-марли хIуни хIебалули бетхIеур хIела хъулиб ит анцIбукъ, – рикIулри Полина. – РаисатликIун, сецад гIясили риалра, хIерири мурул кавшес. Илгъуна хъунул адам ахIен ил. Бурагу гънналра бархъли.

Жанна, селра хIерикIули, лехIкахъилри.

– Ашкарлигу, хIела абдал дигайла абдалдешли хIуни илдачи вайнукъяби бяxIчиаилри.

Жанна хапли рисирииб.

– ХIукIун хIела хIаяли гIямру кадерхайчи паргъатли хIералтари, – даймириуб Полина, – селра гIайиб агарси хъунул адам гехIел дус деркIахъес туснакълизир ралтаду?

– Чили сабри балуси илкъяйда бетарни? Нуни къалли някъягарлизи ил кавшахъя или хIебурира.

Жаннани кIелра някъли бекI буциб.

– Агъ, дила Аллагъ! – урехиличил Жанначира хIерикIули, иб Полинани, – Сегъуна руилри хIу? Сен нуни судличир бикъридеш дарибтирира Сабир хIечил Раисатлира нунира чевуцира или. НуникIун бурес гIягIисири базар-личирад ляркъуси Раисат улкъайларарад дура хIерикIуси хIуни чераъниличи-ла ва илала ургала балу-балули буэс багъандан мехIурриубсиван Сабирличи ретухъниличила, хIяжар сарра ну, хIяжар. Сен хIед дигутани риркъусира ну мурталра? ЖягIялал адвакатличи аркъехIе. Дархъли дурехIе гъар секIал. Бе-лики илини баргес гIямал нуша гъудурхIедарири Раисат дураэси.

– ХIу мехIурриублирив? Гъай агара, нуни кахси хатIа барилра, амма са-гали илди мез шикъдарахIелли, къачагъунани кIелра нуша кадуршура. Ила-ла дурабадра, хIед гъанбиркулив дело бикуси следовательли, прокурорли Раисат гIайибла регI хIериъни хIебалули или. Адвокатли бурни хIясибли, гъаликIличир Раисатла тIулбала къел ахIенти цархIилтала аги или. ИлхIели-ра Раисатли гъаликI бехI тIулба байлизибад саби буцибси. Илкъяйда буциб-си гъаликIликIун гIяхIли халаси цIакъла вегIлира адам вебкIахъесли бяхъес хIейри.

– ГIе, адвокат хIялалси, хIечи мешули ахIенси хъунул адамгъуна сарри, – иб Полинани. Илини судличиб чесиб Раисат дураахъес.

– МажахIят. Адвокатлис дедесцад Раисатла арц агара. Жявлли дурайу или гъанхIебиркур.

– ХIелара мурад ил саби. АхIену гъатIи? – гIасириуб Полина. – Лебил хIугъунти саби или гъанбиркулив? Дурайахъу адвокатли ил арц агарлира.

– Паргъатрии, – селра бетхIеурсиван иб Жаннани. – каса пигъала. Ил цIакъси хъунул адам сари. Дурагулхъан. РетхIейхъур. Нушаб биалли хIер-диэс гIягIили саби. ДалтехIе лерил лерси тяxIярли.

Журналистла дөмжани

Патимат ВЯХИДОВА

ЖАГАСИ ЧЕБИЭС БАЛЕС



*Глямру сариңун – я гІяхІдеш ахІен, я вайдеи.
Илдазир чузир дирути сари гІяхІра вайра.
Глямру – муртала нушани
демтаахъуртигъунти дирути сари.*

Монтен, франциялан философ

Бузерила бархIила гIергъи хъули чардухъунхIели, хъули адацIибмад, нушани къяшмачирад дабрира чархличирад ванати палтарра чердалтули дирехIе – илди хъулир дихес хIаяждеш лебси ахІен. Илкъядали нушани хъулиб абзур бархIила бухIнаб нушала рухIизиб акIубси ибкъдешра уббизахъес къасбирули дирехIе. Ил барес имканбикIулира бираг, бираг ил барес цАкъани хIедиуси заманарапа.

ВегIла хъали яра вегIла юрт – табигIятла аргъ-бархIила вайти шуртIра-зидад чузиб берцуди баргес вируси мерцун ахІенну, нуша илизир умцIули дирехIе берцудира, нушала къасани гIердуцнира, нушачи дигира, бирхаудира даргесра. Духути адамти саби, дурабад хъули чарбухъунхIели, илаб баргиби чула дурхIнира дурхIнала дурхIнира дигиличил кIапIбурцутி, камси секIал багъанданра илдас гIяхIси гъай бурес балути. ИлхIеликIун илдала уркIи хIаябалтули бираг.

ГIяхIси дев бурескIун халаси къиян кабихъес хIаяжатси ахІен. Илизибад биалли халаси пайда леб: саби бурибисилисра, ил гъай къабулбирусилисра.

Юртра хъалибаргра хъунул адамличи-хъа регIличи хъарли дирути сари, хъунул адамти хъалицIала хIянчилизибад урухкIули хIебираг, илди дигиличил диру илдани. Яра илдани хъалицIала хIянчилизиб бузухIели саби бамсурли биъни хIасибхIебируг. Сунела дурхIнира мурулра багъандан хъунул адам дугили хIерусули руэсра къабулприкур. Хъунул адамти чула дурхIнала арадеш калахъес, илди ара-сагътили бетаахъес булгули бираг.

Селичibalра нешлис дигуси – сунела дурхIни гIяхIти адамти бетаъни бираг, илдашиб сунени паҳрубирести... ДурхIни халабиур, илдазибад цабехI гъарли-марти, гIяхIти адамтилира бетараг, амма цацабехIти...

Гъалар нуша гъаман командировкабачи дубурла гъараҳти шимази булан дашули дирехIери, илхIелира халаси иштхIличил, сенкIун илар тамашала хъунул адамтацил гъанидиэс биркусири. Глямрулизир кадикибти тамашала

анцIбукуначила хъунул адамтазирад хабурти аргъес дирутири. ГIямру-
ликIун адам селичи-дигара вяхIигахъули сай, бекIил гънагарти ва сари
диэс дирап или гънра хIебиркути.

Ца хъунул адамли набзи ца ишгъуна анцIбукуличила бурили гънбиркур.
Ил дебали жявли биубсири. ИтхIели динна гIядатуни дузахъес урехиласили
бетаурлири. ВегIлацун ахIенну, гъмтала ва хIед дурхъати адамтала гIямру-
личира ил урехи чебетаэс биусири.

ИтхIели ца нешла кIел урши лебли буили саби. Илдазивад ца колхозла
председательли узулри, итил биалли шила Советла исполномла секретарь
сайри. Илди кIелра дигIянали булгуги буилри, дехIбала урдалтули буили
ахIенри сегъунти аги-къядализи бикили хъалли. Аллагълизибад дебали
урухкуги мъмин адамти буилри илди кIелра. Нешли, илди мяхIкамбирули,
илди булгуси замана хъа унзаличи мегъ булан чедирхъутири, хабарагарли
чили-биалра чебаэсгу или. Илкъайда варгибси адамличила гIярзбухъалри,
ил урцусири ва пяхIли ветихъахъусири итхIели.

Нешлис сунела дурхIни дебали дурхъати сабри, илдачи пахрубиусири,
илди бархъси гъйчи кабизурли биъниличи разилири, Аллагъла гъйчибад
башули чебиухIели, илала уркIи хIилнабиркъусири. Нешли дурхIни риуси
тяхIярли гIеббурцулри. ДурхIнара хъумуртуси ахIенри, дехIбала дарили
гIергъи, чула нешлис балга бирес...

Дахъал дусми шалгIердухъи гIергъи, рухънараиси неш декIси ва дар-
манагарси изайзирад рубкIулри. Рашес риули ахIенри, мурталра бурушли-
чир сарри, ил виштIаси дурхIяван ралхусири. Уршибира, илдала дурхIнира,
тухумтира рухънала гIямрула бурхIни кадурхули дийниличи хIерлири ва
ил ахиратла хъули гънирратес хIядурли сабри. ХIейгули хъалли, гIямрула
ахир сабиуси саби.

Белгиси замана шалгIеббухъунхIели, итцад декIли карихъунси рухъна
къулайкариуб, аризур ва къунзрикIес булан бажардиркуси ретаур. Сагъка-
риуб! Чилалра шайзибад кумек агарли къакъализи дурагулхъес бажардир-
куси булан ретаур. Се бетаурлирив илис? Илала дурхIнани, гъар дехIбала
дарибIели, Аллагълизи чула нешлис гIямрула бурхIни дедаҳъес тиладиби-
рули буили саби. АллагъликIун се-дигара барес вируси сай. Илини ил не-
шла дурхIнала балга къабулбарили уили сай. Илкъайда ихъули буили саби
дурхIна чула нешла гъалабси чебла. Хъумартурли буили ахIен илини чучи
дакIубиуси къайгъи – илиникIун илди булгуси замана дигIянали хъа унза-
личи мегъ чедирхъутири. Нешла дурхIначи диги илдигъунти дирути сари...

* * *

Нуша нушачила пикридулхъули дирехIе зягIипдикибхIелицун. ИлхIе-
лира ца ити. ИмцIали къакъадикIули дирехIе нушала бегIачила, узбачила ва
рузбачила, нушала муйлачила, нушала дурхIначила... Бухънаби къайгъили
алавбуцес хIяракатлизир дирехIе. Нушала рухI малхIямти сари, илбагъан-
дан мурталра чичила-биалра къакъадикIули дирехIе, кумекличи музадухъ-
ес хIядурли дирехIе. Нушаб дарсдирес хIяжатдеш агара, Аллагъли нушаб
арадешра цIакъанияра габ, нушала шайзибад кумекличи хIяжаттас икъалади-
рахъес. Амма нушани нушачилара хъумуртес асубируси ахIен, нуша нуша-
чира малхIямтили дирес гIягIитира.

ХIера нушала редакциялизи гIурра ца хъунул адам музарухъун. Илини сунела гIямруличила нушази хабар бурули сари. Сунела хъалибаргличила. Мерличиб арзили бекIбарес хIериуси суайчил нушачи музарухъи сари. Илала челукъуси сувал арзес я шила администрацияли я районна администрацияли-зити хIякимтани бирули ахIен. Нушала журналла редакция биалли къянити аги-къядализи бикибити хъунул адамтас кумекличи музабухъес мурталра хIя-дурли бирар. Нушачи бакIбси цалра шикаят яра хъунул адамла шайзидаси гIярза хIерхIебарии калахъунси анцIбуку биубси ахIен, хIятта лерилра суалти бекIдарес нушабра имканбикIуси хIебиаллира.

Нушачи кумекбараахъес мурул адамти дугъабизурти анцIбукуну булан диуб. Илди бирхули бири нушала журналла бекI редактор Фазу ХIямзатовна сегъуна-дигара сувал арзес ралрилзничи, баҳълис икъалариэс бажардири-кибси риъниличилара илдани балусири. Илбагъандан бири нушачи имцIали дугъабилзутира...

Нушачил ихтилатбикIухIели, кумекбараахъес бакIбти адамта лергIер тамашала баянти дури. Гъачамра илкъяйда музарухъунси ца хъунул адамли леб-гIеб тамашала хабар бурибири.

Илдала шилизир хIябал дурхIяла регI хъунул адам хIерриули руилри. Илала мурул цархIил шилизив узулри, ил унраличибси шилизив дугилира кавлути анцIбукуну гъаман дирутири. АлхIят бархIи ил хъалибаргличи сунела шилизи чарулхъусири, илхIелира дебали вамсурли, инжитиубсила куцличил. Мурталра хIянчили рамсаҳурси ва инжитраибси илала хъунуй хIябалра дурхIяра абилкъулри, чучил барх ца юртлизиб хIербириути муре нешлисра дудешлисра чебетаибси къулукъра биурлури. КъантIли буралли, лебилра хъалибарг илис декIси маҳли бетаурили.

Илини сунес кумекбараахъес чизилра тиладихIебири. ДурхIнира хIебалти селичилра къячбикахъес, илди се-биалра бараахъес хIебалти. Муруйсра ил разили гъунирии, гIяхIси хурег балкъаахъес чекаризурли рири. Амма ил хъунул адамли сунес сунени къуллукъири, сунечила пикрирухъес илала заманара лебсигъуна ахIенри. Арадешличира къакъарикIули хIерири. Дугурбазир хIеруси, бамсрихIейхъи. Ахирра ил хIянчили рамсаҳбур. ДекIли зягIи-прикиб, рагххIи бурушличир кахIели, ил таманкариуб.

ХIябал биштIати дурхIяра сайра илала мурул цунухъун. Ил децIлизив сайри. Амма ребкIбсила гъатIира халаси децIлизибри илини чебетаибси къулулкъири, калунти муре бухънабаибти нешра дудешра. Гамъа мурул дурхIнас ахIенну, сунела неш-дудешлисра къуллукъ барес бажардирикули ахIенри. Камси замана дикихIели, илини сунела дурхIазивад ца ребкIбси хъуна бегIтачи хIерараахъес ведиб. Илди унраличибси шилизив хIербириутири. КIибил дурхIя биалли, сунела гъамти ил бараахъес къиршили биаллира, дурхIинала юртлизи ведиб. Халасигъуна урши биалли сунечил варх ватур. Ил бухънабас кумекба-рес бажардирикули, бухънабас илини хъалицибра кумекбириулри.

Сай биалли цархIил хъунул адамлихи хъайчикайиб. Ил мурул вебкIбси гамъа сарри. Илала акIубти дурхIнира аги. Лерси нешла шайчирадси ца зизицун сарри. Шила адамти тамашабиубтири, ил муруй хъунуйс биуси халаси кумекличи ва къуллукъиличи. ИлданикIун ил гъаларла хъунуйс сегъуна вирусирилра ункъули балусири. КIибил хъунуйчил хIериуси ил, марлирагу, хIулбала гъалав цархIил адам ветаур!

Амма илини сунела хІянчи бархъхІебатур. Гъалав къядали, ил унрали-чыбси шила администрациялизив узулри, акъути бурхІназив вири шилизи чарулхъуси. Гъалав ил вамсурли чарулхъусири ва хъулиб бамсриихъусири. Иш яргалис биалли ил гІяхІси гъавличил вири чарулхъуси ва гъарил яргализив хъуливра узули вири. Илала кІиибил хъунулра бузери дигуси сарри. Амма илини хъулирти хІянчилизир бутІакъяндеш диражъес мурулра витІкІи. Илини сунес суненира чебетаибси къулукъ бирулри: гІяхІти палтар челгъулри, куц-бекІлизирадра чераэси сарри... Гъайла къантІа, илини сунени сунела хІурмат биресра балулри!

— Нуша нушачи секъяйда хІердикІули диахІеллира, цархІилтира нушачи илкъяйда хІербикІути саби. Нушани нушала хІурматбирули диахІелли, нушачиб цархІилти къугънабиркъахъесра къабулхІедиркехІе, дайм хІянчилизи дархилра или паргъаткахІедибули.

Ит талихІагарси нешлира сунени сунела хІурмат бируси риалри, асубири, илала дурхІни илкъяйда жявли цІуръахІебиэсра,- рикІар, сунела хабар таманбирули, нушачи музарухъунси хъунул адам.

Нуша тамашадиубли хІердикІулри иличи. Дубурла гъараҳъси шилизирад ракІиси хъунул адамли шагъарлизир хІердирути ва дахъял чедаибти-дагъурти, багъудиличи дегІдиубти редакцияла хІянчизарти илини севан вяшдикІес гІягІнитирал ва секъяйда нушаб нушани къуллукъбирес гІягІнисил руркъулри. Гъарли-марли, нушани декІти сумкабира ахъдурцули дирехІе, базарличирад чардулхъухІели. Хъулиб мурулра дурхІнира лебкъира, мебельра ца мерличирад итил мерличидяхІ къуждибули дирехІе, илдази кумекбарайа хІедикІули. Халакабайти дурхІнасра кумекчибили детарули дирехІе. Хъулри умудирантира нуша сарпа. Хурегуни дирантира, мурул адамти хъули чарбухъунхІели, хІядурси хурег ванабирантара нуша сарпа. Рархъли рикІулриги ил...

Телевидениелизирадра нуша бурсидибулра гъанкІ ихъахъесра, витамины дукахъесра, гимнатика диражъесра, къаркъала дяргІибти шинни баргурахъесра. Гъайгъай, лерилра илди секІай нушала арадешличи асархІебарили кахІевлан, цІакъти детаахъес илди нушаб икъаладирад. Лерилра илди аварализи ихъес къалли нушала замана биули хІебирад. Илда диркъескІун нушала даари цІакъанира хІедирад. Се биругтира нушани? Гъарил хъунул адам илдигъунти аги-къядализи рикибхІели, сунеласун вяшрикІули сари. ЦабехІли саби илпцадра ахъли къиматлабибули саби, хІятта разидешлис мурталра унза гъаргли дихІули саби: илди театртази башули саби, бамсриахъес санаторийлизи букъес гІелумбильзули ахІен, дурхъати палтар ва цархІилти матягІ талабдибули саби.

ЦархІилтани биалли ил бибули ахІен, сенкІун илди чучила ахІи, чула дурхІначила имцАли къакъабикІули саби, мурул къайгъили алсууцес гъазализизи бирад. Гъамтачилара хъумхІерту. Илгъуна бетуц чеббикІни багъандан илдачи гІайиб баресра хІейрад. Ил илдала дунъя саби, илгъуна саби илдала къисмат.

* * *

Нушала редакциялизи ракІиси цархІил хъунул адамлира ишгъуна хабар буриб. Илини бурулри, илдала унраличир хІерриуси ралликъянани секъяйда бамсриихъахъес сунес маслигІятбарибал. Илала унракІун гІямру деркІиси адам сарри. «Хъалибарглизир кадизурти аги-къядада хІисаблизи касили, ну хІеррирес муруйчи шагъарлизи гечриубра. Илар хІянчиличира

карерхурра. ДурхIнира школализи мерлабарира. Гъар секIал ункъли гъунчикиб. Мурулра гIяхIси хIянчи бикахъес бажардиикиб, гIяхIси алапа кайсулри. Нушала гъар секIал лерри, мар-марли гIяхIил хIердирулри. Амма ну дебали румсулри, я дугили я хIерили бамсриахъес биркули ахIенри, сенкIун мурталр нушачиб бахъал гIяхIли бири...

Гъачам дила унраличир хIерриуси Маша бикIуси гъести гIямрула урус хъунул адамли сунечил парх парклизи рукияхъес жирарира. Калунра илар ихтилатдикIули, къунздикIули. Илини парклизырти вавначи набзи пикри бяхIчиихъулри. Парклис гIяхIси къуллукъ бирули бийниличи ил разили сарп. Чумал сягIят калунра нуша илар. Гъайла къантIа, илаб нушани жагали замана беркIира. Ну хъули чаррухъес къалабарикIулри. Амма унрани наб сунечил парх кафелизира арацIахъес малигIтбариб. Кофелара бержира илаб. Ну хъули чаррухъес гъалаклири. Аризес ралризуррагу, дила ралликъяна рикIар:

-- Паш! НушакIун иса бамсриахъес дакIибтира! АлхIят бархIи саби. Ну шала дурхIни бахира, мурул хъулив сай, илини нуша чинаррал балули сай...

Ну сагали уталичи кариира, ралрикили кариира. Ралликъянани нушаб гIурра мороженноебира кадухахъиб. Нушани къалабахIедикIули, ил букулри. Телевизорлизирад паргъатти уркIи рахIятбирахъути музыкаличира лехIихъулри. ГIур наб бегIлара ригахъуси далайчи рагъарниуб экранничир ва пергер далай белчIун. Нуни ит кафера, илаб жагали бамсриахънира, наб бегIлара ригуси гIяртистли белчIунси далайра гъаннара хъумартурли ахIенра.

Кафелизирад дурадухъи гIергъира, нуша парккад къунздухъунра, дамсурхIели скамейкаличира кадибули калунра. Дила ралликъяна, сунечи сари дугъаризурли, нуни аргъесли гIяшши рикIулри: «Нушани кеп кайсулра! Ну шани вавнала тIем гъигъбиулра, къунзбикIути адамтачи хIердикIулра... Нуша-нушачи къайгъи дакIубиранти сарпа, нушани нушала хIурматбарес балулра!»

Исламли адамтас бамсриихъахъес къадагъабибули ахIен. ХIядислизибра бурили саби: «Дубурцен ва дубвалтен; усен ва бамсриихъен, гъарли-марли хIу хIела чархлис чеблалиув сайри». Гъарли-марли бамсриахъибхIели, адамла чарх рахIятбиэс гIягIиниси саби, рухI булан разидиэс гIягIинити сари. Исламлизиб баянбарили саби нушала чархла гъалабси бамсриихънила шайчиби чебла секъядда ихъусилра... Нушани нушала къаркъала иш дунъали-шиб сунес зарал бируги секIайзибад мяхIкамбires гIягIиниси саби, итил дунъализир иличи гIязаб бяхIчибизес сабабли диэсти секIайзибадра гъараҳъли бихIес гIягIиниси саби. Бамсриихъни лерилра къадагъадариби секIайзибад гъараҳъли биэс гIягIиниси саби.

Дила гIяхIси унра хъунул адамли ну бамсриихъахъес бурсиарира, илини сарри кам-гъамти секIайчи къакъахIерикIахъес бурсиарибсира. Илини мурулра нура акъути бурхIназир гъамтачи шадир дашахъес бурсидарира, илини сарри парклизи къунздухъес дашахъес бурсидарибири. Киноличи ва театрлизира илала сипта хIясибли дашули калунтири. Дусми ардякъун-хIели адамлис чина-биялра дуравхъес, укъес дигули ахIен, нуша имцIаливан нушала пикрумачил цунни кавлулра, кинолизирван хIулбала гъаларад мицIирдиубли шалгIердулхъути нушала гIямрулизир кадикили ардякъун-

ти анцІбукунуачи хІердикІулра. Муртрил хІу лехІихъули калунти далуйтаси булан халаси замана арбякыи гІергъира лехІихъес вирули уилри... Эгер гІамрулизир ягълавтира, шунгрира, къумрира, палтар ицнира ахІи, гІур гъандикести агарли диалли, духънадаибхІели нушала гъанбикуназир се диэс дирапа! Гъамтачилти гъунибаъниби, бамсриихъуси замана диубти ихтилатуни, масхурти... лерилра илдана гъести гІамруличи даибхІели ва цундухъунхІели нушаб халаси разидеш бихули саби, гІамрула разити бурхІни гъандиркахъули сари. «Эгъ, дила ардякъунти жагъдеш! Чинаррара хІуша гъанна?!» – дикІули, гъигъани адалтули дирехІе.

* * *

ГІамрулизиб адамли сунечи се хІерлил балули хІебирар. Илис се-дигара биэс бирап. Нуша хатІадикесра дирехІе: чинаб-биалра се-биалра имцІаси бурили, чичи-биалра асуҳІебирукъира бирхауди бихъили. Даширая нуша нушачи малхІямтили дирехІену, нушазибад кабикибси хатІаличирад чердурхехІе, гІур хатІа хІебарес ил гІяширли бетараҳъехІе, урехиагарли гІамрукад гъаладяхІ дашехІе.

Гіурара, нушала гъамтачирад диштІатира халатира вайдешуни черардикес къасбирахІе.

Ахирличиб за ишгъуна айтурса гъанбушес дигулра. Дудешли уршиличи анхълис къуллукъбараҳъес хъарбарили уили сай. Уршили чекайзурли анхълизиси дякъ умубарили сай, вавни шинни дахи сай, цацадехІ галгубала кІари булан гІягали сурқдарили, умударили уили сай. Амма дудеш илини барибси къуллукъличи къабуликили уили ахІен.

Уршили гІурра чуйнал анхълис къуллукъбарили сай. Ахирра урши анкълизив виркъули вамсурли сай ва дудешлизи тиладиухъи сай сунечи дебали чекатхІейзахъес. Дудеш илизи гІурра къяркъли викІули сай: «Анхълис илкъайда хІебирар къуллукъбируси!» Дудеш галгаличи гъамиубли сай ва кІелра някъли галгала къялуби чўумали дуцили сай, гІур галга виубцад цІакъличил гъакІарбарили сай. ИлхІели галгаличирити духъутІдиубти лерилра кІари ванзаличи пяҳІдиубли сари – гІебшнила гІергъити бурхІни гъандиркахъули. Ва алавчарси мер багъес агарли барсбиубли саби!

Илис анхълизиб халаси умудеш буили ахІенну дигули калунси, гъар секІал чула мерличир диубли дигули уили сай. Гъар секІа жагадеш илизиси саби бирузи.

Илра вегІли вегІлис къуллукъбарес бални иргъахъуси лишан саби.

* * *

Халкълизиб бурули бирап, сари багъандан къакъаикІес асубируги хІябал секІал лерти сари или. Илди сари: декІси изала, гъамти адамти бебкІни ва вайти дурхІни акІни. ГІелар калунти секІал биалли – «селра ахІен».

Нуни гъаннара бурес хІерирус, селичилла мурт къакъаикІусил, мурт – хІейкІусил. СенкІун гъарил адамла сунела хІял-тІабигІят, гІамрула бетуц ва дурхъадешуни лерти сари. ЦабехІ камси секІайчира дебали къакъабикІули бирап, цархІилти биалли илдигъунти анцІбукуназиб паргъатли калес ва сабурчебтили биэс бирап. Нуша нушазир акІубти урехиализирадра вайли-

чи шақдикІнилизирадра гІелумдизес дирули диахІелли, нушала алавчарси дунъя вавалибяхъес бира... ИлхІели нушани нуша дерцахъесра дирехІе, нушазибси бухІна цАкъ лебнили цархІилтас кумекбарес музадухъесра им-канбикІур.

ХIера сегъуна хабар бурибал нушази дубурла гъараҳъси шилизирад нушачи гІяxІлад ракІиси ца дубурлан хъунул адамли:

«Дила гІямрула цУдара шали гъаргбиубли саби или гъанбикеслии. Дудеш вебкІиб, илис гІеларад нешра шалгІеррухъун. Дила мурул декІли зягІипикиб ва больницализи каркъес чебуркъиб. ДурхІнани ну гІеррурцулри, амма илхІелира...

«ВегІла гІямрула бутІализирад декІлларрirkухІели илкъяйда декІли бирузи биъни нуни илис гъалаб балуси ахІенри. Илдигъунти детахълуми диубли гІергъи, дила арадешра дебали нукъсанбиксиб, гъаман зягІипиркуси ретаур-ра, тухтурти хъули жибires чевкъусири, капельницашиби дирутири, журал-журала дарма хъапІни дужули калунра, цадахъал уколти дариб... ЗягІиприкни багъандан дила уркІилис къабулси хІянчилизирад гІелумризес чебуркъиб... ГІямрула мягІна бетахъили саби или пикририкІулри.

...Ва хапли – шилизовиси почтальонни набчи шагъарлизир хІерриуси дила рурсили бархъибси кагъар хиб. ИтхІели ил шагъарлизир институтли-зир ручІулри. Кагъар дила уличи сабри белкІунси, конвертла чедира «някъ-лизи бедахъес тилади саби» или белкИири. Ну рурсила кагъарличи дебали разириубра, сенкІун ил нуни дусцадхІи чераили ахІенри. Мухчализивад кагъар дурасира: «Дила ахІерси неш, хIу дебали духуси сарри, хIу дила малхІамсира сарри, ну рирхулра хIуни дила уркІи иргъниличи ва набчирад черрухниличи. Черрерхи, дила ахІерси, набчил бетаурсиличила заманали-чиб хІези хІебагъахъни багъандан. Наб ца пергер урши гІяxІизурлири, ил цархІил миллатла сайри, амма дагъистанлан сайри. Нуша цалис ца дигахъ-улри... Ну дуцІрумла каникултачи шилизи ракІибхІели, наб дигусири гъар секІал хІези дурес, амма ну хІезирад урузиубра ва селра бурес хІериубра. ХIу итхІели итира халаси дардлизир сарри. Дила хІечи уркІецІидухъун ва хIу мягІкамрарири... Нушани ЗАГС-лизирра магъар дихъахъилри шаригІят хІясиблира. Ну дебали урухкІулри хIура дудешра нуша хъалладиахъес къа-булхІедиркудая или. Гъанна иличила гъайдикІнира дугІла биэс асубирав. Илала бегІта ну разили къабулрарира ва нуша гъанна гІяxІил хІердирулра. Неш, дила ахІерси, хIу рирадли набчирад черрерхи. Илгъуна бурги дила къисмат, илизивадкІун увверхес вируси ахІен, бикІар. БусягІтла замана би-алли дила къисмат ца хІезибад саби дигахъуси, гъалахили тиладибурула набчирад черрерхахъес... Нушала урши акІубли сай, ил гъанна баз виубли сай. Нуни иличила хIушази селра хІебагъахъурра, сенкІун дудешлизирад урухкІулри... Набчирад чердерхирая, ва нушачи гІяxІлад дакІирая».

Набчиси хІяйчила бурес булан гъанна къиянни саби. ЗягІипси ва ратагарси ну ахъли дукаркІулри. Ну итхІели талихІчерли сарри! Дила рурсила урши акІубли сай! Ил цаибил сайри! Ну хала неш ретаурлира. Наб илщадра гІяxІил биуб, хІятта изутачила хъумартурра, тамай къулайкариублира или гъанбиксиб. Нуни хабар бурибхІели, мурул вайси хІяйчи викиб. Ил вявики-скайиб: «Балагъ бакІили саби. Сегъуна цАхдешал! Нуша адамтала хIулбази секъяйда хІердикІес дирутира? ИлинникІун лебилра нушала жинс цАхбарили

сари!» Амма нуни иличи някъ гъакІбарира. Иличи пишряхъили хІеризур-ра. Ну тамай сагъриублира ахІенри итхІели, цАкъани камли сарри. Се биу-блири гъатІи набчил? Сен цУдарси наб цУбли гоанаурсири? ВайтІа чебаэс гІягІниси секІал, Аллагъла шайзидадси савгъатван къабулбирулри нуни. Ге, набчил биубси Аллагъла шайзидадси савгъат сабри. Цалис ца Гелабад дила уркІилис гъамти адамти гІямрулизибад арбякъири. Гъанна биалли дила рухI Аллагъла шайзидадси ил савгъатли разидарилри – наб сагати гІямру гилри. ГІяхІсиличи хІерли кайрес хІяжатдеш лебси ахІен, ил гІахІси гІямрула гъа-рил бархІилизиз бургес умцIес чебиркур, нушани нушала мякълабтас гъар бархІи гІахІдешуни дires гІягІнити сари. ИлхІели Аллагъра нушачи разили вирап.

Ну тамашали талихІчерли сарри, алавчарти набчи вайтІа хІербикІули хъаллира, дила рурсила баркъудиличи илди разили хІебиаллира, дила мурул булан гъимукІили вявикІули калунгу... Камси замана шалгІербухъунхІели, дила мурулра, дурхІнира, унрубира, шантира дила талихІличи бирхаур ва наб рурсила урши акІниличи илдира разибууб. ЦархІилван биэрса хІебири, нукІун хала неш ретаури... Шаласи дунъаличив ца гъатІи сагаси адам вагъариублири.

ХІялагардиубхІели ва гІясидикІухІели, бархъси хІукму дурасес ва ил къа-булбарес нушала цАкъани диули хІедирап.

«Дебали гІясивиънили урехила хІял алкІахъули бирап, гІягІнисиличив имцІали лявикІули виадли, адамтала хІулбала гъалаб хІела хІурмат гІаш-бирап. Лебтасалра анцІукъесли къяркъисири майруд, хІечи чебашесли лехІкахъилира мавъуд», – викІусири машгъурси востокла гІакълукар ва поэт Саади.

ГІамрула къиянти аги-къайдализи викибхІели сурс-къакъари дурцузи урехиличивад чедииркуси ва гъар секІал гъунчидиркниличи умут бетхІейхъ-ахъуси адамлис Аллагълира икъалабири. Адамла гІамру къаякъличи мешути сари, нушала хІяланира пикрумира диалли – илала ялканти сари. ЦацахІе-ли нушачи чебиркур имцІакадиубти къуллукъуна бершибси хъисхъалагъуна душилизирад пяхІярдires ва гІамрула черкад пикридулхъес. ХІера илхІели нушани нушала хала бегІтани далули калунти секІал иргъехІе: «Гъар секІал жявлил белгидарили дуили сари, илдигъунти анцІбукуназиб нушани селра барсбиахъес дирули дуили ахІенра. Илгъуна сабли уббулхъули саби нуша-ла къисмат. Илбагъандан нушачи чебиркур илдигъунти аги-къайдализи ди-кибхІели пасихІтили кавлес, заманалис кадизурти тІягІямагарти шуртІрачи къакъахІедикIес, сенкІун гІамрули нушаб илди гъаларра савгъатдирули ка-лунти сари ва гІурра чуйнара савгъатдарес дирути сари».

* * *

– Жагатили дires къас нушази тАбигІятли кабихъибси саби. Ил, вавни шаласи берхІила нурличи дитІикІнигъунана, гІядатлибиубси секІал саби, – хабар бурес рехІрихъиб нушачи челукъуси къуллкъли кибси цархІил хъунул адамлира.

– Гъачамра нуни квартирализиб умудеш бирили, ил ибгули рапхибси замана радио бузесаира. ИлхІели ну Дагъиста халкъла музикалис багъи-

шлабариси передачаличи ряхІягира. Цалис гЕргъи цали нушала бегІлара буриби артистуни далайбикІулри. Наб бегІлара дигуси артистли исбагъичи адалкунти дигайла далай белчІун. Секъядыа къугъали зайдикІулрил илала пергер тІама! Илини рухІ гъузгъалдидирулри ва чархла биркІунти ружерлизи диркахъули. Гъаларра ил далайличи чуйнара лехІахъибсиригу, ил яргализибгъуна асарбарибси ахІенри. Лебилра концерт хъунул адамтас, илдала жагадешлис багъишлабариси сабри...

Ну дяхІимцІайчи гъамриубра ва дила ряхІличи хІеррирзурра. ИлхІели нуни тамай аргъира ну артистунала далуйтазирси хъунул адамличи бекІлил мешуси хІериъни, ну мешулири хъали умбуриуси, палтар ицни сунес гІядатли бетаурси, хъумачирти арцІи ирцІес бурсириубси хъунул адамличи. Жагаси куцличи рикес авараиубрагу, амма селра сархес хІериубра. Ва нуни наб хІукму дурасира: хІу мурталра черикІла хъунул адамтала лугИлизи ка-перхеси журала адам ахІенри или, хІугъунташила хІебирар артистуни далайбикІути... ДяхІимцІайс някъра гъакІбарили, хъя чіябар ицес даимриубра.

Артистуни биалли гъалабван радиолизибад далайбикІули лебалри. Нуни хъали умбуриулри, илди биалли далайбикІулри... Рамсурли хъаллира ну да-луйтачи лехІихъес даимриублири, ва хабарагарли аргъира илди артистуни наб далайбикІути бильни, асубирар, набчиле далайбикІули биэсра... Дигайла далуйтачи хІу гІахІцадхІи лехІихъули риадли, багъла-багълали хІезирти вав-сасъала умутличи шурдулхъули сари ва хІу багълали хІяйралтури.

Дагъиста жагати музыкала асарлиур шакра хІерикили делхълизи ретухъ-унси ну сагали дяхІимцІайчи гъамриулра ва илизиси дила сипатличи хІеррикІулра. Гъарли-марли, ну рапсериублири, жагариублири, андаличир дагъардиубти гъаршани булан лугІяндиублири, ряхІла кам бацла шалали рурхІулри, хІулбира халадаитигъунти сарри, куц-кабиз булан дарсдиубли сари или гъанбикиб. Секъядыа адам варсиэс вирулил! Бархъли бикІути саби, адамлизирти цАкъанияра хІяланияра гъачамлис нушани тамай далули ахІенра или бурути. «Секъядали жагасирил дила хІу цІудара хІулбала регІ, цІудара нудбала регІ!» Ну биалли камси секІайчира пикри бяхІчиули, гъамадли гъимуркІули калунра, наб дурути гІахІти гъай булан уркъяхъуниван къа-булдирусири. Наб гъанбиркусири, илкъядыа викІухІели, ил набчив дукаркІу-ли викІуси сай или. Гъанна мурул сунес «дила цІудара хІулбар, дила цІудара нудбар» хІейкІухІели, ил дахъял дусми деркІисигъуна ретаурли сари, ила-ла куц буи саби!

ИшбархІи бахъял хъунул адамта жагабиэс къасличил кометический опе-рацияби дирахъули саби. Тухтурла някълизиси дисла кумекличил саби жагабиэс балбилзули саби. Бахълис ил мурад сархесра имканбикІули саби. Пластический хирургуначи чула хъуливан башути ва илданы дирути къ-уллукъуначил пайдалабируги хъунул адамти бархІиличиб бархІи имцІа-бикІули саби. Илди мицІирти начурбачи шурбулхъули саби. Илданы бируси бархъси сабил, ахІенал хІукму дурасес дила къасра агара, ил бархъсира хІебургар, сенкІун гъарил адамли сунела баркъудлуми багъанданти жаваб-кардеш сунени дихути сарину. Нушани модала палтар дихулра, косметика-лис дахъял арц харжидирулра, я илди нушаб мяштІдилзули ахІен, чІукъадиэс къасличил тренажертачилси клублизи дашулра (багъа бедили!). Гъарил хъун-нул адамлис жагаси ретаэс дигули сари. Амма илди саби лебилра декІарты

саби, ца итилличи мешути ахIен: я хIяланазиб, я баркъудлумазиб. Ишаб набЧянкIли бурес дигулра – жагати ахIенти хунул адамти лебти ахIен или.

Нушачив узули ваххIи виубси пергер суратуни кайсан Камил Чутуевли сунени касиби хунул адамтала суратунала чумилра выставка дурадеркIиб. Илала суратуназиб дахъал Гямру деркIибти, хIяндешли жагабариби бухъна хунрира, косметика се сарил гъячамлис дагъурли далкъхIеурти дяхIла бегIти жагъиль рурсбира, пасихIти хала нешанира чебаэс вирар. Илдала дяхI-личи, хIулбази, куц-бекIиличи хIериkIухIели, «секъядали жагатиран хIу-ша!» или тамашаирулри. Илдала ургаб гъимбукибти, бамкъурти, бижгурти агара. Селичи сабил пикрикабухъи саби, цархIилти чис-сабил пишбяхъили саби, леб мурхъли пикрикабухъунти ва чула гъанбикунази мурхъбикиби. Камилли касиби суратуни чедаэс адамти халаси иштхIличил выставкаба-чи музабулхъули саби. Илала суратунаци Дагъистайзибун ахIенну, гъарахъ-ли илала дурабра тамашабиули саби.

Нуша чебаэс хъулдикIуси жагадеш нушала рухIла бухIнаб алкIуси саби, нушани хIясибхIебирули хъалли, ил жагадеш нушала рухIла цАкъана ал-кIахъуси саби. Цуба дяхIра, сабитIунсигъуна къянкъра декIарли касибхIели сегъуналра жагадешличил декIардулхъули хIедирар. Илдазиб рухIла дунъя багъарбухъес гIягIиниси саби, жагадеш акIахъес багъандан. Гъармука адам-ла хIулбала саркъибси хIер жагасили биэс хIебирар. Гъасити дяхIлизибра дигули ахъаллира жагадеш чебаэс хIейрар. Я чилра гъимукIибси адамличи хIериkIухIели, жагаси сай или иличил пикрикIули хIейрар.

Хунул адам духуси риалли, малхIямси риалли, сунени сари савгъатван адамтала гъаларихъес балули риалли, муруй илала ряхIиличи яра куц-бекIи-личи пикри бяхIчиули хIейрар. Гъядатласидешлизибра жагадеш лебси саби, хIясибхIебарили убкавлахъули хъалли. Муруйс малхIямси ва уркIи аргъиб-си хунул сари хIяжатси, мицIирси сурат ахIенну.

* * *

XIера гIурра кабикибси цархIил анцIбукъ. Дила шилизивадси ца жа-гъиль адамли гъарахъси Тюменьнизирад, узес ила вякъухIели, жагъиль хунул киб. Илис жагаси сари викIесра хIейри, амма куц-бекIизир эршисира ахIенри. Илала пярча къянкъ сабри, хIулбира диштIатири. Азиялан къалип-ла хунул адам сарри. «Жагаси ахIен» бикIутири илис дила шила хунул адамти, ил язихъириули. «Илгъуналра шилизир рапгес хIейрусирив сунени» или, шила хунул адамти илала муруйчира гIайибта биркъутири. Амма ил гъамадли шила халкъиличил гъалмагърикиб, илдала уркIбази гъуни баргес бажардирикиб. Ва хунул адамта жявли ил «жагаси хIериъниличила» хъ-умартур. Адамтала ургар ралкарикибсира сарри ил, малхIямдешличилра декIаррулхъули, хIяжатбикисилиц кумек гъеббаахъесра гIелумхIерилзи. Илала дукелцIи булан разити сарри, зангъариван зайбикIуси сабри жагаси Тамара. Унрубачил уржибсири, биштIати дебали бигахъи, лявбарес бали. Муруйсра гIяхIси сарри, юртизи абацIибти гIяхIласра разили гъунирии ва гIяхIядешлисра хъярхъси сарри. Адамта, хаслира шилизив хIербирути, адамла хIял-тIабигIят жявли хIясибдири. Балликъянибира илини чайла бержахъес сунечи жибири. Хурегуни диресра уста сарри. Адамта гапдирули бири илини дирути чудни. Дубуртазир хIерриули калунси хIериаллира, ил нушала миллатла хурегуни диресра жявли бурсириуб.

– Ну кафелизир рузули калунра, наб къацIла бутIа сархес жявили рехIрихьибсири. Институтлизир заочно ручIира. Дила чилра агара, бегIти жявили бебкIиб, хала нешли ва хала дудешли арикъурсири. Илдира гъанна мицIирли агара... Ца ралликъяна рурсилира нунира багъалис хъали буцира ва дарх хIердирули калунра, нуша дузра дарх дузутири. Кафелизир сарри ну муруйчил тяниширибсира. Ил къацIли укес гъаман нушала кафелизи вашусири. Тянишдиубра. Илала хIял-тIабигIят наб гIяхIдизур. Илбагъандан сарри илис шерирукъес къабулрикибсира. Ил ну рузуси кафелизи гъаман ваши. Илис дила хIял-тIабигIятра гIяхIдизурли дуилри. Гъарил адамлизиб се-биалра гIяхIси, цархIиллизиб агарси хIясибирули бирар. Жагати адамти лебилра гIяхIти бирар бикIутира бархти ахIен, нуну жагатала ургабра вайти адамти чебаира. БекIлил къабулхIебарести булан къаршибиркули бирар илдала ургабра.

Гъалабра илкъяйда бирузири, гъаннала гIергъира илкъяйда кавлан: жагатира жагати ахIентира декIарбарес вируси сай илдала рухIла дунъя хIясибли, илдас чула гъамти ва тухум дигахъни хIясибли, адамтала хIурматбирни хIясибли ва алавчарси дунъяличи ванали хIербикIни хIясибли. ДеркIибити гIямруличи хIерхIеили, нуша мурт-дигара жагатили диэс дирехIе, цархIилти адамтачи нушазир диги лерли диалли. ВегIли вегIла хIурматбирлу хIей-алли, илини цархIилталара хIурматхIебиру. Ишаб селра имцIабареси лебси ахIен, ца секIал ахIенси: жагати ахIенти адамти бирту ахIен!

* * *

Ца пасихIси адамлизи хъарбаили буили саби: «Се сари гIямру?». Илини жаваб бедили сай: «ГIямру – хIела мурадуни лерли диъни саби. ХIед селра дигули хIейадли – хIу хIерирули ахIенри. ГIямру – сягIятла гIякърабти дашни саби ва нушала гIямрула бурхIни дарсдикIни саби. ХIу кадиркути анцIбукуначи къабуллирив – хIу разили хIерирулри». ЦархIил гIякълукарлира бурибсири: «ХIед дигути секIайзивад гIелумизи – илхIели хIу азадли хIерируд».

Гъарил адамлис сунес гIяхIдеш биубли дигахъу, гъарбизурли дигахъу, талихIчевси ветаэс дигахъу. Амма гъарил адам декIар вирули ахIен камсичира къабулли хIериэс, ил сунела лебисиличи разили ахIен, – хабар бурес рехIрихьиб нушачи музарухъунси цархIил хъунул адам. – Дила ца ралликъяна шерирякъунмад, илала мурул илала уркIиличири ва илис дигути далес бурсивиуб, илала гIямру духIнадицIибити детаахъес вализур: илис жагати ва дурхъати палтар иси, мургыи-арцла гIянтIикIа матяхI савгъатдирули вири, дурхъати мискI камхIедирахъи, ил тамашала адамтачил тяниширирули калун. Гъар секIал ункъли гъунчидикилри, сецадрил замана арбякъунхIели, жагъил хъунуйс мурой сунес дирути камдизур ва иличи гъаладирхъути тIалабуни гIурра имцIадариб. Илис гъатIира имцIали дигулри, илис селра биули ахIенри, ил гъаргъли сарри. Нуша, илала тянишуни, балликъянати, илизи дикIули калунра: «Паргъатрии, хIу хатIариркулри. ХIуни мурул къиянти аги-къайдализи калтулри». Амма нушала гъайллизибад гIяхIдеш хIебиуб. Илала тIалабуни имцIадикIулри, ил гъар бархIи гъаргъдешла гIязабтазир сарри. Илис дахъ дахъал секIал дигули уррухъун...

ХIера, ца бархIи ил, гъар секIал лерхIелира гIямруличи разили ахIенси адам, селра агарли калун. Илала юрт цIали бигуб. Узули къиян кабихьили дариби чумал къурушилизивад мяxIрумиубхIелира адамлис секъяйда гIядабли бирара, ил биалли давлали бицIиси юрт палда-пусул бетаурили пяxIкариуб, чили бала, илис секъяйдали декIли сабри!

– ХIуни бурусиличи къаршиси бетаурси анцIбукуличи ряxIягибсира ну, – илини буруси хабар къябаib набчил раУх редакциялизир рузуси цархIил нушала хIянчизарли. – Дила унраличиб хIербирули саби дебали жагати куцбекIла бегIти мурул-хъунул. Жагылти саби. Хъунуйс ранг-рангла хIевни челгъес дигахъу. Муруй илис дахъал палтар тIалабдирули сай ва хъулиси шкап илда гарчли бицIили саби. Жагыл хъунуйс хинкIра дебали дигахъу. Муруй биалли илис хурегуни дирахъес къадагъабарии сай, илини хъунул бархIехъуназир сунечил раУх ресторантази рикули сай. Дигахъу хъунуйчил концертнуачира театртазира вашесра. Муруй ил сунечил раУх гъамтачира рику, сенкIун хъунуйс гIяxIлад рашесра дигахъу. Хъубеш неш уршилара илала хъунара гIямрулизи гъудурриэс аварали риркъули хIерирап. Ил сунени сари дебали гъарбизурси нешлизи булан халрирули рирап. Ил уршила хънуйчи разили сари, сенкIун хIябал дусличир имцIали сунела уршиличи хIерирули риаллира, гъачамалра селичил-биалра разиагардеш багъахъурси анцIбуку биубси ахIен. Нуни буруси хабарла ахир талихIчебси саби. Ил жагыл хъунул адамлизир муруйс дигуси бирес дагъри лерли урдухъун.

ДурхIя акIубхIели, ил умуси гIягализи рургули биар. ДурхIя халавиуцад, бегIта илис жагати палтар, хIязла ваяхI исули биар, сай дурхIяра илдачи разили вирап. БалугълаваибхIели, дурхIяла тIалабуни гъятIира имцIадирар, илис сунела гIямру гъунчидущес хIяжатбиркур. ХIера илис хъунул хIяжатли сари. Квартира тIалаббарес гIяgIнили саби, хъунул жагали хIер-рарес багъандан халаси алата лугуси хIянчи бикахъес хIяжатли саби. ГIур илала дурхIни алкIули саби. Биштпаси квартириализиб илала хъалибарглис къакъали саби. Илини халаси юрт тIашбалтули сай. Жагаси юртла азбарлизиб дурхъаси машинара биэс гIяxIнили саби. Ил гараж барес валкъаурли сай. Адамла лебдеш, давла бархIиличи бархIи имцIабикIули саби ва ил разили сай.

Камсиличи къабулли вирес вирни – бахълис имканни ахIенси секIал саби, ил баҳълис биули ахIен. ТалихIагарти адамти саби илди. СекIайчи тIалаб шинни ужуси гIинизличи мешубиркули саби: сесадхIи ужули хъалли, гIинизлизирти шин кадурхули ахIен. ХаржикIусила хазна кахIеберхес бируси ахIен. Ванзаличив узалли, гъар дус сабухъ бурчес вирап. Амма хIебузули бу-кес дигутира къаршибиркули саби. Чус имкантачир имцIати тIалабуни лертира камбирули ахIен. Илдигъунти адамтас гIямруличи пикрибухъесалра замана биркули ахIен, илди селичилра хIерхIеили нигIиматуни тIалабдирес гъазализиб саби, илкъяйда абархили аркъули сари илдала гIямру. УбкIухIеликIун адамли, сунени бучибси лебилра давла сунечил барх арбухес вируси ахIен. Илбагъандан хIела се-биалра бетахъибхIели, яра хIед зарал биубхIели, дебали къакъаикIес хIяжатдеш лебси ахIен. БецIла хIайван кабушибиси хъубзар викIули вирап, ил бецIла къисмат саби или, адамли сай хIерирули калунси тIабигIятлис булан налог бедес гIяgIниси саби.

Халаси давла бучес бажардиикибси, гIямрулизиб дебали гъарбизурси адам сунечи сай пахрули вирцIули сай, сунес илди давлумира даражара де-

дibси Аллагълис баркаллаикIули ахIенну. Даxъал дигукъира, камси бикни-
личира къабулли вирес балес гIягIиниси саби, илхIели нуша давлала гъалар
азадти адамтили кавлехIе. ЦархIилтас халаси бикили чебаибхIелира, илда-
чи къясирес асуxIебирар. Илбагъандан вегIлис вай биубли хIейгукъира, сен
адамли цархIиллис вай биуруси? Игъбарра дигира лерси адамли ил хIебиру.

Адамла чебяxIдеш – ил цархIилти адамтачи малхIямли гъамирнилизиб
саби.

* * *

СекIал гъалахили балниличилара даxъал гъай детарули диар. ЦабехI
чула уркIила жи хIясибли вяшбикIули биар, цархIилтази сегъуна-сабил тя-
нишли ахIенси цакъли бурули биар... Илала хIекълизирра декIар-декIарти
пикруми дурту къаршибиркули биар.

Гъанна даxъал маршруткаби лер. Илдала остановкабачив вахъхIи тIаш-
калезес чевкъули ахIен, гъуйчив инжитибури ахIенри ва гIягIиси гъавличил
хIу узуси мерличи ваэс вирулри. ЦУМ-личибад газеталаба-журналтала ком-
плекслизи бикайчи халаси гъуни леб. Гъалар нуша ил ахъес II ибил номер-
ла автобусличи кадибури калунтири. Автобусличиб пассажирти цаличил
ца тянишибури ва шагъарлизир кадиркути анцIбукунуачила гъаман ихти-
латбикIули бири, бекIxIедарили уркалунти къуллукъуначилара гъайбикIи
илхIели...

Ца хъунул адам сунела мякъла кариибилизи рикIулри: «ХIуни ба-
булpriv, ну гъалахили адамли секIал багъес вирниличила рирхулра. Дила
ца тяниш хъунул адам больницализир дежурстволичир риэс гIягIинисири.
Ил тухтур сари. Амма, бархIехъ дежурстволичи больницализи рукъесила
мерличир, ил автобусличир шилизизб хIербирутси сунела бегIтачи аррякъун.
Илини муруйчи зангъдяхъиb ва сари бегIтачир шилизир риъниличила ар-
гъахъиb, къакъахIейкIахъес багъандан. Илини илкъаядали муруйзи иб, се-
ли-саррил гъиррарира нешхъалачи илкъаяда хъярхъли музарухъахъес или.
Чай, дуцруб, хинкI, ихтилатуни ва ... хапли унзализи къутI. Унзалавад хъули
урши ухIнаухъун, илкIун хала нешличира хала дудесличира дебали камли
вири вашуси. Глергъила бархIи савли биалли рурсира дурагициб – ил сту-
дентка сарри. Илини къалли сари аркъниличила чизилра багъахъурли руили
ахIенри. ХIера илкъаяда, сегъunalра гъаланачи бариси вягIда агарли, цали
итиллизи хIебагъахъурли лебилра хъалибарг цахIнабикиб! БархIехъ биал-
ли дудеш вебкIиb... ИлхIели дурхIна аргъиb саби лебси мерличибад хъули
къаплабабикиби дудеш вебкIес гъалаб биъни – илкIун гъунивватес гIягI-
нисири...».

«Набчила тяп илгъуна анцIбуку кабикиб, – хабар бурес рехIрихъиb
цархIил хъунул адамра. – Селичи-биалра къакъарикIесра сегъunalра сабаб
аги, амма дугили хIули чебуцес хIериубра: гъанкI хIебакIиb. Набчиби хIял
гъанннара гъайличил аргъахъес рибули ахIенра. Шаладикибмад, хъулирад
дурагурухъунра. Унраличир хIерриуси хъунул адамлизи бурира рурсиличи
шагъарлизи аркъулра или. Иличир хъа умхънира датурра ва хъурали районна
центрлизирхI ратрихъира. Ну дебали къалабали рашулри, хIятта наб гIела-
вад глергъиихъунси левхIеливан... Рурсила квартирала унза къяпIли сарри.
Унрубачи къутIдяхъира, илдани буриб, дила рурси роддомлизир сари ва де-
бали декIси хIяйчир сари или. Таксиличи кариили, роддомлизи къалабари-

кира. Рурсила мурул илав наб ца бяргIбси хIерличил гъуниваиб. Илини дила рурси роддомлизи аррукибмад набзи багъахъес телеграмма бархъили уилри, амма ну квани музарухъи руилри. Телеграмма биалли набчи хIехиб. Дила ну сарри архIяличи дурарухъунси. Рурсили виштIал заманалис гъалав виркъулри ва тухтурти ил верцахъес бажардихIебикиб... Аллагълизи шукру, рурсилра мицирли кални. Ил сагъриуб.

Гъядатлибиубли пикрибараалли баянбарес къиянни саби убкIуси дудешличи хIебагъуркъира дурхIни музабухънира рурси роддомлизир рагъариубхIели, иличи неш музарухънира.

Ишаб, гъайагарли, пикрумала гъаб-гIергъидеш цархIил тяхIярли гъунчиили саби!

ЦацахIели нушала хIялани, баяндарес къиянти секIал гъатIира мягIиничерти сарли урдулхъули сари. Нушани чедаэс, аргъес дирули ахIенра, я да-гъес далдизнилизибад ГъяхIдеш хIебирап, сенкIун илгъуна бетаънилис сабаб багъес вирули ахIен. Илдигъунти аги-къайдализиб илдани бихуси баянра мурталра дебали мягIничесили уббулхъули саби, камси секIал адамли гълахили багъес хIейрап яра ил нушни хIясибирули хIедиэсра асубирап.

Илбагъандан ахIенара, цацабехI адамта чула Гъямру ва дагъри уркIилизир сари или халбируси? «Дила уркIили буриб» – бикIули бирар хабарагарли ка-бикибси анцIбукульчила гъай детаурхIели. Урехила анцIбуку гъамбикIухIелира нушани хIясибирули диреҳIе, секъядали нушала уркIи гъалакли къутIбикIес бехIбирхъулил. Яра вайси адамличи дяхIягибхIели нушази уркIи маҳбикIули бирар, илдазирад мяхIкамли дуахъес. Чумилра нешли чула дурхIни хабарагарси бехIемцIлизи бикниличила гъалахили багъур, дирап анцIбукуну хъуликIес умут кахIелунхIелира, чула урши сагъирниличи хъулбикIути нешани яра хъунри бархътили уббухъунти, бегIлара бурибити тухтуртани булан изала бархъли баянбарес хIебиубти...

ЦацахIели хIу илгъуна тIягIямагарси анцIбукулизи виркниличила гълахили багъниличила муртал мурт, халаси замана арбякы гIергъи шакиркулри.

Нура илгъуна анцIбукулис бикъирили ретаурра. Дила узикъарла хъунул декIли зягIиприкилри ва изай саруцахъильри. «Къалабаси кумек» жибариб. Тухтурли буриб, камси заманала ухIнав илини виштIал виркъу или. Ил сари къабулхIериrikкувьира, къалабали роддомлизи раахъибсири. Илини буреси балули ахIенри. Илис се-биялра буресра дигули ахIенри.


Операция бариб. Илис рурси акIуб. Амма сари неш дебали декIриуб ва камси заманала рухIнар таманкариуб. Илала аппендицитра лебли буилри. Жагъил хъунул адам тухтуртала тIяйибли chirli ребкIиб. ХIязлис руили ахIенри узикъарла хъунул итцад къакъаракIбси ва больницализи рукеес хIейгули калунси. Цаибил дурхIя сайкъира илини виркъуси, ил шакрикли руилри ил заманалис гъалав алкIули виъниличи. Тухтуртара илала гъамтара ил иткъяда паргъатагаррийни хъящадешлизи халбарили буилри.

Гъакъу жагати гъайли, черикIла партарли биргIябиргес асубирап, амма уркIи – селилра биргIяхIебиргугу. Чула уркIила жиличи лехIихъес бурсибиубти дурхIна саби бяхIягибси адам сегъуна саял итмадан бала, хIятта ил бегI гъалав чейуси виаллира. ДурхIяла уркIи биргIябиргес вируси ахIен. Илди ГъяхIти, малхIямти, лявбикIес балути адамтачи гъамадли гъамбирап. ДурхIнициунра хIебирап илдигъунти. БикIуливан, уркIиличи лехIихъехIе ва иличи дирхарехIе...

(Хъараҳъуд бирар)

Проза

Тавсултан СЯГИДОВ



САЯТ-АБАРА НЛО-ра

Хабар

Магъди бикIуси бирхIуси дагъала ГүгIули Саят-аба берхIи абухъес гъаларал гъанкIлизирад чераргъахъиб. Тахличир муриси гъанкIизи ретурси уршила рурси Шамсиятла дяхIичи дигиличил хIерризур, юргъа чеди ка-бихъибси илала някъ малхIямли хIяршбариб. Рурсили итмадан хIулби аб-хъиб ва хала нешlis разили пишряхъиб.

—Аризи, дила хIулбала шала. Ца жумягI гъандуцес диахIелли, хIед компьютер асес дирехIе. Гъанбиркуру, ирий ГIятурас дикибти арцлис наб изес гIежара «самсунг» мобильникра асили? «Жявли айзурси сай дунъали рази-вируси», — тикрарбирули рири дила нешлира, сунела бунагъ-хатIаличивад аллагъ чевверх. ГъаббикIуси берхIилис ну савли пишряхили гъунириусира, ил бирниличи гъачамалра пашманриубси ахIенра. Дергъла жапати дусма-зирра илгъуна рираси...

Дуги карилар дерцIибти кIантIи-нусила чуднала ца-ца кесекра дерки, илди кIелра хъулибад дурабухъун ва ХIяклала къадалабяхI аркъуси къашла дякъличибад вацIализи мурхъбикиб. Галгуба кIинчIи бара сарри пIякъду-шибти, гъунила дублабси жунабла къадалибад вавалибахъес балкъаурли-ри ва бухъутIа хIева чегъурси исбагъиван кабизурлири.

— Жунаблис шайтIан биргIякабиубси саби или бурули бирап. Жявли вавалибахъибси жунабла къадалиу кабихъи буили саби шайтIан, садаимад це-дешли букус или. Улелья дикъур, дегъуб. БягIли далцIун. Жунаб дилкъули ахIен. Илкъяйда мялгIун жунабла къадалиуб гушли калунси саби, бикIар. ГIурра бурули бирап, жунабла къадаличивад кайкибси эмхIе ветаруси сай или. Кабикибти чебаира, амма, дила хIулбала шала, илдазивад цалра дяга-личи яра эмхIеличи шурхIевхъун. Масхаралис бикIути бургар, — Саят-абани уршила рурсилизи ВацIа-хIярла ТабигIятличила тамашала хабурти дурулри.

Шагъарлизирад хала нешличи ракIибси Шамсиятлис гъар секIал тама-шадилзулри ва алавчарли хIеррикIулри. Хала нешли сарри илизи нешла мез дагъахъуртира. «Седируги илди дагъурли? Шилизивад дуравхъалли, хIяжат-диркули хIедиалли?» — бикIути лебли саби. Рирхмаруд, дила берхIи, меhIур-

ти саби илкъяйда бикIути. Абала мез хIедалуси, адам ахIенну, къаралди сай, хIед багъес дигалли. Дила неш жавлил ребкIили агара, амма ил нуни муэртазир чериулра. Ил набзи дарган мезли рирап гъайрикIуси. Мез хIедалуси риасри, рирасив ну иличил гъайкарикIес? Нешла мез хIедалуси адам, дила рурси, хIед багъес дигули риадли, дягIли галгаличибад къябарибси берубси кIапIигъуна сай. Узи-уршилизи булан урус мезли гъайбикIути чебиухIели, дила дукелцIидулхъули дирап. Гъарил бекI сунела нешла мезли пикрибикIес гIягIиниси саби, хIебиалли, ил сегъунти-биалра матяхI кадирхъуси такъа саби, бекI ахIенну. Иргъултив нуни дурути? ЛехIирхъен, алавчарли хIермарикIудну...

Ириъла кIаразирад гъардакIибти духъутIа гегугла къяшми тIемдикIулри. ВацIа ванати улкназирад чардухъунти арцантала макъамта бицIилри. Илдачи лехIизалли, арцанталара мез лерли дуили сари, нушани хIедалули хъалли или, гъанбеслири: цадехI шятIдикIулри, цадехI ЧIивдикIулри, лерри верхIел рангличи биркахъули тIамара сарира далайдикIутира. Савлиничирад илди цализи ца жидикIули сари. Пукъни дирули кадархили сари. Илдачи лехIизалли гIяжаибли чарх рахIятбирап, уркI разидешли бирцIур, жавлил иша сен хIекIили уира ну или гъанбиркур.

Пурпила ва мигла вацIала бухIнабси ТIумала чIянкIличи дурабулхъухIели, някълизиб убирхъес касибси тIерхъаличил гъалар рашуси Саят-аба уркIрухъи тIашризур. Геларад рашуси Шамсиятлисра тIашризахъес някъли лишанбариб. Ил хIеррикIахъули, вацIала бухIнабси чIянкIличи цУбли рурхIуси зурбаси ягълавгъуна секIал тIама-гъама агарли кабииб. ЧеартIла шангван лямцIбикIуси илала ванзаличи ибкъаэс хIябал къяшра лерри. Журуга улкъайтира хIясибариб. Шамсиятли тIама дурахIебикахъес мухIиличи хъат чебуциб.

Ил «хIябкъяшан къямлизибад» кIел хъунул адам кабацIиб. БекIличир кIумби, чархличир гIядатла дубурлан хъунул адамта челгъути хIевни сарпи. Илдазир халати таврумира лерри, цали биалли халаси гавлаг гIелахъилри. «ВацIализи къалли бицIиси гавлагличил башули хIебирарап», - итмадан пикри бакIиб Саят-абала бекIлизи. Ахъсигъуна гъалар ратрихъиб. Ил ралликъянази серил рикIулри, амма Саят-абани селра аргъес хIериуб, рахъ сунела уркIрухъундешли. Къанбирутиван гъалакли батбихъилри, амма алавчалира хIербикIулри. Илди ХIяклала къадалабяхI абрякъун.

– Дила рурси, итди вагъигуни къалли ахIенри. Дила нешли бурули рири, вагъигла хъуцIарличибад гIелабяхI лайбакIили бихуси халаси ца мама бирузи саби или. Илди биалли нушагъунти дубурлан хъунул адамти сабри. Халати ва дугати цулбира хIясибхIедиуб илдала, - ахирра гъайэс риуб Саят-абани.

– Иш кIалгIяла бухIнаб гIурра адамти кIебара? – хъарбаиб Шамсиятли хала нешлизи.

– Нуни сели багъиша?- суайчил жаваб чарбатур Саят-абани.

– Тавра-гавлаг дицIайчи илди чархIебулхъан. Рашигу, хала неш, илдала иш къямлизи адицIехIену, сегъуна сабил бухIнабад ца чебаэс. Уруслы халкъла хабарлизирси баба-яга бушкайчир рирап урцуси. Итди дубурлан хъунул адамтас иш гIимарат чинад бикибси? – суалрухъун Шамсият.

– Тамашамарируд, дила рурси, гъалаб къарла дех чебихъес эмхIелра агартала, ишбархIи «мерседесуни» дагъардиубли сарину. Нушала шинкъан-

кула Халидли «Нива» асили сай. Ца хІези чеахъес, секъяйда къимизурли кайраал ил машиналичи. Мякълав чилра хІейалра, гъайбарес гъалаб дядбуршахъу. Илала уютачи дукаркүли вирап супелтар Гядус. «Ихала хІянтІала хъали нуни къапІа игъубли гербалтас! Чуйна уркІайлра их нясли! Шинкъала мякъла дегІунти къамалис бикахъиби саби. Дила танбаку исули ахІен. Къамали пІагъбикІули гъапулбирути нясани лебли саби. Ахиат гъамбикІули биэс, Саят-ханум... – цІумикІули леври набзи.

– XIу рирхаи, хала неш, иш НЛО саби. Сен гъатІи илдачир скафандрти агарти?

– Сегъунти скападирти? Се сари хІуни дурути? – зигаррашиб Саят-абани уршила рурси.

– Космослизибад арцурли башутачир илди дирути сари. Итди хъунул адамтала я бурги халати ахІенри. ИноплатяналакІун хІулбира халати дирути сари. Телевизорлизиб нуни чебаиби Гъарсличибад бакІибти биштІати сабри. Бурги халати сарлихъалли, някъби-къяшмазибад назикти сабри. Илдала къячI-хІулбира, нушалаван ахІи, халати сарри. Интернетлизир илдачира бурути фильмаби чедаира. Амма... Гъарсличибра хъар бягІути хІевни чегъури баштути бирутив гъари? – суалрикІули Шамсият. – XIяклала къадалаб се кали илдала? Гъятуала чудна мага букули хІебиэсгу...

– XIябилра дахъал далуси лерри къалли, инипланти чинаф чебаиби хІуни, дила рурси? Раши, чардулхъехІе ГеладяхІ. Уриали луцІахъес дурхІана хІенкъра нура вацІализи дуралхъас викІули, нушала мешебей Гъядусра левсири. Савлиличирад хІеррикІули руирагу, илра хІулба вяхъесалра чехІеира. Даҳъал далуси сай ил. Ириъра илини, дурхІази далцІахъи, автобусличир ХІяштархайзи дахъал уриара Гъятуира дархъиб. Илкъайда дариби арцлис сагаси тупангра асили сай. АхІимакъ мобильникра бикахъили сай. Шилизирти дирхІути бугънала, кигъмала ва дагънала суратуни кайсули сай. Дила бирхІуси Магъдилара сурат касес музавхъи левригу, нуни ватхІетурра. «ХІела Чубайсла каса сурат!» рикІули, юртличивад веркІира. Гъядусла чебаибХели нунира мобильник асибсири. Гъаннара бузахъес балули ахІенра, дила рурси. XIуни бурсихІераасли. «Къязи леб иш!» – гапикІули вирап Гъядус. Ну къалли эмхІе асибси риасри гъалабри ибси пикриличи каризурлира. Ашкарлигу, дила рурси, ил мялгІуй балули ургар чихъали сабрил итди вацІализи арбякъунти шайтІан-хъунри. Юх, итди нушала шанти ахІенри. Нушала вацІализир дахъал уриа лер или, Гъядусли хабар тІинтІбарили сай. Гъяяла базарличирра хъямдарили исулигу илди. ДягІла изайс дармандируги сари ибти хабуртира мешебей Гъядусла макру сари. Ириъра пурпила сирмугуни далцІес Гъядусличи бакІибти цІуба чабнала бегІти чумал ахъушан хъунул лебри. Илдира селис-сарил дармандируги сари или хабар тІинтІбарили или сай мялгІуй. Сагал дус сабаэс кІел бархІи лерай чеира, гъаббуцили сунела бухъна урчира сайра, цинкІикІули ватихъили. Гъанна ил гамушван маизурли вашули сай, я валкІикІули ахІен. Леври «Уриала чуднала гъунар саби» викІули. Агъ, даҳъал далан сай ил,- лезмили тІямкъбушиб Саят-абани. – Амма бухъна хъунрази цадахъал арц дараҳъиб ириъра. «Дила бизнес даймбарай!» – викІар. Гъядуслизи хабар бурехІе ишбархІи нушани чебаибси Гъяламатла секІайчила. Илини кІел дус гъалабра Келмела мурбачи кабиибси къямличила хабар бурибсири. Илизибад дурабухъунти адамти дарганти

сабри викIулри. Илбагъандан мага бурги, итхIели Гядусла хабарличи чилра вирхаурси ахIенри. Гъаннара чили-биялра гяршличибад бакIибатаила гъанахъалли, хабар бурусилизи нушачиб «Гядусла хабурти дати!» бикIар. МажахIят, ил сайра нушани бурусиличи вирхаэс. Чили саби балуси, белики ишди нясанира иличи бакIибти биэс?! Иличи музабухъунти биялли, ил сайра жявил XIяклала къадалав ургар. Нушани чедаибти шайтIунти диэстра асувиар. Наб биали илдачилти авара хIейгахъис. Гядуслис илди гъаман цугдиркути сари. Тамашала хабуртира дурули виар. Белики, шайтIунти диэс ил хIу рикIутигъунти детаути. Илди гъалар шурмазирти инкъурбазир, къурдбазирти шинкъбазир ва цархIилти гяңцIти мераначир дири къарши-диркути. Белики, илдара техника бяркъурли бургар. Илдира дахъал даланти сари. Илди нясанира гъанна арцурли дашули дургар. Итди хъунри наб бекIил гяxIxIебизур. Чебаирив, севан алавчарли хIербикIулрил? ГяxIти адамти ахIенри итди, дила уркIи шакбикIули саби. Раши, дила хIулбала шала, хъули чардирехIену. Щудара хъара удалтехIе. Хъярхъли чедакIахъес шиннизи кадихъибти сари. Дигалли илдазирад гяxIти нергъ детарап. ХIела дудешлис къалли илди пиволичил деркес дигахъу. Илис дигухIели сари нуни делгIутира. ИшбархIи нушаб гъархIебизур. Дуги нуни ца тягIямагарси му-эрра чебаира. Савли дила къалмакъарчи Магъдила гIугIура гяxIxIебизур. Уриаличи жягIял ляркъехIе, – къакъличибси хIерикунничилси таврара бал-барили, Саят-аба, бекIра къухIбуцили, дякъличирад гIеларяхI ратрихъиб.

– Рашигу, хала неш, ца минутлис адицIехIену, бухIнаб се кIебал чебаэс. Нушази хъарбикIутази хабар буресалра биарну, – къасчерли «къямличи-ряхI» ратрихъиб Шамсият. – Сурат касес гяxIсири ишала. Мобильник барх касес багъурси риадри, гъанна убабигусири, – иб Шамсиятли.

– Лебгу хала нешла ил набзиб! – Саят абани хIевала уди хъябличи бар-шибси таврализибад мобильник бакIахъиб.- Ма иш. Каса сурат. Гядуслизы чебиахъехIе! Супелтар шайтIан! Се викIесара ил, сурат чебаибхIели? Редак-циялизи бархъахъес биха викIар. Хивала гавлаглис ахIи хIелугас. Луга мян-гIуй. Сецац хабурти тIинтIдаресара?! Иш гIимарат чебаэс хIебикни багъан-данра ил висикайрап. Индияла кинолизив чеира нуни илалагъунти супелтар милица.

Шамсиятли мобилклилизирад НЛО-ла чуйнал сурат касиб. Журуга ул-къайлизирад бухIнаб се тебал чебаэс хIеррикIуси Саят-абалара касиб сурат.

Саят-абани «хIябкъяшайзи» чуйнал къутIдяхъиб. Амма чилра муз-захIевхъун. Ил урух-урухли унзаличи гъамириуб, гIур, мякъларси Шамсият-лис хIулира линкIбарили, Саят-абани унза гъаргбариб. БухIна абацIибхIели, илди тамашабиубдешли, гъай хъумартуртиван тIашкабизулири. Ранг-ран-гли шаладикIути экранти, илдачир дуцIдикIути лугIурби. Саят-абани илди гяламатуни муэрлизирра чедаибти ахIенри. Бурдукла почтала отделение-лизы арацIибхIелира тамашариубсири ил иларти аппаратураличи. Илдази халтIрикIуси бурдекан Аминна хъунул илис сихIру далан рургар или гъан-бикибсири. Саят-абани Шамсият селичилра къячхIерикIахъес маxариб. ГIимарат саби-сабил урцар или урухkIулри Саят-аба. «Адамти бигIи арби-кути саби илдани» рикIуси Шамсиятли илкIун урухарилри. Чинарадрил гяшли дяхъибти музикала иргъулри. ГIур далай зайдухъун. ДалайрикIуси ПатIимат Къагъирова риъни багъурхIели, Саят-абани лезмили тямкъбуши. «Гяршличира раилив гъари нушала булбул?» или гъанбикили.

— ПатIиматла далуйтачи лехIихъули биалли, ишдира дарганти биэс гIягI-нити саби, — рикIар Саят-аба Шамсиятлизи.

Шамсиятли бяхIлизиси ца хъапIа тIуй гъяжбариб — хапли бяхI гъарг-биуб. Се чебаibal хъа бухIнаб, уркIрухъунси илала хIулби халадаиб. Челхъ-усилис бяхъес тIерхъара хIядурбарили, Саят-аба мяхIкамли унзаличи гъ-амриуб. Чилра дураулхъули ахIен. Ахирра Саят-аба хъа рухIна хIерризур. ЧIябарличив геркавхъи Шамсият рикIусигъуна скафандрла вегI, шала-дикIути ва чархличи чекунти закван хъанцIа рангла палтарла вегI адам! Илала бекIра халаси сабри. МухIли биалли виштIаси хъяшалагъуна сабри. КIунтIубира дукIути сарри. Бабаюртлизиси чула колхозла хъараҳлизи ря-къунхIели Саят-абани чеибсири илалагъунти къячI-хIулбар ца ногъайлан-рил къалмукърил. «Бируси биалли, иш шайтIан саби», — пикри бакIиб Са-ят-абала бекIлизи.

Ил «шайтIа» чIукъати къяшмира някъбира чIумадарии гъимирили дигьи чедаибхIели, Саят-абала цакъадар урехи бетахъиб. Шамсиятличира хIер-ризурли, ил чIябарличивсиличи гъамриуб. Ил гъанна я руржули ахIенри.

— Паргъатрии, дила рурси. Иш шайтIакIун къяшми-някъби чIумали дигьи сари. Иш нушаб урехила ахIен. ГъайбикIесалра балара? Нуни къалли шай-тIунтала мезра хIедалас.

ЧIябарличивси ахъиэс вализургу, бажардихIейкиб. Илала някъбицуn ахIенну, къяшмира дигьи дуилри.

— ХIушаб нуни мургъила сяxI лугас. Дигалли дахъал долларти лугас. ХIушакIун дебали арц дигути саррая. Дигалли хIушази нуни чумал минутла бухIнаб лебилра дунъя чебиахъис. Арзая дила някъби!- тиладибухъун хапли ил «шайтIан».

— Дарган мезра далулигу иш нясли! — тамашариуб Саят-аба. — Мургъира доллартира лерли гIергъи, Мургукла вацIализиз сели биркъусири хIу? Бай-тарман! Сен дигъунти хIела някъбира къяшмира? Чи сайри хIези ну мур-гъи-арц дигуси сари викIуси? — гъимрукIиб Саят-аба.

— Арзая дила някъби! Гъар секIал дурисну! —

— Ил хIебарес къалли нушани балехIе! — рикIар Саят-аба, някълизиси тIерхъала арь чIумабиури.

— Ягъари, даргантас дебали арц дигути сари или бурулигу, сен хIушаб мургъира доллартира хIейгути? Някъби арзадалли, нуни хIушази гIяршла гIяламатуни булан чедиахъис ва гIур чардарили хIушала шилизи леркура, — бикIулри ил дарган мезли.

— ХIябилра дахъал далусира лебри къалли! — лезмили тIямкъбушиб Са-ят-абани. — Лугъат къалли миxIенталагъуна саби. Чихъали сабри итди кIелра хъунул адам?

— Чи хъунул адам? — къячI-хIулби лямцIдухъахъун «шайтIай».

— Иш гIянтIикIа къунтIалабад дурабухъунти! Чили бариси иш хIянтIала хъали?

— Хъунул адамти ахIен итди. Вагъабийонти саби. Илдани сайра ну ясиру-цибси. Дила кIел гъатIи балликъяна лебтири. Къячагъуна илди Сириялизиси кабушиб. Хуша сен датуррал!

— Илдани нуша чехIедаира. Амма илди хъунул адамти сабри.

— Аллагъакарти! Хъунул адамла палтарли бегIбиубли балан! ХIевнала удир автоматунира дурги илдазир...

- ЧехIедаира. Халати таврумира сабира ХIяклала къадалабяхI арбякъун.
- Чарбухъалли, хIердикIеная се бирул хIушаб илдани! – Саят-абара ила-
ла уршила рурсира урухбарес балбизур «шайтIан». – ХIушала вацIализибра
дигIянбикили къачагъуни лебли буили саби. Илдачи саби иша бакIибири.
- БаххъИи биублирив илкъядыа къашми-някъбы дигьи?
- Авал дус биублира.
- Пакъир. Гушра биубли бургуд?
- Гъайгъай,- беръубси биштиаси мухIли ахбийб «шайтIай».
- ХIуни се букусил хIебалас нунни, амма нушала нусила чуду леб.
- Исиутла-дигара биаб саби! Камси хъимихъ дила мухIилизи кабихъя…
- МяжIкамли, хала неш, ил няс тIуйзи къацIбикес асубиарнү! – рикIар
Шамсият.
- За балбизабгу, кIелра хIули дурасатхIедитIи батасли! – шайтIайзи
хункI чебаахъиб Саят-абани.
- Ил замана Саят-абала хIер хъарбяхъибси шишаличи бархъбизур.
- Шамсият, се сарира, дила рурси, ит шишализирти?
- Гъяръаки сари, хала неш. ЧехIебииду, шишаличибси кагъарлизикIун
«водка» белкIи саби.
- Гъяръакилица дужули далан ишди байтарманти! – хункI чебаахъ-
иб къячIхIулбарлис Саят –абани. – ХIязлис буили ахIен гъяръакилиц шай-
тIан-шин бикIути!
- Къачагъуна сари илди дужути! – хухбикIуси тIамаличил иб «къячIхIул-
барли».
- Чинав акIубсири хIу? – хъарбаиб Саят-абани илизи.
- Ну Ванзаличив акIубсира. Дила хала бегIти биалли иша чумал азир
дус гъалабал гъярсличибад бакIибири. Ванзаланти хъса-пусул бетаахъес
дирукъира, нушани илди балтулра, духубиэсгу дикIули. Нушачил цугдуциб-
хIели, хIуша гъачамлис къар адамтигъунти саррая, – викIар «къячIхIулбар»,
- Саят-абани мухIилизи кабихъибси нусила чудула хъимихъ чIямбирули.
- ХIябилра вайти адамти хIербирули буили саби иш жагаси ванзаличил, –
бикIар «шайтIан», нургъби гердухъахъи.
- Дарган мез чинар дагъурти хIуни? – хъарбаиб Саят-абани.
- Нуни дахъал мез далас, – цIивбизурли нана хIулби лямцIдухъахъун
«шайтIай». ЦадехI мез дяркъес наб хIябал минут даиби сари.
- Рирхулра, шайтIунта къара инжил булан далути сарину. Унза чедукъен,
дила рурси, се-дигара биэс асубиарнү. Гавлагунарти чарбухъалли се би-
рехIе? – сагали урехилизи рикиб Саят-аба. – ХIябилра вайти аги-къяйдализи
дикира нуша… Ишди бурги итхIели мешебей Гъядусли чебаибири. ХIяз-
лис ахIен къалли нушала хала бегIти шайтIунти лерти сари бикIути. Ишди
мага дургар илди.
- Шамсиятли унза дебадарибмад, рурхIуси мегълизибад бариси унзализи
къутIла тIама адердиб.
- Чили къяпIабибси иш унза, нуни гъаргли батурсиригу?- аргъиб Шам-
сиятли дурабад мурул адамла тIама.
- Чихъали саррая хIуша?- хъарбаиб Шамсиятли, пикрилра хIерухъи.
- Гъятури далцIес дакIиби бурдукла хъунри сарра,- аргъиб жаваб.
- ХIуша къалли бурдеканти ахIенрай! – тIамадариб Саят-абанира.

— ХIушала хъали хIили удибат! Абхая унза яра нуни иш тIакъа тIярхъубарбираис!- гымукIили вявикIулри дуравси.

— Иш «някъби арзая» или висули сай. Ихдани биалли «тIярхъубардирурая!» или урехи чебиахъули саби. Се бирехIе, хала неш? — хъара-хъарагъунти нургъбира гердикIахъули, симкърухъун къакъаракIбси Шамсият.

— Лугъат хIясибли, ихдира миkIентигъунти саби. Белики, унза абхьиша? — рикIар Саят-аба уршила рурсилизи.

— Ихди нясанна кадуршура, хала неш. Полициялизи багъахъес ГIягIнибиркур. Себиуба хIела мобильник? Ил нушаб ГIурра хIяжантбикиб. Дудешличи зангъдяхъясли ГIяхIси ахIену? — иркъмачирад гердикIути нургъби ушкес ралризур Шамсият.

Илала гъайлис Саят-аба берхIила нурлис аллай-баллалайла къяжаван пишрхъиб ва гъимирли бигы хъабличи чебяхIахъиби биштIаси тавра бакIахъиб, илала бухIнабад сагали мобильник дурасиб.

— Ма, дила мургъи, МяхIячкъалализивси нушала шан прокурор ГIябдуразакъличи зангъдяхъя, итала нешли гили номер лебну ишаб. Мунапикъуна патиранти мяштIидибули ахIен, бати иртахъес! Вайберхуны саби! Иш вацIализиб гъалабра баргибсири илдала пукъа. Ванзала бухIнаб чус подвал биркъубли буили саби. Галгала умхализирад даштути вера чедаили, шакбикили буили саби илди нясанни илаб лебниличи. Буцили арбукибтири илди итхIели. Нушагъунти гъанна вацIализи башес урухIули саби илди къаршибиркур или.

Шамсиятли номер баргиб ва хала нешлизи хъарбаиб:

— Се буриша?

— Гъала-гъала зангъдяхъя, тевал багъи, ГIур мобильник набзи га, нуни илизи иргъахъисну.

Шамсиятли, хIекъли разириубли, хала нешлизи трубка гъабуциб. Саят-абани, кIаналя удибад къужбарили, мобильник лихIиличи чебуциб.

— Саят-аба сарра, дила урши. Гъалакмайруд, лехIизи нуни бурусиличи...

— ГъайрикIен, ну лехIихъулра, — бикъулри мобильниклизибад.

— ХIяклала къадала аркъуйхIбси Тумала ЧянкI баладу?

-- Гъяжаibili балас! Сели риркъусири хIу илар?

— Уршила рурсира нура ГIятури далцIес аркъутири. ЧянкIличи кабииси халаси ГIяламатла къям къаршибикиб. Шамсият НЛО саби рикIули сари. Нуни къалли ил се сабилра балули ахIенра, шайтIунтала хъали бургар рикIулра. Илизибад дурабухъунти хъунул адамти чебаибхIели, нуша бухIнаб се тебал чебаэс илизи адацIира. Илав някъбира къашмира дигъунси искаландирла бегI шайтIан баргира. Дарган мезли гъайбикIули саби. Нушани чебаибти хъунул адамти къачагъуни буили саби. Гъанна илди дурабад унзализи къутIбикIули саби ва унза абхъахъес тIалаббирули саби. «ТIярхъубарбирахIе!» или, урехи чебиахъули саби. Иргъулрив? Гъанна илди дурабад къайкбикIули саби. Иш гаша бебкIра «Някъби арзая!» или тиладибикIули саби. Дила урши, музавхъен! Мусибат бакIили саби нушачи! ХIуни ахIи, чилилра нуша дерцахъес хIейтар...

— Саят-аба! СягIятла духIнар илар дирехIе. Я някъби мерзидая, я унза ибхъмебхъидая! Иргъулрив?! Бати иртахъес. Илдачи, вари, лехIмайхъуд. Кахти къуртмаби саби. ХIушачи уркIецIи хIебиру.

– Иргъулра, дила урши.
– Нуша дурадулхъулра! Гъандуцая.
– Ярагъ касая эсалра хIебагъуррагу абдал бекIли, – хъутурдяхъиб Саят-абани.
– Сен рикIуда? КъайкбикIули саби или бурригу...-паргъатраиб ил уршила рурсили.

...СягIят байхъала дикили хIедурги, ТIумала чIянкIла чедир гъурдикIули хIябал вертолет дагъардиуб. Илдашибад майдайчи ярагълабиубти спецназла бургъанти тIяхI-тIяхIкабухъун. Къачагъуни някъличи бакIес къабулхIебикиб, алавдуцилрая ва ярагъ какхIедихъадалли, къирдирура или аргъахъибхIелира... Илдани чIумати къаршидеш дирулри. Балули бииши чучи уркIеци хIебирни. Илдачи цIа чекъес ва кабушес чебуркъиб. Нисанани чумал граната «шайтIайчил» барх Саят-абара Шамсиятра бухIнаб лебси гIимаратлизира игъуб. Чумаси мегълизибад барибси мага бииши, къачагъунала гранатаба илис селрацац зараз хIебарии.

– Саят-аба! – ахъли тIамадариб дурарад Глябдуразакъли. – Ну сайрану, унза ахбая!

Унза гъаргбиуб. Иларад дурапулхъуси Саят-аба Глябдуразакъли кIапIруциб ва малхIямли ванзаличи каратур. Хала нешлис гIеларад веcIну цара дус риубси Шамсиятра тIяхIкарухъун.

Бургъантала тамашабильнила ахир аги. Космослизибад бакIитала селрацац заралхIебиубси гамиличи илди тамашабиубли хIербикIулри. Илдазивад ца – иличи барх лебти «гъалмагъ генерал» или дугъабилзулри – Саят-абачи гъамиуб. Рухънала някъ цацIабариб. ГIур, гъандуцес хIейубли, ил кIапIруциб.

– Иш багъадур хъунул адам игитла уличи лайикъли сари! – викIар ил, барх лебтачи дугъайзурли. – Шел дусалра диублира нуша ишди къачагъунас ГIелараддикили. Сириялизиб ишдала пукъа кабикахъес булан аварадиубра. ХIедиубра – радарличибад бетахъиб. Лебси мерличиб кIунбацIиб. Агъ, неш! ХIуни нушаб барибси кумек! Бура, хIед се хIяжатлил! ХIед дигуси барес вирус! Орденра лугахъис!

– Сирагыр хIерриули, Гляшат бикIуси дила пергер гIяxIял хъунул кIер, иличи рашахъес наб их нушала шан Эскендерла МяхIяммадлагъуна «Нива» машина бигахъира, баҳъ вайси гъуни сабину Сирагы аркъуси. Гляшатра рухънараили сари, хъулирад дурапулхъес риули ахIен.

– «Нива» марикIудну, «Мерседес» бихабара, Саят-аба. ХIедкIун иш гъакIлизиб илра камси сабину. Чебиултив нушала шилизи сегъуна гъуни барилли?! Тяп илгъуна гъуни хIу багъандан Сирагыра бирахъехIе, – викIар Глябдуразакъ.

– Наб «Нивара» биур, дила дурхIни, лябкуси жумягIлизир ХизрихIяжи-устадла хIябличи зияратли бухъна Мугри аркъусира, гъуни балбарайчи хIерли кариэс дила замана агара.

– Иш чинарад рагъарриуба? – дугъайзур генерал бархкъябачи, Саят-абала мякълар тIашси Шамсият хIасибарили.

– Саят-абачил парх ишра лерри. Илала уршила рурси сари, шилизи сарицун хIерриуси хала нешличи шадир ракIибси.

– Багъадур руили сари ишра! ХIед се дигахъади, дила рурси?! Бура! Уруз-макIуд!

– Ноутбук, – гъала хIебла берхIиван пишряхъиб Шамсият генераллис.
– ИшбархIил баргая ва бегIлара гIяхIсигъуна бедая, – буйрухъ бедиб генералли.

БархIехъ ТIумала чIянкIличи духби дихуси зурбаси журала вертолет кабииб ва дуги-дугили НЛО арбухиб.

Гергъила бархIи Магъдини гIугIуйбмад, хала нешлис гъаларухъи, Шамсият бурушларад харчизур.

– Дила берхIи, даг нушаб бетаурси маррив, гъари, муэррив? – рикIар илизи Саят-аба.

– Марри, хала неш! – разили пишряхъиб Шамсият, тахличибси сунела ноутбук чебиахъули. Улкъайлизирад азбарлизи хIерризурхIели, Саят-абани илаб тIашси сунела сагаси «Нивара» чебаиб.

Хапли унзализи къутIла тIама адердиб.

– Савлиличивад дурайкибси чи виэс гIягIиниси? – Саят-абани унза абхъиб. Къялтнigъунти хIяна супелтира сайра мешебей ГIядус!

– Саят-ханум, хIуни, марлирагу, наб мат кабатурри! Гъанбиркуру, ну НЛО чебаира викIухIели, хIу «Абдалиублири, ГIядус!» рикIусири. Дуги-дугили арбухили саби ил, адатази чебаахъес дигули хIебургар. ХIушани илала сурат касиря дургуда. Се чебаадра, сурат сайсахъес нуникIун хIу маxарибсири. Касирив сурат?

– Гайгъай, – ГIядуслис Саят-аба пишряхъиб.

– Бихая! Газетализи хIушачила белкIес дигулра. Иш гъакIис къалли хIуша чедаэс Москвализибад булан журналистуни лябъян! Амма наб илдас гъалавхъес дигулра.

– Гавлаг хивала! – рикIар Саят - аба.

– Бирар! – пишяхъиб, хIяна супел къяртIлукIули, мешебей ГIядус.



*Дагъиста халкъла писатель
Тҟябдуселим ЧемягИловлис - 70 дус*



КАНИЛА ИЗАЛА

Сунес ярга сабаибси рабза ва декIси хуунул адам бара унзализи рарцхIе-рикили тухтурличи арацIиб. Халаси къияйчил ил кариибси мерличи сараиб.

- Ада! XIy саррив гъари, уркIрухъи хIеризур тухтур.
- Марли хIералулрав?
- Чераимад рагъесли ахIенри. Се бетаурлив хIед? Дебали рарсриублиригу.
- Ну дебали декIриублира, дила рузи Нурият. Къашма хIилхIи рихулра.
- Чум килоличи абиркулив хIела битIакI?
- Даҳъал килоби лер, жан Нурият. Илди хIедуралра чебаэсли саби. Селис IягIнилив дурес?
- Русни-рукни сегъунав хIела?
- Русра русулра, рукесра рибулра.
- ХIед мурталра сагъли рукес дигахъади. ИмцIаси беркалара диргалабулхъули биран.
- Нуни даҳъал дукни багъандан церхъриубсира или гъанбиркулив хIед?
- Берклума хIериадли, гIур се сабаб биэса? XIy зягIиприклирив?
- ЗягIиплира ахIенра, жан рузи. Давлениера лебсигъуна саби. Къашми изули, ахъдирули ахIен.
- УркIи севану хIела?
- ХIебалас, гъигъиркIес декIли саби:
- Гъари, гъамрии, ахтардибирахIе.
- Карикесила урехили, Адани сари кариибси ута гъяж-гъяжбариб, сенкIун хъулибси утара бячунсирину.
- Рузули рургуд, Ада?
- ХIерузули гIямал бетхIерулину, дила ахIер. Гъалабла мерличир дурхIана-ла анхълизир рузулра.
- ХIебиалли, Ада, хIела баари яшав лебли саби.

- Нуни дахъал дукули дургар или гъанбиркулив хIед?
- Лерли гIергъи сен хIедукути?
- Аллагыличира дахъал дукули хIериус. ЦархIилта букуси бирар нунира букуси.
- ХIебиалли, илдира хIед гIелабулхъутигъунти ахIен.
- Берклуми лер диалли, илди хIедеркес, заядарес, лайдакIес асухIебиараргу. БиштIатара сецад гIелар далтулив илди?
- ХIу жагъил адам сарри, Ада. ХIела чархлизиб селра изусира агара. ХIезир чекукъути имцIати берклуми сари. Илди камдарес чебиркур. Бахъ хъярхъли букули саби хIела шинкъан! БагълахIебарадли, хIу гIур ишди унзаларад набсчи арацIес рирхIерируд – унзала рухIана кахIерурцуд. Ну хIечи дура рашес хIериус. ХIела изуси кани саби! ДекIбикIусира ил саби.

ГIУР СЕ БЕТАУРА?

– Дила къайда бурес агарли гIяхIсири, – вехIихъиб Гъарун. – Шагъарла дураб юлдашнуничил барх бархIи беркIира. Дурхъаси машиналичи тIинтIиубли кайили, итара ишара кIел сягIятцадхIи дашулихъалли, бамсри се сабилра хIебагъурра.

Гъарунна хабар гIеркъаси гъаяван зузбилтIини балули, Арун викIар:

- Дахъал гъай селис гIягIнити? – се бетаурал къантIли бурагу.
- Валлагъ, хIу сабурагар уилри!
- СецацадхIи лехIихъусив хIечи? Буруси бурили бекIбарагу. Гъу, гIяхIси сабину – таманбара гIур се бетаурал.
- ГIур ну шагъарлизибад башуси машиналичи кайира.
- Юлдашунна хъули хIевкадив гъатIи хIу?
- Илди шагъарла цархIил шайчиб хIербирули саби. ГIягIилирив илди инжитбарес? Илбагъандан маршруткаличи кайира. Ил бархъли нушала хъа гъалаб тIашиуси саби, юлдашунира иличи къабулбикеб.
- Бархъси саби. ГIур се бетаура? ХIу маршруткаличи кайри.
- ГIе, кайира. Се чебаирев нуни? Шилизибси нушала яхализиб къулайли бири, иличибван ахIи. Кайрути мерани няслири, къасурби чедидуциби чIянкIи дурдилри. Юх, уркурличиб гъалаб ахIенри илгъуна машина.
- Илдира нуни далути сарри, нушала шагъарлизир адамла уркIи разибиэсти маршруткаби камли къаршидиркур. ГIур се бетаура?
- Агъагъай, хIябра сабур агарси леври къалли!
- СецацадхIи лехIахъес гIягIили хIечи? Селис дурут илди хIуни набзи?
- СелискIун, ца чеадри хIуни рульчики кайиси? ХIябялгIунси бяхI, гъазли берхъибси бекI, нясти гъез. Нясси хIева!
- Астагъипиуллагъ! – гIясикикIули сай Арун. Нунира сегъунти-дигара адамти чебиулра. ГIур, гIур се бетаура?
- Ит шупирлис гъанбиркули бурги, сунела машиналичиби адамти ахIи, вацIала хъитIими дургар или. Итцад тIяхIбикIахъес гIягIисив машина?
- Аллагыу акбар!
- Сабурбарагу, хIела сабур каберх! Набчил бетаурси бурили бекIиэс хIей-пар или гъанбиркулив хIед?
- Гъу, се бетаура беталра?

— Эй, гъалмагъ шупир, — ира нуни илизи, — се машина сабив иш хIуни адамти бикуси?

— ЦархIил агара биалли, се бариша? — викIи. — ЦархIил лебси биалри, иличиб бикаси.

— Машинала бухIнаб камсилра умудешалра барес хIейрусив гъари? — ира нуни кIинайсра.

— ХIед хIебигули виадли, дураухъен, — иб.

— Набчира шупирли дурутачира лехIахъили, машинала бухIнабта ну гIе-вуцира:

— Машина бухънаси биалра, умули бихIес ва жагали бикес вирусигу. ХIези гъайбси иш мурул адамлизи «хIебигули виадли, дуравхъен» викIулри хIу. Гъу, нушара дурадухъишав?

Илдала гъайлисра шупирли дубхIехъиб ва машинала бухIнала чебиахъу-си дяхIимцIала бархъли набчи бяхIчиали, набчи гIясили хIерикIесииб.

— Сен илини ил секIал барибал баладу?

— ХIебалас.

— Нуни балас, амма бурхIебурис.

— Сен-биалра, ну дила къакъализи каира. ЦархIилти арц агни багъандан нуни илизи даршал къурушла кагъар бедира — тIама гIяшбикIесбяхIиб Гъ-рунна. Илини наб чардарес гIягIнити арц гIясили дила някълизи дурхIиб. Унза къяпIдараҳъес ва арцличи хIеризахъес наб имкан хIегили, илини хъ-ярхъли машина гъайбариб ва хIулбала гъалавад ветахъиб.

— Нуни багъес вирули ахIенра хясала гъуникад аркъуси бухъна унцила зипIбикIуси жихIван кахIебурхуси хабар хIуни селис бурусирил?

— Буришав селисал? Ил увяхIси шупирли набзирад цархIилтазирад сай-сугата дурарад гъал къуруш имцIякъра сасили увухъун.

— ХIела лерилра гъай-мезлис гъал къурушун тIашкалил? — дукIалтIи-духъун Арунна. Эгер ит шупирла мерлав ну виаслири...

— Се бирадив?

— Дила машиналичи катIхIейрахъади, хIела дурантира хIура.

— ХIера хIугъунтира лебни балухIели саби илди илда биркъути. Я хIе-биркъули хIебуар, — хабар каберхур Гъарунна. Гъал къурушра илцад дахъал арц ахIен.

АЛЛАГЪЛА АДАМ

Сакинат-адай зягIипли хIерирули гIяхIцадхIи рибулри. Мурул РяхIман-нисра илала зигаръала анцIдукъири. Хъулирти лерилра диранти дархъкада-турли, гъачам карирули, гъачам арилзули, мерани дарсдикIахъулри.

Савли хъуливад арякъи, хIери гIергъи чарухъунси РяхIман тамашавиуб: хъунул аризурли, буруш-гIянала далдарили, къям-къуцIул, палтар-къяш ицу-ли паргиб.

— Агъ, хъунул, хIу къалли гIур атIхIерилзас рикIусири. ХIера арариубли! Наб жявлил дура арукъес гIягIниси буили саби, хIу аризахъес багъандан.

— Валлагъра, гIур атIхIерилзас или гъанбикисири, аризахъурра вакIиб-сини.

— Чи вакIибу?

— Сакинатли хIулбира чедихъили, бурхани тIул бяхIчиаиб.

- Нушала унза лертигу! Сен унзалавад вакІхІекІбсив ил? Унзалабад хІебашути адамти гІяхІти хІебирап.
- Ил вашули ахІенри. Арцурлири. Арцурли вакІра вакІб арпа арякъун.
- ХІела къагъдешли хІебагъурси рургуд. Белики, хъулки урги ил.
- АхІенри гъари! Зубрала малаик сайри. Хъулкнала муцІурти цІударти дирап. Итала муцІур цІубари.
- Гъу, се барес вакІбсири ил? Белики, нушала се-биалра арбухили ургар?
- ХІу набчив чевдукаркІулри, РяхІман. ЗягІипси адамличи чи вашарал хІебалултив хІуни?
- Тухтур вашар, гІур чи вашару?
- Илдигъунти гІяхІла нушачи гъуни хъумартаб, я Аллагъ! УркІрухъи аризурсирагу ну!
- Гъу, вакІбу, хІед дарман гибу, се бариба илини?
- Я дарман хІегиб, я набчи къячхІейкун. Ца гъайцун иб.
- Се иба? Вайси-мага бурибу?
- ГІяхІсира ахІенри: хІядуррии викІи.
- Чина? Больницализи?
- Ита, лебилра арбашуйхІи.
- ХІуни се ири – ляркъяс ирив?
- ХІуни дила жан асес вируд, дурхъаси адам, – ира нуни. Ца камси гъатІи ратабагу, – ира нуни. – Дила дахъал дарести гІелар кавлули сари. Ухъна чичи хъарли ватиша? Ну агарли илини гъанхІедурцу. Илмадан кІантІиикІур. Дила уршби-рурсбала баркъиби хъаллабарес дигулра. Илдала баркъиби къукъубачи кабатурли, цитІитІбарес дигулра. Ратаба, – ира.
- СейкІив, ралтари викІив?
- Я ралтари, я хІералтари хІеіб, валлагъ, цулбира къярждарили, вакІбси тяхІярли арпа арякъун.
- ХІебиалли ратурли сарри хІу илини. Ца адамла гъарбилзуливан, гъарбизурли саби хІелара. Игъбарла адам руилри хІу, – викІар РяхІман, хІулбидибули.
- Сарра, РяхІман, сарра. Нугъуна Аллагъяла адамличил хІериэс бикни хІелара халаси игъбар саби.
- Илкъайда биубли гІергъи хІед гІур цІум-зигаррикІес асухІебирап. ЦІумрикІес рехІрихъадли, ил хІечи гІурра лявкъян.

ХЪУНА БИЗИСИ ТІЕМ

- Байрамличиван дымизурли, чина гъайбариլри, Шамсудинович, – викІар ил чейбси унра.
- Бурис хІура набчил варх вакІадли.
- Гъайгъай, лявкъяс, гІяхІси мерличи аркъуси виадли.
- Ваши, хІу къаршихІейкесара или гъанбикибсири набра. ГІяхІси бетаур хІу цугикни.
- Чила-биялра мекъличи ахІи, тукейзи яра базарличи аркъутирав?
- Даҳъал секІал хъардиид къалли, – викІар Балаевич. – Гъайбара чебиидну. Шамсудинович Балаевичличив гІямрули хласири. Илкъайда илди цаличи ца дугъабилзути чула ургарти юлдашдеш гІяхІти дильни чебаахъес багъандан

бурги. Балаевичлис Шамсудинович г҃евуцес, г҃яхІси гъай бурес чевкъулри, сенкІун, хъунул ребкІили, дусцадхІи цунни сайри.

– Ваши, ит кафелизи адацІили кадирехІе, – викІар Балаевич, Шамсудиновичла гъав ахъбуцес дигули. – итар гъархІели дерцІибти г҃яргІнира, хІед дигахъуси капустала салатра дирап. Г҃яржкира сасили, датдухъес г҃яхІсири.

– Ил секІал кІинайс бирехІе, – къабулиркули сай Шамсудинович. – Гъала-гъала базарличи дякви, наб дебали хІяжатти секІал исехІе.

Ирчи Къазакъла къакъалабси базарличи абаили, илдала гъай кадерхур. Лагра-катра башути адамтала бахъдешли, илдас цахІнаб башес имкан аги. Илбагъандан Шамсудинович гъалав вашулри, Балаевич, – илис г҃елавад.

– БахъхІи башули Балаевичла сабур каберхур.

– СелигІир умцІутирав нуша? – хъарбиули сай Балаевичли гъалав вашу-силис г҃евваили.

– Чебиид, – жаваб лугули сай Шамсудиновичли.

Гъар тuke гъалаб ташбилзули, илаб бирцуси гъар секІайчи хІерикІули умцІалра, Шамсудиновичли хІяжатси секІал бургули ахІен.

«Се сабара ишщис хІяжатсилра? – сунези сунени хъарбиули сай Балае-вичли.

– Вамсурлирагу, юлдаш, сецадхІи умцІутирав нуша г҃урра?

Ца тuke гъала абаибхІели, Шамсудинович г҃елавяхІ шуряхъиб.

– Садаилра вара? – гъигъбатур Балаевичли. – Садаитигъунтира.

Шамсудинович гъярли тукейзи ухІнаухъун ва рабза тукенчизи хъарбаиб:

– ХІед ну гъаниркулрав? Дус гъалар хъунулра нура иш тукейзи дакІи-тири.

– ДакІили диэс асубирап, – гъузгъалдириуб тукенчи. – Лебилра бакІибти гъанбикахъес хІейрапгу. Хіушаб се асес дигулрав? Дила гъар журала г҃яди-каунти лер.

– Ирий хъунуйра нунира ишар духиби асибири.

– Асубирап. Сегъунтирив илди. Се бикІил гъанхІебиркуру?

– ХІейрулра гъанбикахъес. Шишара лайбакІилра.

– Се рикІиша ну хІези, багъадур? Ура хІебалули… шишалра сегъунари?

– ХъанцІа рангла сабри.

– ХІера къасурбачир сецад кІерал хъанцІа рангла. Се бикІутирил багъес г҃ягІнили къалли. Хъунузи сен хъархІебиida? ХІела телефон агарав? Ма, дила каса.

– Дила телефон леб, хъунул агара.

Тукенчи пархиб. Лерилра чедаахъес касиби шишни къасурбачи урасиб.

– Се адам сайси иш? – тамашариуб ил. Иш хъунул рапгес умцІусив, ахІи – духиби даргесу? Г҃яжаибти адамти бирули саби.

Шамсудиновичли чІумадари:

– ХІуни сен илди г҃еладяхІ кадирхъулри, дила рузи? Кадихъя иша, диха сунтІдарес. Нуни тІем хІясибли баласну.

Тукенчи се рикІусил хІебалули, уркІарухъун. Се-биалра бурили муштарчис вайбизахъишагу или урухра риуб.

– Эй, бусурман, хІу набчил хІязта виркъес вакІилрив? Тіемличибли севан баладу хІуни? Нуни хІед лерилра къяпІти шишни абхъес г҃ягІнили?

– Се баралли г҃яхІсира, дила рузи?

— Духиби сегъунти диалра се декIардеша? Иш яргалис цархIилти аса.
— ДекIардеш хIебиалри ну иша лявхIякьира. Илди цархIил тукейзирра
асес вираси. Наб хIяжатти тяп ириъ асибтигъунти духиби сари. Дила хъулиб
баягъи ит бизиси тIем биубли дигулра – дила хъуна бизиси тIем.

УркIархуунси тукенчи кумекиахъесван Балаевиччи вякъизур – че-
викалри набчивад иш адам!

— Шамсудинович, – иб урух-урухли Баллаевиччи, – цархIилти тукентази-
ра гъардикIегу. Хед итдала ура гъанхIебикесал. Белики, ишар хIедурги
хIушани духиби асиби?

— Ишар сарри! – гIясили кайзур Шамсудинович. – Ватаба хIуни ну!

Тукенчила яхI каберхур ва тукейзирад дурагурухъун. Илис гIелабад кIелра
юлдашлира тукен бархъбатур.

Илала гIергъи – гъалавван Шамсудинович гъавиубли, гIелавад Балаевич
вашули, дахъал тукенти чедидяхъиб. Амма сунела хъунагъуна ит тIягIямла
тIемла духиби даргес хIебиуб...

БерцIибси гIяргIяла диъла тIемра духибалайчиб гIелахIебулхъи, гIяря-
кьира вайти ахIенри. БикIуливан, илдала къайда «къялубачиб» сабри. Ихти-
латра бемжурлири:

— ХIушани дила уркIи иргъхIергъулра, бусурманти, – сагали чарулхъ-
улри Шамсудинович тIягIямла тIеманачила бурусиличи. Хъунул ребкIили
агарли риалра, илала бизити тIемана ну ряхIятирулра Амма даххIи агарли
илди таманни детихъни балулра. Ил юртлизи чарухъесра дила иштяхI буб-
кIули саби.

Илгъуна агилизивси адамла децIли Балаевичла уркIира буциб. Шамсуди-
новиччи уркIецидухъун, илис кумек гIягIили биъни чебаиб

Сен-сабрил гIергъила бархIи Балаевич баягъи ит даг саби бякъунси ту-
кейзи ацIиб ва гIямрулизиб бегI гъалаб хъунуйс савгъатлис бегIлара дурхъа-
си хъанцIа шишализирти ахIимакъ духиби асиб.

Шурд. ХIябиб КЬУРБАНОВ.



Поэзия



ХЯПИЗ АБАКАРОВ

ХАБАР БИРАР ИЛХИЕЛИ

**Хажакунт бикIар нушаб
Алавти шимала халкъ.
Уржибешлизиб саби
Шила жамигIятла цIакъ.**

**Масхуртала устнира
Нуша-ургаб баxъал леб.
Масхара иргъусила
УркIилизир дирап xIеб.**

**ХIял гъалакти саб или
Хабарли дурутира,
Къияйзи икибсилис
Кумекра бирутира.**

**Вайти гъундурикадра
Арцуртиван дашуулра,
БехIемцI биубли гIергъи,
Лерил пашмандиуулра.**

**Гъякулис сен баркъуди
Гъалабулхъахъутира?
БахъбикIули саб къалли
ХатIаби дирутира.**

**Хъярхъли цIа дишес нуша
БажардикIун диркуулра,
Амма цIа xIедиркахъес
МяхIкамдеш хIебиуулра.**

**УчIули сайгу адам
Гъякуличи иркуси,
ДелчIунси улхъули сай
ХIеделчIунти веcIизи.**

**ДурхIяли вирухIели,
УчIес набра дигулри,
Ил барес бикхIебикиб,
Гъабизуна xIелтули.**

**Хажакунт камли бучIини
АхIен наб гIяxIилзули,
УчIес валилзули сай
Рахли ца, гъарбизалли.**

**УчIес дигуси ахIен
Нушачив гIевурцули,
ХIяжатси адам варгес
Лебал гIурра умцIули.**

**Учительра ишбархIи
АхIен гъеч гIевушили.
Школара сен-сабил
Кавлули саб цIуръали.**

**Дагъри агъуладарес
ДармунтикIун дахъал лер,
Дагъри гъаладяхI дукес
Камси саб бируси xIер.**

Держли хIурмат бакIахъиб
ВикIуси чехIеира,
ГIяркыилизиб кягIиби
Чумилра чебаира.

Хажакунт машгъурбиуб
Къиянти дусмазибра:
Гъабзадеш чедаахъиб
ГIяякъакъализири.

Бахъал бири нушачиб
Хабардерхур анхъчиби,
Хажакунт биругури
Бурибти зяхIиматчиби.

Низам-къяйда дулъанти
ХIейгулра баҳъбикIули,
Адамти бижгурхIели,
Сайра къакъаинкIули.

Даршудеш – нигIимат саби
Гъанна бегIла дурхъаси.

БирхIути ва бижгурти
Чебиэс хIейгахъаси.

Яшавлизир ишбархIи
АхIенкъира эршили,
Дургъала дусмазирван
АхIенрагу уржили.

Бушкала сен чIумасив? –
Дахъал мурчIи лерхIели!
Адамтира цIакъти саб
ТIулбиван уржибхIели.

Някъ бурцая цIацIали,
УркIби умударили,
Дигадалли Аллагъали
ХIуша разидарили.

Гъалаб бирул кIелгъуна
Хабар бирар илхIели,
ХIушачи имцIадирар
Диги, уркIила хIели.

БАЗАР БЕТАУР ДУНЬЯ

Чедаая сен хъярхъли
Дарскадиубал ГIямру.
ТалихIечевси сай адам
Бихул Аллагъала амру.

Гъар секIал къулайдиуб
АхIенра ну викIули,
СенкIун хъубзара адам
Чейулра цIумикIули.

Халкъли селра багъайчи,
Улка хъулкнази бикиб,
ЦахIнабли пачалихъла
Къуллукъ жявли абикиб.

ВерхIцIали дус дургъули,
ХIилхIи сархибси бархъдеш
Хасмушуна кабушиб,
БетахъибхIели сахъдеш.

Халкъ гъарали лутПаннис
БикIули саб бизнесмен,
Халкълис ГIяхIси биралли,
Бураб, хIевзуси ил сен?

Ца давлачевиахъес
Даршал саби лутIули.
Сепад давла бучалра
Къуртма ахIен лукъули.

Давла бикибити саби
Ханани бетаурли,
Узи-рузи булан саб
Илдани хъумкартурли.

СягIятван бузул улка
Базар саб бетаурли:
Вачар-чакар ахIенси
АхIен селра батурли.

Адаб-хIяя адамта
Саригу хъумуртули,
Чебаая, сен хъярхъли
БуцIачи шурбулхъули.

Велкъун узи мискиннис
АхIен узи викIули,
ХIейгули сай ил чеэс,
Виаллира убкIули.

Мискинси гIяхIял булан
АхIен хураибули,
Аллагъла вакиллизи
Бири ил халибули.

Гъар гIямзилар абхъибити
ДетIили сар базурти,
Чина хIеризадлира,
Демжурли сар вачурти.

Бузес хIянчи агартаас
Седибути базурти?
Лебсилисра лугути
Саригу къарапулти.

Базригантасра гъанна
ДетIили сар базурти,
СенкIун масани асес
Агара арцла бегIти.

Къалпчиба базурти сар
Чус урдаби дарили,
ХIу виргIес хIядурли саб,
Авал хIули дарили.

Дунъяличиб хабарла
Бири нушала улка.
Илизирти давлуми
Дирулри дусли хIябка.

Бехъубли тIутIубариб,
КIел пIягъили бургъули.
Илди вершаби биъни
Гъанна саби иргъули.

Душманти руржахъесцад
Цакъра лебри улкала,
ХIевъуси урухири,
ГъакIбарили дукала.

БархIиличи бархIи сар
Декъра дурхъадикIули,
«ЖягIял сели дукехIе?», –
Пакъирти саб бисули.

Пачалихъли ишбархIи
Мискин ахIен валули,
Аричи сай арцла вегI,
Виаллира вилгIули.

Мукъарлис бецIгъуна сай
Мискиннис гъанна хIяким,
Ца къямлабад букули
Саб лебил хIяким-карим.

«Бусурманра» бикIути
Сабигу баҳъбикIули,
Амма дин-ислам сари
ГIурра чIукъадикIули.

ХIякимла узби саби
ИшбархIи маллубира:
«Нушаб хIедулгадалли,
Вайли бираг гъатIира!»

Агъ, дила динна узби,
БакIиб къалли мусибат,
Ишди хъунцIбар буцIани
Аишара нуша дат?!

Мижитлизира илди
Нушачил башули саб,
ДехIибала даресра
Мякъла кабилзули саб.

Някъби ахъкадуцили,
АлхIямра бучIули саб,
Нушаничибра ункъли
Къиблара балули саб.

Хиялалси букусицуң
Сай алжайзи аркъуси,
Бигүнси биалли, хед
Варъара саб къуткъуси.

Урхла бигүнси букул
Душман сай Аллагълара,

Илис гъартгили дуру
Къапу жагъаннаблара.

Аллагъ валхелусили
Идбаг декар валусив?
Дунъя базар биалли,
Балга чинаб бирусив?

ХАЖАКУНТЛИС БАЛГА

Жамигъят цабиалли,
Гъар секъал гъунчидиркур,
Къияндешуачибад
Гъамадли чедибиркур.

Ясируцибси Шамил
Пачачи аркухели,
Хажалагиялизив
Уилри ташизурли.

Мижитлизи ацъили,
Дехъбала дарилри.
Нушала халкъличила
Гъяхъти гъайра дурилри:

«Херкъ итшайчибити хелла
Душманти саби!» – бикъи.

«Хатлаикири, Шамил»,
Бикъули саби уркъи.

«Хушала шаб, – викъи ил
Баракат камхебирар,
Гурхъели ил гъатъира,
Вецинали имцъабирар».

Духули хердиахъес
Ил нушази махикъи.
Сунела узбазиван
Ил малхъямли гъайикъи.

Чеббалкъунтачирадра
Тядили дуэнай,
Бецъла дякъкад баштути
Гъарахъли балтеная.

САБУР БЕДАБ АДАМЛИС

Сабур агарси адам
Вирап хъябра язихъси:
Урхлис ахъенну, сунес
Хъебала барес гъяхъси.

Цархиллис децъагахъес
Селизилра хъебиру,
Бегъла гъергъи бурул гъай
Бегълара гъалаб буру.

Хала бегъта делкъунти
Дурхъати кунганира,
Сабурбires балахъес
Саригу маҳдикъули.

Хъейрап гъалакси хъялра
Эс вайси саби или,
Сенкъун гъамрулизиб ил
Бирарап хъяжатбиркули.

Гъяхъти гъяхълдеш дарес
Бирарап гъалакбикъули,
Байрамра дурабуркъи,
Хъярхъли хъядурбикъули.

Сабур вегъ адам сай
Мурталра духусира,
Марлира, илгъуна сай
Аллагълис дигусира.

**Мурадличи виуси
Сабурла вегI хIейрару?
Уркурли гIяра бурцан
Ахъушайс хIебикIару?**

**Сабурагарси адам
Гумайлавра хIейгахъу.
ВайтIа дирап духъути
Гъалакли дегIунти хъу.**

**Сабур агарси адам
Паргъатли усес хIейрар:
Изуси хIебиалра,
Базличивра жургъикIар.**


**Сабур бирахъес сари
Адамлис дагъри гибти.
Сабурла беIти бирар
Мурадличи биути.**

**Мургъи-арц агарлира
Адам хIериэс виар.
Някъ белкъайчи узалли,
Илдира дучес виар.**

**Сабур агар адамлис
Дайм къянни бирар:
Ца балагъ чеббикалли,
ЦархIил башули бирар.**

**Сабур агар – мурталра
Адалкунти цIализив,
Сабурла вегI биалли –
Алжанала анхълизив.**

**Бурибси гъай – цIуб арцла,
ХIебурибси – мургъила.
Сабурла умхъули саб
ГIянд ирзуси гIямрула.**



Проза

Х.Ябид Наврузовис - 85 дус



ПАГЬМУКАР АРТИСТ ВА ПЕРГЕР АДАМ

Х.Ябид Наврузов гъаникалли, лихтазир илала разити дукелци гурдулхъ-
ухтеван билзан, хулбала гъала биалли илала разити дяхтагдилзан. Ил ва-
лутани, саби чинаб къаршибикалра, гъанхтейкахъили сеннира хелта, илала
разити масхуртала асар сай мякълав агархтелира гъалмагъуначиб лебал.

Шалгтебубхъунси даршдусла верхтичили ибти дусмазир Пушкинна
къакъализиси республикала газетабала редакцияби мерладиубси юртла
лацличи адамтази делчихъес бара дурадухъунти ва краскали төмдиктүли
лералти газетабала номерти черяхтакайхъули дира. Гъачамра, урхулизиси ба-
зили, «Ленинград» гостиницализи чарбулхъуси туристунала разиси къукъя
«Ленинна байрахъ» газетализи хербиктүлри. «Нуни иш газета белчес ри-
рулра ва мягтна иргъулра», – ахъли риктэр туристунала ургарад ахъси къар-
къя реги, хъянцга хулбар, шалати гъезла реги ца жагъил рурси. Редакцияли-
зи хянчиличи лявкууси Х.Ябид Наврузов илав къаршикиб ва илмадан иб:
«Нушала мез иргъниличи сен тамашариуда? Хушактун нушала дурхтни
сарраягу!» Лебилра разили дукарбяхтуб ва цаван лебталалра гъав ахъбиуб.
Илхтели беглара разисира сай Х.Ябид сайри.

Гъачамра, бузерила бархти таманбиубли Гергьи, Х.Ябира, Амир-Гъ-
азира, нура шагъарла пляжлизи дазес дякъунра. Гур илабси кафелизира
адацтира. Ца стол-алав кабииси жагъиль адамтала къукъя разили ихтилат-
биктүлри. Илдала ургав Индияла кинолизисигъуна дөрхъибти духъяна х.Я-
на супелтар тымадара леври. Х.Ябид вархъли иличивхт ватихъиб. Тымада
айзур ва келра някъли Х.Ябид краптубиц: «Мой дорогой, какими судьба-
ми...». Ил Махиячкала портла капитан-насихтчи Таркнаев Махимуд
Глялиевич уилри. Х.Ябили Шудара урхула Флотлизиси къуллукъбирихтэ-
ли, Таркнаев давила гамила капитанни калунси уилри. Х.Ябид гамиличив
кок (хурегуни диран) сайри. Итхтели Х.Ябилизибра жагъиль бугъализисиб-
уна цакъ лебри. Ил урхварес вализурси халаси къаркъя веги ца одессалан-

нис Хіябили чұмали дикахъили уилри. Ил бехіемдікличила Таркнаевлира бағыурлири. Илини гамила экипаж бучиб. Морякунан биалли балулри Наврузовра Таркнаева дагыистанланти биъни. «Флотлизир миллатуни лерти ахен, нуша лерилра қадеңі сарра. Хушала баркүуди лебилра гамила экипажличи Гіайиб бакіахъес асубири. Цархіл капитай хіушаб диван бири, нуні ил хібірис. Хушала баркүуди лебтасалра дарсли бетааб», – викілар Таркнаев ва кіелра моряк чұмали сұктубаріб, амма танbihұнуни хіедарили батур. Декіларли викахъили, илини Хіябилизи иб: «Хіезир халати гъабзадеш лер, амма мяжікамли уэн».

...Чуйнара нуша шадибгүнни барес табигіятла жагати мер-мусаличи дякъунра. Хіябіб илав гъарил яргализив ціала мякълав вирусири. Хурегунала урибси уста сайри. Сунечи хъули дякъунхіелира, сунени хурег балкъараҳъули вири. «Ағы, хіябила дигахъис ціаличиб чишила тіама!» – дигахъи илистикрарбірес.

Тамашала масхарачи сайри ил. «Советский Союзлизиб хіябал машгүрти драматург саби лебти. Цаибил – Розов, кіибил – Арбузов. Хіябі бил чи сая? – хъарбии илини ва ғұр сунела къянкъула шайзи пишахъили тұл къячбурши. – Ил, хіера иш хушала юлдаш Наврузов!» – викіл ил.

– Нушала Хіябіб тетрлизив артистли калунси виалри, Даргала театр Дагыистайзіб цаибил мерличиб бирусири. Ил театрлизивад арукънилицил сегъуна актер ветахъibal! – деңгіличи бурули вири пагъмукар поэт Ражаб Адамадзиели. – Театрлизив калунси виалри, ил я балагъ-қадарлизи виркуси ахенри!

Се балагъ-қадарри илди? Дағыиста писательтала Союзлизив узуси замана, Союзла кассализирад касили, ресторанизир харждариби арц бағындан Гіайиблизи уцили, туснакъвараҳъес балбизурли буилри, хіятта арц лебтанилра дарх деркунти диаллира. «Ленинна байрахъ» газетали Хіябіб сунела хіерудили касибсири ва туснакъвараҳъес ватурси ахенри. Лебтанилра балра балусири Хіябіб я хъулки хъямчи хіейнира. Хіябіб хаслира вигахъи Гіяхімадхан Абу-Бакарлис. Чуйнара Абу-Бакарли лукіантала къушум цалабикибси замана илала «Дебшиб Рабаза маза» бикіуси назму ғапбарисири. «Зархіти пикруми бекілизи даушуси адам сай, амма илди қағъарличи гечдарес къалабахіейкілар қадаң», - бурули вири Хіябіличила Гіяхімадхай ва илала пагъумурти ахълы кыматладири.

– Царахіел бялихъчила Бархіи саби, амма нушани газетализи иличила селра белкіес бағыурли ахенра, – викіулра гъачам Хіябилизи.

– Ил хатіра нушани хъархъли гъарбірекіе, – викілар Хіябіб ва, сай гъалав вашахъули, кіелра гъанна къел-хіерзилра кахіелунси, итхіели биалли сунезиб хіябалра сменализиб чумал азир адам бузуси бялихъунала консервабала заводлизидіхі датдихъира. Илар Ленинна орденничил наградитърабири Дахадаевла районнизирадсі Қибаң бикіуси гъаркъя ялчи лерсири. Хіябіли иличила очерк белкіунсири. Заводла мякълаб итхіели бялихъуни верали дирхъяхъуси комбинатра бири. Гъанна илалара къел-хіерзи агара: «дарсдеңүни кадиркахъуси манзилла» мусибатли илра къярай.

– Ишаб бузутира бялихъуначил бархбасунти саби. Ваши, иша гъардикілекіену, –ира нуни. Хіябіб къабуликиб. Комбинатла директор хъунул адам сарри. Дебали разириуб. Газетализи кабияхъяһъес комбинатла гъабкъябала барх касибси суратра гиб. Аркыухіели нушаб илини халали ахенси бергарага гъабуциб:

– Нушани дурайуси продукция кыматлабарес дирудая, – рикілар ил, разили пишрхъили. Ил вералибяхъибси хіунтіена бялихъла бутіа буилри.

Бялихъчикала кинотеатрла мякълаб итхIели «Вина и конъяки Дагестана» бикIуси къунтIа бири. Чула сагали дурабухъунси жуз бирцес яра ихтилат-барес поэтуни ва писательти имцIали ил къунтIализи башули бири. Нушаб гибси бялихъ кIел бутIаличи буртIexIe или, ХIябибра нура ил къунтIализи духIнадухъунра. Столла гIелаб разиси ихтилат бемжакхъурли поэтунала къукъя лебри: Расул ХIямзатов, Хизгил Авшалумов, Гъазим-Бег БяхIяндов ва гIурра чумал адам.

ХIябибли буфетчицашибад халаси дис сасиб ва нушаб гибси бялихъ хIя-бал бутIаличи бутIиб. КIел бутIа сагали кагъарлизи дергур. За бутIа биалли гъатIира дибГIянти диштIати кесекуначи бутIиб. Илдачилси къамра сайра ХIябиб поэтунала къушумличивяxI ватихъиб.

– ХIябиб! Ишаб се бирулри? – викIар някълизиб конъякли бицIиси къаш ахъси пигъайчил тIашси Расул. ХIябиблизибси къамлизирад бизили тIем-дикIути бялихъла бутIни чедаибхIели, ил гъатIира развиуб.

– ХIуша ишар дийни багъурли, иш бялихъличил вакIилра, – викIар, гъала хIебла берхIиван пишхъили, ХIябибра.

– Илгъуна барьуди бацIли батес асухIебирап, – викIар Р. ХIямзатов ва нушабра пигълуми дицIиб.

Някъбазир диштIати бергарагуначил нуша редакциялизи чардухъунра. ЖаняхIлизив ГIяхIмадхан къаршиикиб. Илалара къянкъубази нушазибси бялихъла тIем гилдибухъун ва, къянкъ гъаббашахъули, илинира бекI ахъ-буциб ва иштяхIличил гъава сунтIбариб. ХIябиблис сегъунарил лишан ба-риб ва нуша илис гIеларад кабинетлизи адацIира. Гъайла къантIа, нушаб калунти кIелра бутIализибад ца илабра бигГIянбарира. Итил бергарагли-зиси биалли, кIелбарили, ХIябиблисра набра батурра. Гулмендила дегI сиг-гаретабала пачкагъунти кесекуни сарри хъули даибти. Амма ит бялихъли чум адам разибарибал! Абу-БакарликIун Ильяс ХIусейновра Амир-Гъазира жибараҳъиб. Сегъунти адамти пайлабиубал! Гъанна илди нушала мякълаб агара, чула хIябри нурли дицIарти!

Гъачамра Амир-Гъазира, ХIясанхъала Ильясра, Наврузла ХIябибра, нура пагъумчерси поэтесса Хамис Маллаевани Манаскентлизибси сунела юртла азбарлизибси къую мурхъбараҳъес дукитири. Шел метрлара-сера мурхъси къую нушани гъатIира кIел метрлацад мурхъбарира, амма шин хIедакIиб. Гъаялизи вигъи, ХIябиб къуюла ухIна катурсири, мурхъбараҳъес. СалтIа гIянжили дицIибти бадруми Амир-Гъазини сарри гъаяла кумекличил къуюларад дурадилтIути. Нуни бадираличил гIянжи ца халаси бекIализи гечди-рутитири. Сегъунарил хIянчи Ильясличира хъарбикиб. Ванаси бархIи сабри. ДекIти хIянчиличи бурсихIедиубти нушачи бируси ил халаси гуж сабри. ХIера, «Някъби дирцая, хинкI сабаили саби» или багъахъур. Хъалибаргли-чил республикала дуарар букIундеш дируси X. Маллаевани нушаб цIерхъси шам белгъи руилри.

Амир къуюла ухIна гъавкакIиб ва ХIябилизи «ЖибикIули саби. Нуша хинкIа дукес аркъулра» или, багъахъур. «Нуни се бариша?» – къуюла ухIна-вад цIумухъун ХIябиб. Гъаялизи бигъунси бадирализи къашми кадатахъ-урли, ил нушани чеди дурасес гIягIнгисири. «Ил хIела къуллукъ саби! ХIед дигута виркъен!» – викIар авараагарли къуюла ухIавсилизи Амир-Гъази. «Ну ишав ватасли, хIушаб бунагъ биур!» – удидад чехиб ХIябибла тIама. «Ил нушани чекайсехIе!» – чедивад дукархIиб Амир-Гъази. «Адамти му-

забухъаъес нуни вявдеш ахъдурцис!» – гымукИлри ХIябиб. «Илра хела къуллукъ саби, – аргъахъиб Амир-Гъазини. – Духути адамти гъанна хIерейс къацIли букули саби. Чи саю хIела вявдешличи музалхъуси? Синкацад левригу хIу, нушани севан дурайсусири къюловад? Дамсурти нуша ду-кунхIели, хинкIира ца къямлизир нергъра лерхехIену, илав кайили уэн!» ИлхIели ХIябиб тамай вижгур: «Фашистуни дуилраягу гъари хIуша, нуни хIебагъури хъалли». «ХIераягу ца! Къюловад дурасабая викIуси адамли нуша гIурра фашистунази халдирулрагу!» – хIекъли жиндралавиубсила да-риб Амир-Гъазинира. ИтатIивван тIашси ХIясанхъала нушала пишначи ду-каркIули сай. Гур Ильяс сайра къюлизи гъавкакIиб ва ХIябилис нушази, фашистуни хIейкIули, неш-душелизован тиладиухъаъес маслигIятбариб.

Ахира, капронна тәнниллизы хіябалра дарх дитіліли, пурхурикілесі Хіябіб къюлавад дурасира. Зуздикіли дамсурти нуша, андаличибси май-ара ушкули, декіли гыгъидикілүрі. Сай Хіябіб биалли нушачив дукарқұлу сай. «Кадарцая, мялғұнти!» – викіли.

...Хияб Наврузовличил варх ну Кочубейла ва Къизларла зонабазибы буқIуачи, хъараҳунашиби мицIираг адилкъантачи, урхъула дублабти бялихъчибачи, ризкыила сабухъ бурчтуи ва мицIираглис янилис дугени хIядурдирути зяхIматчибачи вякъунра. Иларад итхАели нушани репортажуира лукIутири. Гъарил архIяличила декIарси хабар бурес вирап...

Набигъбарбиуб Сулайбан Рабадановра Хиябид Наврузовра къумурла гелаб разили ихтилатбикюли чебаэсра. Илди къелра дибгашанти сабри.

Хъябили Ереванъна театральныи институтлизиб ахъыбси даргала студия таманбариб. Москвализир М. Горькийла уличилси Литературный институтлизирти чебях^Іси даражала курсани делч^Іун. Гъмарла Батирайла уличилси театрлизив актерли ва директорли узули калун. Калун Дагъоблсовпрофла художественная самодеятельностьла Юртла директорлира. Дагъиста писательтала Союзлизибси художественная литература Тинт^Ібинрила шайчибси бюрола заведующийлира узи ил. «Ленинна байрахъ» газетализив корреспондира калун. Кинотеатрла директорлира узи. Гъар шайчив пагъмукар адам сайри Хъяб.^І

Дагъиста жузала издательстволи XI. Наврузовла «Артист ва хъярчи», «Умцүли левалра», «Багъадуртала наслу», «Къара-Къуреш» бикбуты жузи дураиб. Даргала театрли XI. Наврузовли делкунти авал пьеса хъясибли спектакльти кадихъиб. Лукъес хабуртачивад веҳихъибсири илра. Дураиб назмуртала жузра. Амма беглара сабухъевли узули вири ил драматурги-ялизив. Даргантас ҳаслира Гъяҳизурсири XI. Наврузовли И. Байгишиев-личил барх белкунси «Багъатирла Гъалибег» бикбуси художественно-документальная драма хъясибли кабихъибси спектакль.

Даргала писатель-драматург ХІябіб Наврузовли делкүнти Гіяхітігүнти драмала произведениеби кадерхахъурси «Багъадуртала наслу» бикүси жуз 1987 ибил дуслизиб дурабухъунсири. Амма ил Хіябіліс някъбази бу-цес хібекиб, сенкүн декіси изай илала Гіямру пагъму бегілара вавалибаяхъ-ибис замана къябаид.

Хъябъи Наврузов Гъарли-марли багъадуртала наслулизивадси адам сайри. Ишдус ил акIубхIейчирад 85 дус дикиб.

Тавсултан СЯГИДОВ

ХЯБИБ НАВРУЗОВ

УМЦІУЛИ ЛЕВАЛРА

Гъалцад дус дикили сари нуни иш кагъар белкIунхIейчирад. ИтхIейчирад, бикIуливан, хIуркIбани урхънази дахъал шин ардухиб. БелкIунсири ил нуни Щудара урхъула ругерташиб нушала гами гъайбатли куртIбикIухIели ва ну, жагъил моряқ, гъараҳъти улкназира, паргъатагарси океаничира походличи вашухIели. Агъ, пергерси заманари ил!

Дусми ардяқви диалра, баргиби белкIли дила жагъдеш гъандикахъиб. Амма нуни сунечи уркIи бирхули кагъар белкIунси рурси, жявлил шери ардяқви, дурхIнала неш ретаури, гантиризи ГяргIянан, хъалициализи рапхили сари. ГПурра буласли, наб гъанбиркули бирар, дунъяличив ну къядада гIяшикIиубси ва дигай дихъибси инсан виубси ахIен или. Эгер или хIебиали, хIушара пикридухъеная дила бархъхIебархъили калунси кагъарличила.

Кагъар ишкъаяда бехIихъибси:

«Дила хIу чехIериули Гяマル агарси дурхъаси Жамилат! Къабулдара саламти ну урхъула ургъанна. Тяп хъанцIа заклизир зубартиван ухути. ВацIала галгубала кIариван дерхъибти. Иш дунъя каберхайчи ца хIечицун урцути. Шаласи бацлизирти гъурша дамгъни цIубдиайчи...»

Саламтала Гергъи кIел тугълизирти дугъби делчIес хIейэслин дуи сари. белики, илди кIелра къяйлизиб бурги бегIлара халаси мягIна ва Жамилат, набчи хIерли кахIели, цархIиллис шери аррукънила сабаб? Белики, илди кIелра «сихIрула» тугъ дуъни сабабли бурги Жамилатличи нуни кагъар батхIеиси? Игъубси къаркъа гIелабяхI чарбарес хIейрап. Варачанра гIелабяхI батхIебирхъур. ГяМрура дусмира варачангъунти сари. Дигайлизиб хатIа баррив –гъарбарес валмалзад.

БелкI даймбирули саби. Илизиб дила жагъдешла гъигъ иргъулра.

«Саламти дурхъулра хIечи, тяп ит хIура нура диштIали дирухIели, дила убай нешла къанилабад дигIянали касили, букуси чакарван мурити... Дила Жамилат. ХIу набчирад черрерхи, дила риштIаси гъалмагъ, хIу нуни муртирил гъимрукIахъибсири. ШянкIли гъачамцун. Балултив чинар саррил? Нуша, хIура нура, хIела нешлира дила убай нешлира аршила ардукибхIели. БугIма дурчахъес. Нуни кIанрас гъакIбарибси тIерхъа хIед чегибсири. ХIу итхIели рикIади: «Балу-балули наб бяхъибсири». Валлагьи-Гязимрагу, гъаннара хIези нуни хъя бирулра, хатIаличил чегибсири. ХIу черрерхес хIериубри. ХIилхIи калун итхIели хIела нешлира дила убай нешлира нуша багъандан дунъяла хIябъибти дургъби дехIдирхъули. Аллагълизи шукру, мякъылаб цархIилти хъунул адамти къаршибикни... Селичирли тамандиритирил кIел бухъна хъуна къалмагъар?!

Ну, урухиубли гъавухъи, веткахъибсири. ХIези нуни чинав калунрал бархъли хIебурра. Гъанна бурулра. ХIушала мурали бицIибси гунерла дигIяникибсири. ХIела неш хIянчил арряқи, хIу чина-биялра дурагурухъунхIели, ну ухIнавхъи хIушала хъулибад къацIра нусила бутIара ардухира. Неш чар-

риубхIели, ил хIечил рургъули бикъули вираси, ил рургъусири, сенахIенну нуни хIушала бурт берки, ний дярхIкаурхIели. Валлагъ житнала баркъуди саби, бикIахъес. ХIу хъями-цIама риркъади: «Селра хIебалас. житни чехIедаира...». Дила дукелцIидулхъутири. Марлира, Жамилат, хIу гымрукIахъни багъандан сабрил, хIуни дила кагъарлис жаваб чарбарибхIели, уркIи рази-бареси цалра дев хIебелкIунси? Сен-биялра, хIу наб ригахъулри. БикIаргу, виштIахIели дихъибити дигай цIакъти дирап или. ХIед се гъанбиркура? Гур, ну хъули чарухъунхIели, хабар бурибсири, «валлагъ, вацIализи вякъунрану, чеввалкIи, чарухъес хIейрули калунра. ВацIализи наб синка къаршибикиб, ил набчибяхI сабухъунхIели, ну галгаличи ацIира. Синка, ну чеили, галга-личи абацIес балбизур, амма къяшли бяхъили кабикахъира...». Илдигъунти къянала хабуртачи убай неш рирхаур. Шилизив ну игит къяйда къунзикIира, амма хIу гъамалра хIериубри...

ХIура нура халакадаира. ХIу жагаси, ахъси, исбагы рурси ретаурри. Лебилра рурсбала ургарра хIугъуна къуймур чехIериаси. Гъар мурталра ну хIечи къясдешличилра, дигайли дицIиби хIулбачилра хIерикIира. ХIела пергер сипат, малхIямти гъай, гъарил кацIиси ганз – дила хIулбала гъалар дири.

Гъачам нуша школализиб ёлка баршес вацIализи ядала шиниша галга хес дякъи гъанбиркуру? ХIу, нушазирад декIаркили, хIела зилан рурсбачил раУх «Миъла хъали» бикIуси къядра аррякъунри. ХIерибиуси замана сабри. Ванаси хIебла бархIи биялра, хапли аргъ барсбиуб. Цудара гъагулта вацIала чедирти музурби ясирудуциб. Хабарра агарли къукъу-лямцI чедакIиб. Нуша иникъла дигIяндикира. ЧаяхI-заб чекъур. Нушала вожатая Тажли МяхIяммадовани буриб: «Рурсби беткахъили саби. ИлдагIив чи аркъяна умцIес?» Ну бегI гъалав дуравхъунра, сенахIенну хIура илдачил раУх сарри. Наб дигули ахIенри хIед се-биялра бетаурли. Набчил барх кIел цархIилти гъалмагъра лебри. Забли ургъухIели, вацIа гъатIира шинкIаси биар. Ил кIийна ургъар. СенахIенну иларти заб, авлахъличи дарибити къяйда, бусагIят детхIейхъур, ва букIуси бурх къяйда кIантIкадикIар. Минала галгубала духIнарад дашули, хIуша лерси мерличи дурадикира. ДяргIили, демхIурли, руржули, хIуша рурсби хивла халаси галгалиур, житала дурхIинван пяхъякилри. Агъ, итхIели хIушала хIулбала сакIубдеш! ЧянкIли жагъдешла кепдешлизи бизуртани ахIи, ил секIал хIисаббарес хIебири. ХIушала демхIурти цудара чурми, шинкIадиубдешли гъатIира духъяндаахъили, хъуцIрумачирад жибжирдухъахъири. Амма хIулби зумбартиван пархдикIулри. Агъ, илди хIулби! Гур нуни рурсбала «сихIули» дицIиби хIулби чехIедаира. Лебилра рурсбазирад хIу сарри нуни черрикIибси. Лебилра рурсбалайчирра хIела хIулби сарри им-цIали набчи атIунти. Рирхай, дила Жамилат, ил бархIи сарри ну хIечи Гя-шикъиубсира. Наб гъанбиркулри, хIела уркIила тимхъла нуни иргъулра или, хIела чархла исбагъидеш бегI гъалаб хIисаббиулра или. Ну хIечи гъамиубли, набчибси гантирила плащ хъуцIрумачи чебушира. Ил плащ адавзи Гялила сабри, гъаниркуру дила адавзи Гяли? БукIун. Дяvtазив алхунси? Илала халати, бегIми-бегIмигъунти супелти дирутири. БикIули бири, валлагъ, Зу-гъумла Гялинини дергълизи ухIнаулхъуҳели, сунела супелтазирад къяддарили, урухкIуси солдатлис гъез лугутири или: Ма хIед къияндикибхIели, иш дила супелла гъез ванабара хIела мякълав хабарлизивван кумекличив ви-

рус». Пергер, гляхгъабза адам вирусири ил. Къраиб балагъла дургъбани...

... Гъу, дила ахлерси, гур хези нуни бурасли, итхели ху дебали урузриубри. Нуниира: «Рурсби, лерилра плащлиу пяхъдикиря». Хуша, хентализи дуцибити бугимиван, цаличи ца цапакунрая. Наб гъанбикиб, дила уркила ванадешли хуша ванадарира или. Белики, ну хатавиркули виши...

Эгъ, жагъдеш, жагъдеш, Жамилат! Итхели сабри нуни хед ишгъуна далай белчунси:

Читла хевара хура
Къакъакад ратрихъадли,
Къакъал дила уркила
Къяпти унза гъаргдири.

Бацван шалал хулбачил
Шурряхъили херъадли,

Шах кабатур къарличиб
Аръа марка лямцбулхъан...

Вана-вана дугъбачил
Ванали гъайрухъадли,
Хурхъазир, дицли миъби
Дигайла цадикили...

Нуни итхели хези хебурра далай белчунра или. Юх, дила Жамилат, хейгули цумхебариси ахленрину нуни хед далай, чили-биалра багъалли, «хера, дигай дихъитачи!» иру или белчес урузиусири.

Наб гъанбиркули саби, Жамилат, хед дила сегъуналра авара хебургар или. Амма нуни ху хъумартес вирули ахленра. Хуни чизилра мабурид, ахлерси, нуни хела ула гъалабси хярп дила някъличи белкли бихули сай или. Ил «Ж»-ли ну урхъначибси гамиван гардиулра, илини хела сипат на-бзи хъумуртахъули ахлен. Амма хуни биалли ну урхъула ургъанна уркни багъес риули ахленри.

Херикулра ну дуб агарси урхъула дяхимцайчи. Хела гъай гъандиркули сари. Кайхъи усаачи пикриикулра – пикрумира хечила сари. Даг ну гамила гъала херикхъес къараайчи катурра. Урхъула хъанцидешлизиб хела сурат гъанаур. Батаира гъати далай:

Ху Каспила дубларри,
Ну – Крымла дубличив.
Бекла чедир зупарти
Хердиклар дарх нушачи.
Дугъайзасли илдачи
Саламти духа или,
Линкдиклар, гляшикътиван,
Дила уркни аргъили.

Асубирап ху пикриикес «камбуз» се ибси вара или. Ил, дила карцайла лагъа, морякунас беглара дигуси хъали саби. Илар сари морякунани чула гаши дубкхъути. Илар сари илдан «флотский борщ» дужути. Амма, дила ахлерси, наб дигулра хела пергерти някъбани дарити, жершила жешин кертити хинкли деркес. Марлира, нушала дубурлан хинклизи селра агара иш дунъяличи!

Ца гъати хед ишгъуна хабар, ахлерси: урхъуличир кали глергъи, нуша шагъарлизи даклира. Пергерси, халаси шагъар саби нуша сунези даклобси

Севастополь. Ишабси гъарил къакъа, гъарил юрт – игитунала хІили иркибси саби. ХІябилра бахъал гІяхІгъабза морякунани чула жан къурбандашибишар...

Рахли, Жамилат, къисматли нуша цадарахІелли, чейсулра хІезира ишди мер-муса чедаахъес. ХІу нуни аркури цУба инкерманна къаркъубазирад дарбти кІялгІни чедаахъес. Ишарти памятникунани, сангуртани, балас, хІу хІяйранрирахъури. Вирхулра, вирхулра, нушала хъул гъарбилзниличи. Амма хІела дахъ къантІли делкІунти кагъуртанира, уркІи кахІегахъили, хъардиути султанира ну ташмишдешлизира виркахъулра.

Дила къуймур Жамилат, хІед анцІбуки бургар дила белкІла зузбитІни. Черрерхи. Нуни хІези, селра дигІянхІебарили, уркІира гъаргбарра. Гурра даймиэс вирирагу, дневальныйла жили кагъар таманбараҳъес чебуркъахъиб.

ГІяхІли кален, дила янашар агарси шала. ХІерлира хІела жавабличи, ат-хІебличи чатІаван!

Саламтачил хІу мурталра, ну вебкІайчи ригахъуси Чаннан».

* * *

Гъайгъай, хІушанира балули, кагъар Жамилатличи хІебаиб. Ну армияли-зид къуллукъбарили, чарухъайчи, ил шери аррякъун. ЦабехІ бикІи, валлагъ, бегІтани гужли шери редибси сари, сунес дигусира вархъкатахъурли или. ЦархІилтани бурулри, валлагъ, гъандуцес хІериубли, сари гІяхІулали аррякъи сари или. Бархъли бурасли, сен-сен шери аррякъунал наб багъес хІяжат-деш агара. Амма наб ил цАкъли ригахъира ва гъаннара дигулра. Сепайда, илини сунела талихІ баргіб. Ну биалли гъаннара умцІули левалра...



Критика

ХІяпиз НУРМЯХІЯММАДОВ

ХІЕБАЛУСИ ГҮУНИКАД СЕН ДАШУТИРАВ?

ЛЕВАЛ ЛЕВСИЛА АГРИ

Шарипат Мяхіяммадовала «Дила цайли цаси» бикіуси жуз белчіунра ва ишгъуна хіекъси пикриличи вакіира: жузлизиб сегъуналра поэзия агара. Ил пикри гъамадли марбиру назмуртала кабизли.

Цаибил назму («Хіед») пасаддешличибад бехіберхули саби:

**Илцадра дигулра,
Хіял билтіули саб
Даим деңірікілірла,
Хіясратли саб чарх.**

Ишар гъар секіл дархили, гъудурмай бетаурли саби: дигира, билтіуси хіялра, деңірікілісі сарира, чархла хіясратдешра. Билтіусира хіел бираар, хіял хіебиарну. Хіял абурхар, билтіхібелтіанну.

Лерілра икіди тілама-гъама ишбархила далайчиба дүчіули дақьес виар. Концертұнашибік мәнгіналиячила пикрихібекілар. Илар гіягінити ахъти вяв-чіар сари. Икідигъунти деңілані печатылизир диәс гіягінити ахіен. Илдас анализ барнира абдалдеш саби. Икі даража поэзия сабив гъаті?

**Гүрра вяв-гъав:
«Дигахъес дигулра
Хіезир кайғыули,
Дигайла ламили
Вигес дигули»**

Се гіяламата иш назмулизир лирикала игит чуйна чурхрала хіязлизи ахъили!

**Дигайла хіязлизи
Хіу жириули**

Дигайла хіязла мерличир ишар чедиути зинала авара, зинала гъав саби. Яхі лебси хъунул адамли ихцадра кунклы сунечибси хіял чебхібалахъа. Карціли риалра, я карцілай чехіедиахъу.

Лирикала игитли сарси хъунул адам караматдешла даражаличир гили сари:

Жывли аркын хіела набчири дигай:

Сен гъала хили дигайла кымат багъес вирусив? Гъу, балули биаб гъаті (севан биалра)! Илкъайда сабхіели, дигайла квадри бетихъусигу: яра дигай лерли диалли, илдала сен белхъуси?

Цашаликарти дигайра диәс дирути сари, гъайгъай, – амма илди талихілартили кавлути сари. Марты дигайла бекіт-мурад – хъалица дуцни саби.

Баягъи мурад сархес имканагни къалли лирикала игитлис г҃ягъил ашкарли саби, гъачамцунра ахъи:

«Амма хъела дигай аркъян шулумли» хъунул адамличи г҃яшикъси багъадурра хъунрукъли увулхъули сай:

Ахъерси, сархири хъуни дигути

Бурсирарра нура дигахъес хъуни.

Хъунул адамлис дигай белгиси заманалисцун дашибти масхара-сандахъла хъулбүцүнили кавлули сари. Ил багъаналичирли дигайла къадира хъунул адамла кабизра дургъедиубли сари. («Хъу дила ахъенри»).

Гергъиси назмуре («Гъанрикахъаба») тикрарти Чяръайзивад цалабикили саби – «ну ригахъаба», «хъуммартаба» ибти.

Шарипатли сунес ахъерсилис насихъят бурули сари, сагаси хъунул адамра г҃ягъил ригахъен или. Илкъун Шарипатла къуллукъ ахъен – мурул адамлицун ирзуси масъала саби. хъунул адамлизиб ихтияр агарсигу сунела дигайлизивад даимлис декъариркуси адамлис г҃якълума ругъес.

Хъунул адамлис г҃ямрулис чарагарли дие г҃ягъинити хъалицъала масъала бекъил г҃ягъинити ахъен – халаси игъбарагардеш саби къалли ил! Илкъайда хъериэс вирусив?

«Мурул ветхъеадлира,

Хъу наб сен г҃ягъинилирил!

Илдира концертуначир кепли абдултас дучъути межъур секъал сари («Хъу наб г҃ягъинилири»).

Шарипатли дигай иргъули сари чарх хахам-халбирнилизирцуун. Хъунул адам чархла хъяланазир ибхъули сари, мурул адамлизи сунела михъирти дер-жакъес лягъирхъули сари (хъяланала гилдилизир рулкъули, гъакъирорули).

Аргъес вирули ахъен иш тахтала мягъина:

Гъайхъедикъутари,
Къунтъби гъайдикъи.
Мухъила мер илаб
Хъутрани бурцу.

Къунтъби гъайдикъули гергъи, гъайхъейкъес вирусив? Хъутрани мухъили гъабаралли, гъайикъес вирусив гъатъи? («Мурити дугурбий»).

Шарипатли хъяланы аргъахъести жагати дугъби даргес рибули ахъен – ил-багъандан хъякъикъат чурхдешличи (хъялта къяркъедешлицира балли) бетиркули саби: сунечибси хъял цахти гъайли иргъахъули сари.

Дуцъарти дигайли реръахъубсиван

Ишар дигайла хъулчиданси мягъинара хъякъикъатра къаршили кадизурли сари – дигай сецаад дуцъарти (цакъти) диаллира, чурхира илцаад даражаличир дирути сари. Хъякъикъат цацахъели сагаси хъиллаличи бетиркули саби:

«Рахаба дуцъарти

Дигайла хъили»

Цашибилгъуна дигайла сегъунти хъи дирути? Чила хъили? Эгер (сен-биялара) илди дирути диаллира, держес се г҃ягъинидеш лебсив? («Хъеррирулра, амма ...»).

Хъи дужути душмантала хъедирару?

«Тамашала дигай» назмулизир мурул адамли ахъерси хъунул адам уряхъирорули сай.

«Чумали рурцулира,

Гур – «Гъяргъяри» викъулри»

Сен «ГІяргІя»? ГІугІурикІули хІериэс рахли? Иш
Мурул адамли дигайлис, ГІямрулис жавабкардеш дихули ахІен. ХІера,
севан буйрухъикІулил ил сунес муштарсилизи:
«ВиштІаси варкыли
ДекІарли рашен» («Дила цайли цаси»). Щаходеш, хІяжардеш!
Шарипат Міхіяммадовазир жагати дутъби даргес гъуцІала лер. Сепай-
да, илдачи пархъхІерилзули сари, мехІурти секІайчи шуррулхъули сари.
«РурхІяхъули дукелцІ»
Илгъуна – хІебалгунси ГІяламат хІякъикъатлизиб биэс хІебира. Секъяй-
дали рурхІутив дукелцІ?! («Дила хІечирти дигай»).
«Марка» назмулизиб халаси нукъсандеш бетаурси тахта леб:

**Нура хІура заблиур
Делхълизи кадухъари:
Ахъли пикридикІули,
Зубрази куртІдикІулри**

Аргъес верули ахІен се бурес дигулил авторлис икІди тугъазибра.

АРЦАН АГАРСИ САВЛИ

Хамис Хіясановала назмуртала жузлис «Савлила арца далай» бикІуси
саби.

Иш авторлира я ГІягІниси дев баргес я девла мягІна кагахъес балули
ахІен. Цаибил назму саби «РяхІматла маркаличи». РяхІматра маркара ца-
дехІ къалли!

ТабигІятла суратуни дигайла хІяланачил уржахъес гъуцІ леб «Зубар-
ти-закла майдан» назмулизиб. Сепайда мурад сархили ахІен. Иганайла хІул-
би зubarтачил цугдүцили сари. амма «Зубарти пархдикІули сари». зubarти
парххІедикІарну», цилцІилдикІар.

Дигай тАбигІятла суратунани чедирцІахъули дирап. Иш гъакІлизиб би-
алли ГІяшикъуни хІядурли саби тАбигІятлизибад берцес – саби-ургаб бал-
гунхІели:

**ИлхІели гъараҳъдиркур
ТАбигІятла уонти
Илгъуна биэс сен ГІягІнисив?
(«Нуни тАма бикъулра»)**

ТАбигІятла гъарил ГІяламат белгити дазурбазиб бируси саби – илдазибад
бухъуну, ГІяламат ГІяламатли кавлули ахІен. ХІера иш назмулизиб къайда
(«Бургъуси урхъу»):

Закличи ахъбиэс
Дигусиван саб (урхъулис! XI. Н.)
Закличи ахъбиэс дигнила мурад селизиба?

Гъалабси пикри ГІергъисили уббирхъули саби. Ил нукъсандеш леб «ХІе-
ла сипат чебиис» назмулизиб. Риганайли кагъарлизиб иганайла сипат чебиу-
ли саби:

**Сен мешухІейкирира
ХІу ГІядатла арцайчи?**

Къаргъ арцан ахIену гъатIи? ХIяйван къалли ахIен! Ишаб Расул ХIямзатовла «Къургъала» асар гъанарули саби.

АХЬЕС ХIЕЙУБСИ ДЯКЬ

МяхIяммад Къаратовла «Глямрула дякь» бикIуси жуз белчIунра. Амма илинира уркIи разихIебариб. Жузла ули бетаурси назмулизир ГляхIти бухIана-буцра мягIнара лер – сепайда, назмуван белкIунси хабар саби, поэзияличи-бад дебали гъарахьси.

Поэзиялизиб назикдеш иртIуси жагадеш биэс хIяжатли саби – имцIати гъайли гъузгъалдихIебарибси. ДугъадилзехIе «Дила дигайла къякь» бикIуси – 32 тахтализибад цалабикибси – назмуличи. Поэмалацад халадеш леб, амма поэмалашалси даражагара. Назму бехIбирхули бираар хIялани хIекъли ибкъдизурси мерличибад – имцIати гъайличил анцIхIебукъахъес багъандан. Гъанбушибси назму, протоколван (лерилра дигIян-хъяш кадерхахъури) белкIи саби.

Шила дублабси къякъличи (цархIил мер агарли) бацла шалала удиб кIел Гляшикъ къаршибикиб. Къуймур къякъличи раимбад, багъадур иштяхIли сай иличи хъябруцикес. Къуймурли ил бусягIят цализи Гелаушиб. Багъадурли хъунул адамла мамри хахамдирули сай, Гур – дикъурти кIунтIбази алтIули. Вавнала сагализи кIелра кабикиб. «гантриван абалки». Гляшикъуни вавнала сагализиси бумхIули саби. ХIера сегъуна (пасадси) хIяичи битикилил илди:

«Гъайли карцIи хIейхъули,
Къуймур кIапIра рашулри.
Дигайли къагъварили,
Ил нуни гъяжриулри».
Халаси гъунар бирули хIейалли!

Илди лерилра уюнти авторлис муэрлизир гъаладизурти сари, амма мягI-на илизис – я муэрлизис – хIуруцIлизис – ахIен:

ХIяжарси белкIлизис саби!

Сегъunalра кабиз агарси белкI саби 53 тахтализибад цалабикибси «Гамъачила бурала» назмура. Тяп илгъуна саби «Хъямикунра – хIерикиб» ибси – кIушъайзисибдун цалабикибси масхара. Гамъабачи хъямикIуси бирару? ИлдикIун къачагъдеш сари!

«Верцахъес къасхIебарри» назмулизирад кIел тугъ.

«Ну дигайла хIеркIлизив

Гляндиркули калунра».

ВебкIес дигули хIеркIлизи тIяхIухъунси хIейалли?

Сегъуна бирусив «Дигайла хIеркI» яра варачан?

Риганайла шилизи гечиэс ил хIядурли сай, «Шери вякъун» бикIути айхъаллира. Амма илдала авара агара – бекIлибиубси риганайлис иганай сунела шулгIив виубли дигули сари.

«БикIутала балбирки,

Далдикалри хIед нукъун».

Иргъусили иргъу се «нукъун» сартыл илди.

Москвализб жузала ярмарка



ISSN 0235 - 0149

Индекс годовой 31176
Индекс полугодовой 73892



Москвализб жузала ярмарка